

20575 | A

A-xxxxiii ~

152

DIPPEL, J.C.

cf

Alt. II.

372.

42600
VITÆ ANIMALIS

MORBUS ET MEDICINA.

Suæ vindicata origini

DISQUISITIONE PHYSICO-MEDICA,

Quâ simul

*Mechanismi & Spinofismi deliramenta funditus
deteguntur, & mathematicâ evidentiâ ex
sanæ rationis circulo deturbantur, &
integrum universi motus Systema con-
cinnis vinculis neçtitur.*

Auctore

CHRISTIANO DEMOCRITO M.D.



LUGDUNI BATAVORUM,
Ex OFFICINA LUCHTMANNIANA 1711.

Deo & Proximo

Sacrum!



L E C T O R I.



tonitos nonnihil in me defigent oculos, qui ante actæ vitæ meæ gnari, præsentia molimina pristino meo instituto commetientur. Vix enim lustrantibus pervium erit, quî jam dudum in studio Theologico stationes publicas satis spectabiles in cathedra pariter Academica ac Ecclesiastica oblatas subterfugiens, ut & collatum a Potentissimo Danorum Rege Consiliarii Dicasterii munus susque deque habens, demum, ordine rerum mundanorum prorsus inverso, Doctoris Medici titulum ambire non detrectaverim. Ex scriptis vero publicis, elapsis hinc retrò annis 14. subinde abs me editis lectori æquo & oculato facile patescit ratio, cur animus divina veritate imbutus, & juxta hujus ductum gressus suos dirigere intentus, horreat pariter sectariorum leges in Religione præposterarum, ac consultò aberrantia a bono publico Pseudo-politicorum instituta, ubivis fere locorum vigentia, ad quorum dictamen muneri publico implicito eundum est, quò itur, nil sollicito de consuetudinis & legum receptarum justitia, in quam inquirere, vel quam levi conamine suspectam reddere pro crimine læsæ Majestatis, vel saltem impudentis & imprudentis nasutuli conatu proclamatur, certa insegurura oppressione, & ludibrio redundatu-

ro in ejus caput, qui Domino, cui servit, vera edicere ausus fuerit.

Hæc tela prævidens prudenter & Christianè me egisse omnino persuasus sum, subducendo me a muneribus publicis, non desidis otii gratia, sed ut liberiore gressu, & ut ita loquar, magis publicè veritati propalandæ, quatenus a Patre luminum, adminiculante rerum retroactarum historia & viva experientia, innotuit, invigilare licitum sit: eò penitus, suavius, & securius animum legentium non penitus excœcatorum subintraturæ, quò longius a conspectu semotus Auctor, & nullarum partium studio implicitus personalique affectu liber, minus ferit personas, commota hinc plerumque bile sibimet oculos eruentes, & implacabili odio in suasorem concitati, dedecori sibi ducentes, monitis assurgere, quæ alias ultro sedata amplecti cogitur conscientia. Hunc laboris mei fructum non una vice jam dum percepi, ac, in posterum largiore messe carpere, non despero, fidem faciente dictis Numine Divino, Veritatis suæ potenti vindice, multos jam in tramitem rectum verberibus adacturo, quibus verba veritatis in vanum surdas, dicam, an apertas pulsavere aures; interea fortem illis non invidens, nec consilium eorum perstringens, qui muneribus publicis detenti alicubi locorum honori Dei, & bono proximi vacare posse sibi promittunt; viderint saltem muniti divina gratia, ne malum pestilens, cui curando gnaviter incumbunt, blando nimis & occulto veneno medicas manus simul inficiat, & mentem

Deo ac veritati dicatam mendaci fuco fascinet.

His & aliis æquis rerum æstimatoribus (de iniquorum enim & male feriatorum judiciis dependere ineptum judico) facile excusabor, si, dum coram mundo sub nomine & functione quadam conspici, vel latere, rationes non contemnendæ suadent, potius eligam corporis contrectare mala immedicabilia, si quæ sunt, quam frustrato omninò successu rerum gerendarum curam in me suscipere, sub quibus ipla mens diris constringitur vinculis, & aliis anxie prodesse intenta tandem mercedis loco fauciae conscientiae vulnera lugeat, si non una sinistros & graves corpori eventus conqueri necessum habeat. Sola enim ferè ars Medica, una cum ancillante illi Philosophia naturali inter eruditorum ordines nostro ævo felici hoc gaudet fato, quod cuivis rei susceptæ non ignaro ex animi sententia loqui & agere sine periculo integrum sit, ac in nullius magistri verba jurando ea libertate frui, quæ hominem ingenuum decet, & quæ solerti veritatis indagatori, veræque sapientiæ discipulo apertam ad ulteriora & meliora viam relinquit. Ac licet nonnullibi creptam sibi dictaturam quidam ægrè adhuc ferant, & inani gloria, & turpis lucri cupidine acti freno constringere veritatis studiosos & boni publici cupidos non parum annitantur; auctoritate tamen pollentes hæc intentata servitus nondum invenit tutores ac patronos, nec, spero, in posterum inveniet, cum ex omnium re sit, bono potiri Medico, non emerfuro ex præscriptarum hypothesium & formularum circulis, sed ex sagaci ve-

ritatis naturalis scrutinio, & vivæ, stultorum pariter ac sapientium magistræ, experientiæ manu-ductione, omnia sane præjudicia & auctoritatis vincula prorsus respuentibus.

Accedit ad hæc, quòd naturali quasi genio à teneris in id studii genus semper abreptus sim: Licet enim ex parentum consilio Theologiæ, ceu vocant, destinatus lectiones Academicas adiverim, ac isthic insatiabili cuncta sciendi cupidine, inani gloria subdente stimulos, flagrans omnibus promiscuè Professoribus auditorem me stiterim, nil tamen magis egi ex animi sententia, quam quod in Physices & Medicinæ latè patente campo videbatur profectus meos promovere posse.

Hinc, cùm postea, miserante conditionem meam Deo benigno, apertis oculis, & detractò inanis persuasionis supercilio, me ipsum, Deum & res creatas aspicere contingeret, post æternorum curam nil videbatur terendo in bonum publicum tempori aptius, quam genuinum naturæ vires investigandi studium, ubi, illucente Creatoris gratia, animus a præjudiciorum glaucomate purgatus, ac aliis inferioris conditionis subsidiis non penitus destitutus facile invenit, quod delectare pariter ac prodesse queat. Annis ergo jam fere 12. investigando & experiendo consumptis, adjutus utriusque Anatomix instrumentis, superficialiæ pariter, quæ armata manu & oculo corporum lambit superficiem, & vasorum continentium nexum & structuram miratur, ac intimioris, quæ mediante igne cortices rumpit, & sequestratis terreis & aquosis vinculis, dotes cor-

corporum naturalium congenitas in apricum producit, falcem in alienam messem non immissurum me spero, nec aliena a vocatione, quam dicunt, divina acturum, eligens & arripiens occasionem, ea liberiore cursu in bonum publicum erogandi, quæ hunc in finem concredita mihi judico.

Elegi ea de causa illicò tam latè patens, & uberrimo rerum detectarum fructu scatens argumentum, ut unà cum specimine qualicunque profectuum meorum, re ita exigente, edito lectorum veritatis cupidorum commodo pro virili velificem, ac viam haud salebrosam ad naturæ adyta pandam: annixus, ad gustum & captum moderni sæculi animi sensa, & rerum experimenta non ubivis obvia, vera tamen, puto, & proficua explicare, fretus, nonnullos fore candidos & sinceros studiorum alumnos, quibus inde ansa dabitur, æqua mentis lance receptas hætenus hypotheses & methodos librandi, ac vera a falsis separandi. Quali enim modio exhaustum putemus hætenus immensæ naturæ Oceanum, ut, ex subnascente & aucta indies cognitione, & experientia, pristina vel corrigere, vel supplere in commodum publicum nullatenus integrum sit? Et quis æquus arbiter ex hodiernæ Philosophiæ Antistitibus invideat mihi eam sentiendi libertatem circa detegendos ævi nostri errores, quam sibi jam dudum vindicarunt, in explodendis futilibus Scholasticorum abstractionibus pariter ac Aristotelis ignorantiae, ceu dicunt, asylis, formarum nempe substantialium,

& qualitatum occultarum figmentis? Præprimis cum intentionis meæ sinceritas sua radiet luce, non novitatis pruritu, non ostentandæ eruditionis inani gloria quicquam acta (ridiculum enim puto, & factò ipso id dudum commonstravi, ex apparatu literario aliquam venari gloriam) sed coacta fere veritatis divinæ æquè ac naturalis peflundandæ causam in se suscipiens, eundo obviam auctoritati & inventis quorundam indies in deterius valituris, ac cum Deo ipsam naturam horrendo tenebrarum abyfso recondendam minitantibus; licet de mathematica, & demonstrativa reducta phyfices claritate magni ubivis resonent clamores antecedentium cohortem non tam consilio quam impetu fequentium, ac præmaturrè sibi de fecuritate congratulantium.

Horum, ceu lectoris cujusvis veritatis inquirendæ avidi, ut animum fuppeditato quodam præguftu dicendorum occupem, brevi hypotypofi in anteceffum fubjiciam oculis ea omnia, quæ concatenatis rationum momentis fequentibus pagellis perfequar. Difpescui nimirum hanc de *morborum & medicinarum origine* difquifitionem in tria capita, quorum *primum* fiftet vitæ ipsius naturam, fine qua, quantum in hac rerum caligine poffibile eft, non accuratè expenfa, natura morbi & medicaminis nunquam in confpectum prodibit. In abftrufiffimo hoc negotio, a nullis fcriptoribus, quos legere contigit, tacto, evincam nec obscure nec flexuofe, vitam in fe effe actum fubftantiæ incorruptibilis, independentis in fuo effe a ftructura corporis mathematici,

tici, tam in se ipsa immediatè sensilis sine imaginatione partium objectarum, ac sibi per actum reflexum cogitationis intimè præsentis, quàm per objecta sensuum externorum affectibilis: hinc nullatenus in se & ex se morti, seu dissolutioni obnoxia, licet machina corporea, quam vivens versat, turbata & recedente à functionibus suis vita, in sua abeat principia, quam dissolutionem mortem vocare licebit. Hanc telam persequar per omnes rerum viventium classes, indicatis saltem hic & illic conjecturis meis probabilibus, ubi demonstrativa deficit claritas.

Secundum caput exhibebit objectum Medici singulare, animal humanum morbis & affectuum turbis apprimè obnoxium. Recensebuntur hic, ad cujusvis captum expositæ, genuinæ morborum origines, ac per anatomiam utramque tentata officinæ animalis interiora deproment simul claves, ad inveniendas cuivis morbo dicatas medicinas, non conjecturales & fortuitas omninò, sed evidente axioma indicatas. *Tertium* caput, per remotionem, debilem undiquaque structuram introducti a Philosophis corpuscularibus, ceu *Boylao Anglo* audiunt, Mechanismi naturæ minimo conatu subvertet, ostendendo, *modos illos*, quos vocant, corporis essentiales, & quibus omnia naturæ phænomena ad oculum demonstrari posse jactitant: *motum* nimirum, *mensuram*, *figuram*, *posituram* & *quietem*, nullatenus ex natura corporis, seu ex corpore sibi relicto resultare; quin imo nullam qualitatum tactilium corporis, *gravitatem*, *levitatem*, *soliditatem*,


fluiditatem, duritiem, mollitiem, & inde resultant affectiones ex Mathesi inveniri & demonstrari posse. Ut proinde magno isto instrumentorum variorum mechanicorum apparatu oculos potius inanibus præstigiis demulceant, quam veram motus naturalis rationem enarrent, idem prorsus agentes, quod velati icuncularum pictarum & fictarum agitadores puerulis adstantibus & vivam quasi imaginem admirantibus imponentes, dum mota instrumenta ostendunt, & agens ceu movens primum obvelatum recondunt. Quanquam nil detractum velim laudi eorum, quorum inventa commodi aliquid & utilitatis indigentiae humanae contulerunt, nec omnino etiam improbem, in re nullius momenti delectamenti causa curiosum esse; dummodo ex nullius pretii instituto, præcipiti nimis conatu & consequentias nectendi libidine, seriae & sanctae veritati non offundatur nebula, qua in re malitia nostri seculi, feracis impietatis pariter ac eruditionis praetensae, non una vice caput extulit, et insulsum infruntorum gregem, etiam è tonsoribus & lippis collectum, cornibus Philosophiae adeò armavit, ut brevi Philosophastros non tam fieri, quam nasci multis in regionibus, dici posse, credibile sit.

Quod restat, Lectorem in judicia severa forte procliviorum ea, qua decet, observantia adhortamur, ut sedato animo & fixis mentis oculis omnia prius legat & intelligat, antequam judicet. Non enim proponuntur Rhapsodiae, vel male cohaerentia spolia; sed non interrupto veritatis,

ritatis, ceu putamus, filo connexæ, & ex uno fonte promanantes animi pro viribus vero & bono publico studentis meditationes, non ubivis obviæ, & hinc accuratiore scrutinio perlustrandæ, oculisque hominis eruditi & erudiendi non adeò indignæ. Quod si obtinero, non dubito, quin aliquos saltem inveniam bonæ causæ suffraganeos, aliquos etiam suscepto suo salebroso itinere diffidentes, & ad ulteriorem veritatis inquisitionem animatos; plurimos denique, qui, id juris & libertatis mihi deberi, concedent, quod sibi ex eruditorum grege nullo non tempore arrogarunt alii, donando subinde novo aut recocto problemate mundum sciendi cupidum, ac earundem cupediarum diuturno temporis tractu oblatarum pertæsum. Videant ergo rursus, pace sua moventia & viventia fixa, qui diu satis a quovis vento ac aëre pressi in confusè agitatis volitarunt particulis, ac, si velint, pedem mecum ibi figant, ubi immobilis vitæ perennis scaturigo adeò demulcet & detinet sui cupidos, ut omne ulterius sciendi ac gustandi desiderium ultro faceßat, præsentibus & concurrentibus in centri puncto omnibus totius perfectionis circuli è circumferentia rerum creatarum lineis, ut, unum in omnibus, & omnia in uno intueri, liceat semper genuino sapientiæ discipulo.

CAPUT PRIMUM.

De Natura Vitæ in genere.

I.  oris plerumque sat acuti sapi-
mus, eorum interim, quæ do-
mi fiunt, aut ignari, aut ob
actuum & consuetudinis con-
tractum habitum valdè incu-
rii: mirum ergo non est, si,
dum vivimus, ac singulis momentis actus vita-
les elicimus, vitæ ipsius natura & indoles con-
spectum nostrum subterfugiat, ac nil magis agen-
tem fatiget, quam actu in se reflexo se agentem
intueri, aut, divino plane instituto, se ipsum
cognoscere. Difficile tamen non est, aliqua vi-
tæ Phænomena vivacis ingenii radiis lustrare,
ex iisque penitus introspectis consequentiâ de-
monstrativâ ipsius subjecti viventis statum men-
tis oculis subicere.

2. Afficimur nimirum vario per objecta sen-
sibilia sensu, afficimur ex sensu variis desiderii &
odii affectibus, productis sanè & phænomenis,
quibus eliciendis, aut in sese recipiendis, etiam
satente modernorum Philosophorum choro, ex-
tensio corporum mathematica prorsus inepta est;
ni forte velis absurdorum myriadibus te invol-
vere, ac dicere, quamvis corporis particulam &
atomum sensus & inde propullulantium affe-
ctuum esse tam subjectum, quam objectum, ac
eodem momento agere & pati aptum natum,
ultra-

ultraque essentia suæ terminos, minutissimæ nimirum extensionis suæ obliviscendo, effectus sistere, in quibus dimetiendis omnibus totius orbis Mathematicis omnis in æternum luderetur opera: Quadraturam nimirum circuli, longitudinis dimensionem, & perpetui mobilis nexum pro puerili & leviculo declaraturis, præ unius viventis affectu instrumentis suis & numeris declarando.

3. Invieta hujus asserti veritas ulterius vibrante satis contranitentium oculos constringet & præstringet radio, si, experientia prævia, consideremus, nullum per sensus externos, & per imaginationem partium objecti externi, posse in anima vivente oriri affectum, nisi anima actu cogitandi & judicandi in se reflexo, se sensisse sentiat, ac sensu communi imagines objectas distinguat, in quo sanè sentiendi ac judicandi actu anima sibi ipsi sine ulla imaginatione partium extensarum præsens est, ac consequenter immediatè tam sentiens quam sensibilis: actiones nimirum eliciens sine imaginatione partium, easdemque in se ipsa figens & determinans, nulla objecti imaginationem subeunte dimensione. Sentiente ergo anima se ipsam immediatè, sine imaginatione partium in objecto sensibili, conspectarium est, animam in se omnis dimensionis mathematicæ pariter, ac combinationis figuræ physicæ ex hypothese modernorum, esse expertem, ac per consequens ratione sui incorruptibilem, æternam duratione, ac non tam mobilem quam moventem.

4. Incorruptibilitatis equidem animæ viventis allegata ratio ultrò in conspectum prodit: Quicquid enim actione immediatè & sine partibus conceptis sensili se ipsum sine medio & imaginatione partium rursus invenit, vel sibi præsens est, id necessario tale est quale sentitur, si qua in rebus est sensuum certitudo, quæ uno ore tantoperè extollitur; nam erroris causa semper est in medio, per quod sensatio dirigitur; si objectum esset causa erroris, nunquam non falso sentiretur, si subjectum, nunquam non falso sentiret, pereunte ita omni in rebus concipiendis certitudine. Certò ergo & apodicticè concludendi incumbit necessitas, omne vivens immediatè sibi ipse sensibile, qua tale, esse indivisibile & incorruptibile; sed quî sit, respectu corporis & extensionis mathematicæ, intactum & immobile, & tamen causa motus illius machinæ quam versat, à priori penetrare non adeò concessum est, cùm rerum, præprimis spiritualium, essentiam nunquam conceptibus nostris exhauriamus; intereà à posteriore & convincente quemvis experientia adeò clarum & perspicuum est, quòd sit, ut, ceu ex sequentibus patebit, solem ipsum negare lucidum, non tam perfrixtæ frontis sit, quam negare nexum & motus propagationem è re in se indivisibili ad mobile extensum & divisibile.

5. Condonent ergo hic aliquid ignorantibus, & ingenuè deficientis ingenii acumen exponenti, illi, qui illicò ea impossibilia proclamant, ubi nexus causarum effectus sat evidenter in propatulo non est; ac permittant, ut extorta ab ipsis
igno-

ignorantiæ confessio in re prorsus levicula, & sensibus externis obvia nobis rursus viam sternat spiritum cum corpore nectendi, ac hunc nexum, ubi forte rimas rursus agere, & hiatu fatiscereprehenditur, ipsis *Cartesii* particulis, in spiritum planè reductis, refarciendi. Quærimus nimirum, *quonam pacto cohereant sibi, ceu compingantur corpora?* quæ quæstio illis, qui omnium corporum particulas in promptu habent, & pro lubitu disponunt, non figet crucem: verbi gratia, dicent, auri corporis solidi & tenacis admodum particulas sibi cohærere, vel impulsu alius corporis, prementis nimirum aëris, vel figura propriarum particularum hamosarum, & ramosarum, sibi invicem implicatarum, seseque intricato nexu amplectentium; sed, non cohærere premente aëre, in propatulo est, quia per antliam, vel ignis rarefactionem attenuato circa tale corpus aëris (si quod est, quod non esse postea evincemus) onere, corpus nihilominus sibi cohæret, & soliditatem retinet. Cohærebit ergo tantum particularum hamatarum structura; sed quærimus ulterius, quî hami & rami, ut officium suum præstent, necessario solidi & tenaces in se ipsis, combinentur vel hami fiant? Novis dicent necessario hamis & ramis, & horum hamorum structuræ præsupponent alios, procedendo ita in infinitum, aut subsistendo demum in *Epicuri* & *Lucretii* atomis, seu corporibus indivisibilibus & insecabilibus; ubi autem omnis cohærentiæ ratio expirat: insecabile enim caret dimensione, & cohærentia corporum ex hypothesi

non est nisi per superficiem dimensionis particularum. Vident ergo acuti nimis corpusculorum distributores, aufugere tandem è conspectu eorum particulas, & vel in nihilum vel spiritum abire, ac demonstrandi viam, qua procedunt, initio & fine prorsus carere. Fateantur proinde, se nescire modum cohærentiæ corporum, aut, ad ignorantiaæ asylum cum *Aristotele* nimis male habito confugientes, dicant cohærere vel qualitate occulta, vel forma substantiali, vel si malint, nobis cum dicant, consistere & cohærere corpora actu vitali & immobili cujusdam spiritus a particulis independentis, ac particulas intra sphaeram activitatis suæ continentis ac coarctantis, quo non supposito nulla affectio corporis, ceu *capite tertio* patebit, ad legum motus mathematici amussim quadrabit: cum totius Mechanismi artificium nil aliud sit, quam ordinato æquilibrio jungere agentia naturalia, sphaerâ activitatis suæ sibi invicem subordinata, parentibus inferioribus agenti primo fortiori, cui per instrumenta sua junguntur, nesciente interim artifice primi moventis rationem; quippe nec gravitas, nec durities, nec motus voluntarius, nec ulla alia affectio corporis in Mathematici manibus est, quam ne quidem mentis operatione, ceu patet ex dato resolutionis exemplo, è natura corporis mathematici deducere compos est. Ac si hac resolvendi hypotheses Corpuscularium methodo reliqua acuti *Cartesii* figmenta, & præsupposita credenda de tribus illis universi elementis diversarum particularum

figu-

figura & magnitudine distinctis, sub examen revocentur, illicò apparebit precariò & dicis gratia omnia reliqua inde deduci phænomena; quicquid enim sub certa figura & dimensione concipitur, primum non est principium, sed ex aliis corpusculis componentibus jam dum, liceat ita loqui, elementatum; & cohærentiæ istarum particularum ratio, qua certis determinantur figuris, rursùs in infinitas absurditates prolabetur, postulata à quærente rationis datæ ratione: ita ut, quocunque se vertant bruti & mathematici motus fautores, tandem in principio motus spirituali, & omnis dimensionis experte illis subsistendum sit, ac per consequens fatendum, omnem ex corporum superficie rerum creatarum phænomena naturalia explicandi conatum, adeò insulsum esse, ac si quis ex lima & malleo artificis, neglecto ipso artifice, operis affabrè facti structuram metiri, hisque instrumentis inventi laudem vindicare præsumeret.

6. Nescientes hinc ipsius corporis naturam & consistentiam sine præsupposito substantiæ immaterialis concursu explicare, vitio nobis non vertant, si statuamus, quodlibet extensorum fixas in mundo spirituali & incorruptibili essentiæ habere radices, seu indissolubili nexu cohæreere cum spiritu quodam modificante, omnium diversarum qualitatuum corporis auctore, imò ipsius corporis compactore, externam verò materiam, matheleos objectum, adeò inertem & superficiariam supponamus, ut vix umbræ essentialium rerum nomen mereatur, & hinc ne-

B

qua-

quaquam ex se apta sit motus esse principium, cujus ratio multis passibus qualitatuum tactilium naturam adhuc superat, ceu postea videbimus. Nunc saltem oculis subjiciemus rerum vitalium diversas motus species, &, experientiâ prævia, fat, ut opinor, validis rationum munimentis evincemus, vitam sentientem &, pro activitatis suæ sphaera, sensu communi & intellectu præditam, ubivis primi & intermedii motus esse principium, medium itidem directivum, & ultimum terminum, qua movente corpus movetur, & qua cessante à motu, quiescit. Ordinem à nostra corporis machina, ejusque motuum differentias desultoriè tantum attingemus, quia in capite secundo uberior harum expendendarum dabitur occasio. Facultas locomotiva nostri corporis animati prorsus ad oculum cujusvis apparet esse libera: movemur enim ex animæ variis sensibus variè affectæ nutu, & sensatio, affectio viventis animæ immediata, per totum distributa, corpus, evincit animam viventem machinæ ubivis intimè esse præsentem, ac suo muneri intentam illicò vel obstacula irritato affectu cognoscere, vel commoda suavi desiderio & gustu amplecti, ex quibus affectibus prorsus spiritualibus omnis doloris & titillationis sensus, & hinc morbosa vel sana vitæ constitutio unicè dependet. Cadaver quippè anima inhabitante orbem nec ægrotat nec sanum est, quia in illo sensatio nulla recipitur; ex sensatione verò externa & interna motus localis directio, qui proinde rei à corpore prorsus in dependenti debet

bet originem, & spiritualis est profapia. Cur verò anima in aliis partibus corporis magis afficiatur sensu, in aliis minus, capite sequente ad oculum patebit, ad quod lectorem suspensum ablegamus; hic saltem indicantes per tranſennam præpoſteram Anatomicorum tam veterum, quàm recentiorum, de musculis localis motus directoribus, opinionem, omnes sanè leges motus mathematici evertentem, quibus movens & mobile eodem centro figi prohibentur: fixis hinc undiquaque in corpore movendo musculis, per placita *Archimedis*, & omnium æquilibrii peritorum, motio corporalis malè adſcribitur, nequidem, ut instrumenta, ad tale munus destinatis, cùm diligenti scrutatori ultrò pateat, ad sistendum potius motus concitatoris impetum, musculos suis tendinibus ossibus, & aliis partibus solidioribus esse insertos, resistantibus, verbi gratia, in parte convexa inflexæ juncturæ musculis, ne nimium inflectendo articuli luxatio oriatur, & ligamenta rumpantur, sicque in parte flexuræ concava, objecta extensi sui mole, contracta quodammodo & pro motus mensura retrocedente, eandem officii partem implentibus, de cœtero ad caloris conservationem, & fovendas partes subjectas nobiliores, concinnitatemque figuræ corporis, à provida sibi vita factis & destinatis. Quam sententiam stabiliunt musculi & iis partibus corporis annexi, quæ nunquam, nisi à movente extrinseco violento, moventur, ceu fit in auriculis, sat validis musculis ossi petroso alligatis, nec tamen à musculis

illis unquam motis, nisi fortè ad capiendam veram motus rationem aures adhuc erigere velint musculorum moventium Antistites. Nec juvat confirmandæ huic opinioni erroneæ aliam substruere, de spiritibus nimirum animalibus, animæ in glandula pineali vel in cerebro residentis iussu exsequentibus, & musculos inflantibus, conceptasque sensuum ideas gradu celerrimo ad animam cogitantem, & dijudicantem reportantibus, & nescio quid non cursoris & internuncii muneris exsequentibus; precariò enim asseruntur hæc omnia, si non ridiculè: Anima quippè omnibus corporis partibus ut adsit æquè apta & inepta est, at ubi sentit, ibi immediatè tam corpori, quàm sibi præsens est; materia verò corporea, ex qua spiritus animales, ipsis asseritoribus fatentibus, constant, licet sit subtilis, in se non est, nec esse potest, sensibilis, & hinc nec idearum dolorificarum subjectum recipiens, multo minus tam celer, ceu sensatio cum cogitatione incidit, ab extremo pedis digito, ad cerebrum cum concepta idea decursor, & internuncius: per nervos enim illi reptandum sat tennes ac nullius ferè concavæ capacitatis, adhæc non rarò circa comprimentia articulorum ligamenta tartaro podagrico obstructos, quem perreptando, fortè nova concepta doloris idea, primam exueret, & sic omnis luderetur animæ præsidis intentio. Quòd verò ex musculis per spiritus animales inflatis & ita contractis nullatenus dependeat motus localis partium, ad oculum ostendit linguæ tot musculis undiquaque

firma-

firmatæ spontanea ex faucibus extertio, quâ omnes linguæ muscoli in longum extenduntur, & utrinque tendinibus suis motui renituntur, evidentissimo indicio, potiùs ad moderandum, quàm promovendum motum musculos esse destinatos.

7. Fatemur interim, esse insuper in officina animali quandam motus speciem, quæ non immediatè animæ sentienti, sed vitæ, ut ita loquar, intermediæ, igni nempe flammanti, quo ceu instrumento culinari vivens principale utitur, debet originem, quam flammam agitantem actu inesse corpori capite secundo evincemus. Eam verò, & ab illa dependentem sanguinis circulum, caloremque qui actu sentitur, omninò esse sub libera agentis principalis dispositione, evincit actus liberrimus inspirationis, & expirationis aëris ad hunc fovendum ignem necessarij, quæ aëris flabellantis reciprocatio, pro intentione viventis arbitraria, modò concitari, modò remitti, imò prorsus sisti potest, subsequente suffocatione culinaris istius ignis, & morte præsentanea. Quo animæ obstinatæ & desperantis molimine mancipia Indiarum occidentalium, sortis suæ iniquæ pertæsa, sese pro lubitu sæpissimè occidere, ex relatione constat, & simul experturo cuivis asserti veritas pretio tali redimenda conceditur. Dicent fortè musculorum moventium patroni, actum respirationis posse quidem determinari pro viventis spiritualis, ceu animæ in cerebro residentis lubitu, ablegando ad id muneris spirituum animalium tur-

mas; in se tamen de cœtero esse automaticum, cum extra hujus intentionis concitantis, vel remittentis impetum, respiratio ordinario procedat tramite, nec ulla amplius animæ voluntariè agentis eliciatur ad respirandum intentio; sed norint, in omnibus actionibus, quantumvis voluntariis, crebrò repetitis subnasci tandem agendi habitum, & facessere primam agentis liberè intentionem determinativam: sic sutor conficit calceum intentione libera, nec tamen inter conficiendum quovis momento novum intentionis actum elicit: sic in hortum vel alibi destinato consilio abiturus non singulis passibus renovat intentionem, sed fortè aliis abripitur cogitatis, nec minus tamen liberè procedit: idem prorsus contingit animæ in officina sua ordinario occupatæ: videntur ibi actiones per crebram repetitionem factæ quasi automaticæ, quæ revera intentioni liberæ originem debent, ceu est respiratio, distributio alimentorum assumptorum, quâ partes tam continentes, quàm contentæ à centro ad circumferentiam augentur & crescunt, famis & sitis vellicatio, à functionibus quibusdam, qua somnus inducitur, cessatio, excrementorum sequestratio, nullo excitante à somno facta excitatio, & id genus plura, quæ non nisi à sapiente, & cum intentione agente arbitro dependere possunt. Ut taceam ipsius machinæ corporalis admirandam fabricam, & instrumentorum cohærentium nexum, cui operi jam in utero matris, à sensuum externorum objectis minus turbata, vacavit anima, omnia pro

pro indito sibi sapientiæ sensu disponens, aliquando etiam ab ordinis recepti tramite recedens, & Anatomicorum industriam in determinandis structuræ legibus notabili discrimine eludens, quandoque itidem ab animæ maternæ, cui adhuc subordinatur, inordinatis phantasiæ & appetitus insultibus, ab officio destinato quasi reiecta, & in errorem conjecta, unde monstrosæ & mutilæ configurationis origo. Hæc ab experientia suppositata phænomena si quis cum motu automatico conciliare annitatur, automa mente vacuum meritò credendus est: Automa enim aliud automa nunquam produxit, nec à nudè cogitante operatione mentis unquam fractum est & mutilatum. Neque Deus, quem aliqui structuræ hujus fabrum immediatum substituent, per impressiones spirituales imaginantis matris in officio turbabitur, ut & natura, nescio quid spectri hic designans: sive enim hoc nomine machinæ universalis motum, quem volunt, mathematicum intelligas, sive animam quandam universalem totum globum cum incolis suis versantem, utriusque constans, & ab agentibus inferioris sortis non turbata actio permaneat, necessum est, nî velis brevi omnia in chaos, quod volunt, primævum relapsura videre, & novæ ex confusis particulis emersuræ machinæ initia avidis confirmandæ hypotheseos *Cartesi* oculis lustrare.

8. In brutorum familia eadem prorsus in conspectum prodibunt: licet enim homo ad imaginem Dei, & ad cognoscendum & degustandum

dum Deum conditus, ceu sequente patebit capite, vitæ adhuc sublimioris & amplioris instructus sit fundo, quem spiritum ab anima distinctum, scripturâ ac ratione prævia, esse evincemus, interim tamen brutis concessâ sensuum & inde propullulantis sagacitatis ac miræ solertiæ adminicula, ex supra assertis demonstrant, polere ea vita in se spirituali ac ex se incorruptibili. Quam veritatis inconcussæ sentiens evidentiam ipse *Cartesius*, ac conceptum de anima hominis, cogitatione nuda essentiae incorruptibilis limites absolvente, à brutis remove annitens, eò processit audaciæ, ut contra sensum & experientiam tactus sensum illis adimeret, videlicet convictus, tactus sensum, & hinc propagatos vitæ sentientis affectus, non præsupposita cogitatione, & actione animæ in se ipsam reflexa, nullatenus consistere posse; sed non attendit acutus in tangendo Philosophus, adempto brutis tactu, restare adhuc sensus alios: auditum nimirum, visum gustum & olfactum, quibus multa bruta hominem cogitantem antecellunt, & quorum sensatio æquè impossibilis deprehendetur, sublata vita cogitante, & impressiones istas sensuum externorum sensu communi & iudicio discernente, ad fugienda ea, quæ noxia deprehenduntur, & amplectenda, quæ conducunt; quibus tamen animæ ratiocinantis, & sibi caventis functionibus bruta nonnulla ipsis corruptis hominibus ad oculum adhuc palmam præripiunt, quia destituuntur mentis spiritu, ceu vitæ fundo ferè infinito.

finito, à solo Deo fatiabili, qui per lapsum à Deo averſus, & pabulo ſuis deſideriis reſpondente orbatus, jam per vitæ inferioris ſenſus animam humanam, cum qua jungitur nexu indiſſolubili, exagitat, & nunquam ſatur omnes rationis ſanæ leges eandem tranſgredi quaſi cogit: hinc ea dirarum paſſionum turba, hinc affectuum concitatorum, & in ipſius corporis machinæ detrimentum tendentium inſultus in-
conditi, variorumque morborum ſemina, hinc denique omnis infrà ſortem beſtiarum aliquando longè deſcendens humanæ conditionis mīteria, verificato ſenſu illius triti: *Corruptio optimi cu-
jusvis peſſima.*

9. Hanc de vitæ incorruptibilis brutis conceſſæ phænomenis ſententiam ratio à priori deducens argumentorum nexum non impugnare compos eſt; quòd verò impugnet, & impugnare annitatur, ſuadent quædam præjudicia, metus nimirum conſequentiarum vel receptis Philoſophiæ ſuperficiariæ principiis, vel Theologorum ſibi orthodoxorum, & præſcriptis credendorum formulis in gregem ſubjectum dominantium, placitis & auctoritati adverſarum: quorum reſpectu ſibi ipſi oculos eruere quidam non verentur, & ſuppreſſis animi ſenſis genuinis, dicta & ſcripta ad genium aliorum detorquere conſultum judicant. Quærent nimirum attoniti & anxii, quorſum locandæ veniant tot animantium brutorum deſunctorum animarum incorruptibilium turmæ, in ſtatu ſeparationis, & quid illis in futurum expectandum; ſed ſolliciti prius de pro-

priæ vitæ statu ac loco, ac operum divino-
rum non iniqui æstimatores, Optimo ac Sapien-
tissimo Conditori relinquunt, quid circa tales
animas in se incorruptibiles destinaverit; poten-
ti satis, easdem vel in ea principia reducere, ex
quibus per actum creationis prodierunt, vel in
statum vindicare meliorem, eo tempore, quo
omnis creatura, jam coacta sub jugum vanitatis
& maledictionis, ac scriptura asserente erecto
collo anhelans restitutionem hominis perversi,
à maledictione, & hominis creatorem lædentis
tyrannico imperio liberata triumphabit, ac u-
nanimi ore laudes creatoris enarrabit. Nec pu-
to, Theologis justæ offensæ ansam me præbuisse,
qui, Deum ipsum subinde in Sacro codice as-
sumpta animantium brutorum indolis similitu-
dine in conspectum prodisse, quin imò ipsas ani-
mantium diversi generis imagines Divo Joanni,
in statu beato conditoris laudes enarrantes, per
revelationem ostensas fuisse, non ignorant: qui-
bus sanè similitudinibus non exterior animan-
tium structura, sed interioris & spiritualis vitæ
indoles Deo & divinis appropriatur, insulso au-
tem instituto comparisonis, si, bruta automa-
tico motu vivere, credendum sit. Ut taceam
leges & statuta tam sacri codicis, quàm profa-
norum legislatorum, quibus brutis de justitia &
injuria cavetur, quæ omnia evincunt, bruta in
conspectu Dei adeò bruta non esse, ceu nostri
cerebelli contendit occæcata sentiendi libido;
ac vereor, ne aliquando plus rationis reddendæ,
de commissa in bruta injuria, nobis incum-
bat,

bat, quàm jam credit abutentium & pessimè tractantium feritas.

10. Suspicientes verò, hæc fortè placitis *Platoniorum* & *Pythagoreorum*, transmigrationem animarum de corpore in corpus somniantium, frigidam suffundere, ac propriæ animæ causam in designanda brutorum solerti sagacitate agere velle, norint me omninò ab hac sententia alienum, licet hodiernos ejus fautores, numero sanè quam plurimos, tam atro carbone non notaverim, quàm insulsi Mechanismi fabricatores, vel delirantis prorsùs *Spinosa* assèclas, ipsam causam primam, Deum sapientem ac omni ex parte beatum, subjectum immediatum omnium enarratarum miseriarum & turbarum substituentis, quod omnia extensa modificando animet; quo modificante nihil sanè magis miserandum, confusum & infirmum concipi posset, cùm omnium enarratorum affectuum, & dolorum sensationes per impossibile extenso ceu corpori mathematico competant, & hinc innumeris undique assùltibus ipsum Deum feriant. Ut taceam, quòd phrenetica hæc philosophantium turba, hujus hypotheseos illicò oblita, contradictorio conatu affirmet, Deum non destinato bonitatis & sapientiæ consilio, sed actum & coactum naturæ suæ brutis legibus agere, cùm ipsi interea, ex hypothefi modi & partes umbratiles ipsius Dei, ceu naturæ, Sapientâ & destinato consilio agere annitantur, ac studium Sapientiæ aliis commendent, etiam concessâ fraude & vi ad intentum finem viam latam aperientes; quam vesaniam

ho-

homine prorsus indignam, ac vix bruti intellectus inventum genuinum, hîc in transitu notasse suffecerit, verberibus meritò non verbis castigandam, si qua castigatio in tam abjecti sensus ergastulis locum habet. Ad cœptum ergò redeunt, dicimus, animas quarumvis rerum viventium ab initio à Deo ter optimo creatarum, per generationem, ceu concessam à creatore vim multiplicativam, primævæ creationis æmulam, ultra tamen propriæ speciei imaginem non transilientem, propagari, nec in principio omnes simul creatas esse, nec de novo creari. Modum hujus generationis, ut & primævæ creationis explicare humano ingenio non datum, nec conceptus, quos mihi fingo vel sentio, aliis intelligentibus sistere adeò integrum est, cùm dentur quædam sensuum internorum certitudines; quæ imaginationi adæquatis descriptionibus præsentari nequeunt, ac nihilominus sua luce radiant: Sic, dum sentis te sentire, certus es de reflexo in se animæ actu spirituali, cujus tamen ideam imaginatio non percipit, & sic in aliis objectorum merè spiritualium, sensus internos immediatè afficientium, impressionibus. Rationes tamen asserti reddam aliquas iis, quibus adhuc aliquis Religionis respectus est, non contemnendas, nec rationi sanæ facilè displodendas. Apparet nimirum, tam in brutorum quàm hominum generatione characterem, tam spirituales indolis perversæ vel bonæ, quàm mechanicum corporis, à parentibus plerumque transire in natos, cui, respectu hominis, si anima & Spiritus,

tus, ab initio vel de novo creatus, subjiceretur, vitiosæ dispositionis adhuc vacuus, immeritis profectò poenas lueret, cùm è contrario peccata parentum in liberis, quos ex se genitos procul dubio spiritualiter infecerunt, à Deo justo punienda sacer codex pronuntiet. Deinde ipsa viventibus à Deo concessa benedictio, de augendo & multiplicando suo, in sua specie, semine, ad implendam terram habitatoribus, dicis gratia à Mose toties repetita deprehenderetur: semen enim non est nisi spiritualis prolapiæ, annexum quidem communiter cortici corporeæ, sed cujus respectu multiplicari vix dici potest; exterior quippè omnium rerum creatarum cortex, seu materia extensa, neque augetur neque imminuitur, sed alteratur tantùm & determinatur per varias vitæ & mortis revolutiones à vita, ceu spiritu inhabitante; multiplicato igitur non per generationem ipso spiritu, nil omninò multiplicabitur, & omnia tantùm per varias materiæ externæ modificationes revolventur, nec semini fuscitando ullibi erit locus, cùm ex materia, quam vulgus semen dicit, corpus generandum non procedat, sed aliunde à provido suæ œconomiæ spiritu colligatur, si paucissimum illud exceperis, quod semen ita putatum ab initio suppeditat, materiæ aliquatenus dispositæ, ex quo prima sui domicilii rudimenta & fundamenta locat spiritus, seminis potius nomine salutandus, quàm pauca illa inertis materiæ portio, non omninò ad efformandum corpus necessaria, nec etiam semper vitæ alicujus consortio animata.

& ad germinandum apta: quod posterius ex experientia sat evidenter constat; prius autem ex generationis, quam vocant, æquivocæ, & sine cortice corporalis seminis peractæ, successu cuivis rerum naturalium gnaro patet. Quod enim modernorum nonnulli omnibus talibus productis semen quoddam corporale, ceu ovulum, præsupponere anitantur, frivolum est & experientiæ contrarium, cum aliquando integra materiæ substratæ massa in animalcula abeat: Sic totum mel, cui tempore æstivo micæ panis triticeï commiscetur, in formicas abit; sic caro vitulina in frustra divisa, & mori, quæ fructum albicantem dat, foliis virentibus & recentibus commista, calore solis adminiculante in bombyces abit, trito Italii in defectu ovulorum hujus insecti artificio. Sic ex scobe corticum quercus, quibus tinctorum utuntur, per incuriam servorum minctu subinde aspersa tanta pulicum multitudo processit, ut incolæ domus & circum habitantes vicini angerebantur consilio deferendarum ædium, cujus facti testis oculatus sum. Sic *Helmontius* senior à se ipso experimento institutam enarrat murium productionem, ex commisto cum sanguine menstruo mulieris tritico; & alia id generis plura, tam apud hunc fide dignum, quàm alios auctores, qui Magiæ naturalis, quam vocant, congegnerunt exempla, benè multos, ubivis obvia. Quis sine perfricta fronte in talibus subjectis tot congesta prius ovula, quot procedunt insecta, imaginatione saltem assequi valet? Cum, è contrario, si loco seminis corporalis seminificans quod-

quoddam vivum, & spiritualiter activum, ex defunctis insectorum myriadibus residuum tibi finxeris, tota generationis æquivocæ ratio pateat: nimirum, materiâ quadam aptâ substratâ, & solis radiis instrumentalem ignem officinæ animalis accendere paratis, semen spirituale sibi rursus fabricat domicilium, ac id sua præsentia animat; nec enim sol, nec natura, nec fermentatio soli debens originem vitæ specificantis origo concipi potest, cujus actiones omnem dimensionem mathematicam eludunt; ceu ex datis supra rationibus abundanter evictum est. Ut taceam, quòd hac hypothese exempla magiæ diabolicæ, ut & divinæ & naturalis, tam in sacro codice, quàm aliis fide dignis Historicis circa productionem insectorum pariter ac quadrupedum, allegata (quorum fidem equidem non infringet quorundam impudentium nasutulorum non tam liberè quàm lubricè sentiendi cacoëthes) abstrusæ possibilitatis velo liberentur; Magis nimirum nil aliud agentibus, quàm ut agenti vivo jam dum existenti objectum passivum conveniens, edocti id vel à Deo, vel à diabolo, vel sagaci experienciâ suffulto ingenio proprio, substernant: nec enim in diaboli, nec ullius creaturæ potestate situm esse credo, quicquam vivi, ultra speciei propriæ limites, generando producere, penes solum Deum residente multiplicandæ vitæ indeterminata potestate, qua omnium viventium per creationem pater est, quam quidem potestatem, nova creando, liberè adhuc exercere potest, ceu subinde ex-

cr-

ercuisse in miraculis perpetrandis constat iis, qui Numinis sapientis tanguntur reverentia; ad quam tamen non præpropero gradu confugiendum judico, quamdiu causarum intermediarum, & vitæ determinatè agentis adhuc apparent vestigia; redundante nihilominus, ob Creatoris omnibus præsentis providentiam & directionem vel generalem vel specialem, totius effectus gloria in primoventis laudem & admirationem, penes illos ad minimum, qui non cæco impetu pravæ voluntatis, sed sollicito de veritate inveniendâ animo rerum causas rimantur. Quicunque proinde innumeram animantium terræ diversitatem, eorundem indolem & solertiam, structuram corporis mirificè digestam, & alimenti assumpti à centro ad circumferentiam mirabilem distributionem contemplantini; quicunque incolarum immensi Oceani stupenda opera, tot testaceorum, & conchyliorum affabrè facta, & omnem humanæ mentis industriam longè excedentia miramini domicilia, horumque & carnosorum contentorum ad eundem modum, à centro nimirum ad circumferentiam, factam vitalem accretionem; nolite insulsi Mechanismi somniare deliria; nolite, nescio cujus naturæ, verbis non expensis deprædicare & admirari lusus; nolite denique sapientem & optimum Deum, quem sapientem & perfectum esse, ipsa hominibus concessa sapientia evincit, immediatum tot & tam diversarum vitalium passionum & affectuum supponere subjectum, motorem primum & ultimum, sed potius locum relinquite Architectis intermediis;

diis , ceu innumeris spiritualis vitæ propaginibus , pro diversa destinantis Creatoris intentione , diversa indole , diversa potestate , & activitatis sphærâ dotatis , ac hæc tunc in se sufficientibus demandata sibi subire munera. Ita sanè Creatori nullius indigo , & sibi sufficienti in omnibus , omnisque vitalis potestatis arbitro liberrimo , conservabitis honorem debitum , ac in inquirendis rerum naturalium causis omnia invenietis , si non omninò & undiquaque pervia , saltem non tot contradictionum & figmentorum tricus involuta.

II. Vegetabilium regnum viventis spiritualis arbitrio ut æquè subjiciamus ac animalium , suadent rationes non superficialiæ ; licet enim vegetabilibus uno loco fixis , & de suo alimento per locorum intervalla quærendo non sollicitis , sensuum externorum adminicula à Creatore non concessa sint , vigere tamen in illis sensuum internorum & judicii mathematici exquisitam indolem , figuræ , motûs eorum vitalis , accretionis nimirum & seminificationis directricem , perpensa regni eorum phænomena non possunt non suggerere. Semen nimirum eorum vitale , vel sub cortice seminali , vel sine tali , terrâ exceptum , à centro ad circumferentiam motus leges orditur , automatico motui planè contrarias : sive enim dicas , aëris incumbentis oneri , vel terræ exhalantis propulsui , suppositis certæ configurationis plantæ poris , accretionem & collectionem tam diversorum succorum , fibrarum & donorum specificorum

deberi, semper in eodem errorum luto hære-
bis, & mechanismi leges evertes. Nam si aër
tanto onere premit, unde plantæ in assurgendo
tam pertinax contra prementis impetum nifus?
Si exhalatio excitata ab igne centrali plantam
à centro in circumferentiam attollit, unde radi-
cum contra hunc motum explicatarum propagi-
nes? quæ eodem modo, ceu pars aëri exposita,
à centro vitali ad circumferentiam distribuun-
tur, & pro mensura trunci ac ramorum, contra
vim venti figendorum, à sapiente vita dilatan-
tur, & profundius terræ implicantur. Si fortè
dixeris, ex apposis terræ particulis quasi com-
pingi radices, ceu etiam quicquid fibrarum vel
vasorum continentium nomine in conspectum
venit; unde quæso constans cujuslibet speciei
figura, odor, sapor, & color? sed & hoc fal-
sum esse, & nil partium solidarum plantam ex
crassis terræ particulis scenerari, evincit insuper
experientia: confita enim arbor in vas, terra
prius ponderata repletum, & in ingens aucta
pondus, exemptaque cum radicibus, terrâ rur-
sùs libratâ, deprehendetur nil omninò de terra
in sui incrementum surripuisse, sed potiùs aquam
pluvialem, & partes atmosphæræ circumjacen-
tis hausisse, ope caloris solaris transformasse, &
pro vitæ suæ indole specificis donis condecorasse:
explicent jam nobis corpuscularis farraginis asser-
tores, qua lege motus automatici fluida & invi-
sibilia rursùs contrahantur in solida & sensibus
obvia, & necessum erit illis, circa quamlibet
plantam singularem, undiquaque prementem
sub-

supponere aëris atmosphæram peculiarem, nam omnes uno onere contrungi impossibile est, cum quodlibet suum situm & figuram statam conservet, nec fibræ & pori plantæ ante prementem impetum fuerint, sed demùm ex hypothese premento compingantur. Quocunque sanè particulas suas vertant & invertant, innumeris prementur absurditatibus, & omne quantumvis prementium particularum onus levi vento rursùs elevabitur, unà sublevatis totius Philosophiæ corpuscularis fundamentis. Ut taceam non obscura in multis plantis vitæ extrinsecùs sentientis indicia, affectuum sympathiæ & antipathiæ à Botanicis solertibus notata phænomena, admirandam insuper & ingenio prorsùs mathematico digestam quorundam, si non omnium, florum & herbarum structuram, semper sibi in sua specie correspondentem. Quæ omnia conjunctim expensa evincunt, vivere vegetabilia vitâ in se ab animata materia mathematica abstracta & separabili, ex principio intrinseco incorruptibili, pro activitatis concreatæ sphærâ sentiente & intelligente, se ipsam propagandi ceu seminificandi, ad morem omnium viventium, potestate præditâ, ut ita seminis spiritualis beneficio in usum hominis & reliquorum animantium perpetuetur & augeatur regni vegetabilis prosapia.

12. Mundum subterraneum scrutanti vitæ mineralium & lapidum illicò clara sistuntur indicia: Crescunt enim & nutriuntur, non per appositionem & conglobationem extrinsecam, sed per motum ex centro in circumferentiam pro-

tensum, qui non potest esse nisi vitalis, & ab aliis moventibus exterioribus independens, comparatis ei omnibus æquilibrii mathematici & connexionis exterioris instrumentorum moventium legibus. Quin solius magnetis ubivis obvia vitalis actus phænomena, evidentia pariter & stupenda, omnem dubitandi de mineralium vita licentiam menti solerti præscindunt: quæ enim ad horum explanationem *Cartesius* ex mechanismi abditis confingere, in particularum striatarum supposita atmosphæra, ausus est, adeò insulsa & nugatoria sunt, ut vix sine pudore legentium oculos dimittant, & hinc optimo jure ab ipsis ejus assæclis pro ficulneis habeantur. Moriuntur insuper jam producta mineralia & metalla, ceu compertum est fodinarum scrutatoribus & metallurgiæ addictis, abeunte nimirum Spiritu compactore, & nutritore, ac remanente, loco metalli ductilis & liquabilis, exesô cinere, nunquam in pristinam figuram ignis artificio reductibili. His, præviâ experienciâ, præsuppositis, transmutationis metallorum, tot desideriiis quæsitæ & tot sibilis exceptæ, ratio à priori faciliè innotescit: Illud enim quod propriam suæ molis materiam actu vitali priùs congeffit, &, igne instrumentali solis & terræ mediante, digessit ac transmutavit, (ceu omnia reliqua viventia quotidie huic transmutationi incumbere deprehenduntur) si, adjuvante naturam arte, in sua activitatis sphæra priùs exaltetur, (quæ exaltatio circa reliqua viventia in aprico est.) faciliè compos erit, substratam sibi materiam

riam idoneam, qualem metalla sibi invicem præbent, sub suæ activitatis sphæram, devorando & expellendo ita vitæ genium pristinum, rapere, ac sic actu nutritivo ac digestivo vitali desideratum effectum producere; quòd verò tam citò in tam ingentem cibi massam devorando & alterando grassari possit, ac in hoc reliquorum animantium actum nutritivum ac accretivum longis parasangis superare, in causa est partim ipsius vitæ mineralis in constanter, simpliciter, & æqualiter agendo determinata fixitas, partim ignis culinaris, hoc liquefactionis actu omnem reliquorum animantium instrumentalem ignem excedentis, circulus rapidissimus, partim denique cibi substrati idonea homogeneitas, tot alterationis & subactionis decoctivæ reiterationes non requirens, ac reliquorum animantium diversa ciborum genera. Nec possibilia hic fingo, quæ actu nunquam evenisse deprehenduntur; licet enim tot frustrati famelicorum hujus scientiæ successus, & funesta bonorum dilapidatio, ut & infinitæ agyrtarum, Alchymistarum titulo infamium, imposturæ invisam & suspectam hanc philosophiæ naturalis partem non postremam reddiderint, constabit tamen rei veritas penes illos, qui, exemplis convicti & inanibus præjudiciis non detenti, persuasi sunt, non illius manibus tanti momenti scientiam pertractandam, cum ipsi summo ac sapienti rerum arbitro, Deo optimo, curæ sit, arcere ab his naturæ adytis corruptæ naturæ mancipia, sibi æquè ac aliis inde exitium

fabricatura: possidendo nimirum ac pro lubitu usurpando omnes simul corrupti seculi Deafstros: sanitatem, divitias, & inde resultantia voluptatis ac honoris lenocinia, quibus vel quærendis vel quæsitis & inventis tam divinum Numen horrendum in modum quotidie lædi, quàm ipsas mundi societates confusionis inexplicabilis barathro submergi, quin submersas jam esse, oculis non eodem poculo inebriatis videre est.

13. Denique, ut vitæ limites in immensum patentes uno circulo rursus claudam, assero, totum terræ nostræ globum constare, cohærere, & versari actu vitæ generalis cujusdam, æquè, ac incolarum viventium, spiritualis, incorruptibilis, ac respectu movendi globi, immobilis. Id ut asseram, evincunt æquè clara, ac supra enarravimus, motus vitalis phænomena, ad nullas mechanisimi leges quadrantia, ac simul evincencia, omnes reliquos, quos videmus, stellarum tam lucentium quàm illuminatarum globos eodem motus immediatè vitalis fundamento inniti, ac versari. Vortices enim, & atmosphæræ cujusvis stellæ globi substitutum à *Cartesio* æquilibrium, quo, quasi se invicem vibrantes, in suis terminis hæere putantur, figmentum est admodum jejunum & frivolum, ab experientia multoties discussum: hoc enim supposito vero, nunquam stellæ novæ apparere potuissent, sine perturbato à principio extrinseco totius universi motu; nunquam insuper colligi (quicquid in vanum ad sese extricandum etiam hic *Renatus*

des Cartes regerat) tam vasta cometarum ardentium moles. Astronomi itidem insigniores illustræ phantasiæ prodidissent monumenta, quibus subinde facta transpositio, & variatus situs ipsarum stellarum fixarum, quæ creduntur, detectus est, & qui hodiernum adhuc unanimi ore querulo excentricitates & motus refractiones, quas vocant, admittere coguntur, falsi non una vice integris ferè Eclipsium dimetiendarum calculis, & lunæ, sideris proximi, motum frustrato conatu sub leges suas mathematicas undiquaque cogere adhuc anxie annitentes. Subsiliunt nempe nonnunquam, dispensante Deo, tam vastorum orbium viventes agitadores, ut, quantum sine notabili ordinis totius inversione fieri potest, actu vitali libero è consueto tramite deflectentes ostendant imbecilli Calculatorum turbæ, leges eorum esse frustraneas, nisi universi Conditor adhuc jussu suo liberrimo moventium intermediorum phalanges in ordine contineat, & statas motus leges obedientibus præscribat. Ut taceam, quòd ipse *Cartesius*, suæ hypotheseos mendicitatem miserandam prævidens, non ausus fuerit, totius universi machinæ extensæ adscribere figuram determinatam, vel saltem extensionis terminos, ne nimirum inconsultò volantibus, quos inescare suis figmentis gestiebat, & quos temerè credere potius, quàm philotophari optabat, illicò aperiret absurditatis horrendæ terminos, & ludicræ philosophiæ finem ridiculum: nam quacunque figura definiisset extensi terminos, crustâ simul solidâ tota ma-

china circumdanda fuisset, ad continendas in motus legibus sphaeras extremas, altera sui convexi parte nequaquam amplius pressas. At quis hujus crustæ & orbis continentis primus compactor fuisset? forte crusta alia, & ita in infinitum? in Deo ergò tandem subsistendum fuisset misero mundi ex particulis conflatori *Cartesio*; &, si non omninò, ceu vanam, ex particulis motus mathematici legibus coeuntibus, mundi fabricam, ejus asseclis proscribere libuerit, nil sanè restat, quàm ut statuunt Deum, postquam omnes atomos crustâ solidâ ad conservandam motus cohærentiam obduxisset, primum motum, nescio, quo contactu, suppeditasse particulis, quarum postea continuato motu & contritu corpora distincta ex mensura æquilibrii emeruisse, *credibile sit*: nam nisi credas, captivatis rationis oculis, dices credibilius esse, in particulas confusas abiisse philosophantium talium mentis acumen, quod nec materiæ extensæ, ac ita in se finitæ, fines asserere, nec motum vitalem & spirituales, premente utrinque consequentiarum hypothesin susceptam evertentium cumulo, admittere audeat. *Tantæ molis erat tam stultam condere molem.* Sed, missis his quisquiliis, figamus mentem solidiori fundamento, ac intuentes, cum omnibus universi orbis orbibus, globum nostrum terraqueum, nullo sustinente corpore in libero aëre suspensum, motu locali, tam diurno circa axem, quàm annuo intra tropicos revolutum, motu interno, ope ignis sui centralis, (cujus flammivomi montes quasi fuli-

ginum spiracula sunt) aquas per quasi arterias (scaturigines nimirum internas) & venas, (fluminum undiquaque confluentium ramos & truncos, ad pristinum principium remeantes) continuo circulantem, ac in commodum incolarum viventium irriguos aëris vapores elevantem; statuamus potiori ratione, vitali hæc omnia deberi potestati, à mole quam animat independenti, quàm, nescio cujus, oneris impulsui: nam aërem seu atmosphæram nostram non premere, sed singulis momentis fursùm potius tendere, exhalando à terra, attenuante humores igne centrali, ac tandem à radiis solaribus prorsus dissipari, evincunt altissimorum montium cacumina, in quæ ascendentibus tam respiratio, quàm antliæ pneumaticæ, & pyrotechniæ phænomena, ob deficientem & rarefcentem aërem, tandem deficiunt, ipsi aëris, (vel condensati vel rarefacti, & in tantum vel cedentis vel contrahentis, nunquam autem onere quodam subjectis incumbentis) meteoris ordinariis, nubibus nimirum, ventis, pluvia & fulguribus longè infra pedes relictis. Et ipsæ nubes in aquam jam condensatæ, ac per consequens graviores omnino aëre subjecto, impetu ascendentis exhalando aëris quasi suspenduntur, nunquam prævalentes onere suo, nisi vento turbulento vi quasi detrudantur, vel ulterius concretæ in majores guttulas diffluant. Quicquid proinde movetur, movetur actu vitali, vel immediate unito, & sibi proprio, vel aliorum viventium fortiorum impetu, quibus per interceden-

ta instrumenta copulatur. Omnes verò has vitas connectit, ac activitatis leges ponit *Vita prima* in se semper beata, ob infinitam ferè rerum creatarum, figurâ, motu & vitæ viribus diversarum, multitudinem, *infinite sapiens & intelligens*, ob concessas & sustentatas omnium vires *infinite bona*, ob continuatum omnium ordinem, & primævam productionem *infinite potens*, & hinc omni laude & devotionis vinculo digna, omniumque vitarum desideriis, si æternum felices esse velint, apprimè appetenda.

Dicta hæcenus evincunt, *sanitatem vita esse affectionem*, juxta injunctam sibi à Creatore legem suis actionibus tranquille persurgentis, & conquesto cibo sua desideria explentis; morbum consistere in perturbatis vitæ sensibus & affectibus, hinc demandata sibi munera subterfugientis, & retrocedentis; corpus autem, cæc extensum externum, neque sanitatis neque morbi immediatum subjectum esse posse, quia in se non est sensibile, nec cadaver animarum unquam Medicina objectum fuerit: Mortem denique, seu resolutionem, solius esse extensæ molis, quæ, cessante à sua functione vivente incorruptibili, communis aliorum viventium prada fit, & per putrefactionem distrahitur, nonnunquam etiam à vivente universali totius globi tam diu compacta, & viribus congenitis integra conservatur, donec commodum vel in alimentum vel in medicinam, vel in usum Oeconomicum cesserit reliquis altioris conditionis animantibus. Quæ omnia sequente capite distinctius explanata oculis legentium sistuntur.

C A P. II.

*De Homine Morbis afflicto ac Medicina
juvando, seu de genuina Morbi & Me-
dicinæ origine, eorumque agendi & af-
ficiendi indole.*

I. **D**eus, solus sibi sufficiens & ex sese beatus, non voluit nec potuit producere creaturas sibi ipsis sufficientes, ad explenda vitæ concessæ desideria; dependere ergò omnes voluit partim à se ipso, tamquam omnis bonitatis & perfectionis fonte, partim à creato vitæ pabulo, ut mutuo indigentiae vinculo eò arctius unirentur. Creavit hominem omnium visibilium creatorum quasi complementum & compendium, ad sui imaginem: id est, instruxit eum vitâ ipsius Dei beatitudinis capace, & desideriiis suis summo bono, ad explendam & saturandam famem, affixa; quam vitam divinarum rerum periti antiquissimi dixere mentem, spiritum mentis, animæ inferioris quasi principem & moderatorem; sed & animâ in creaturas reflexâ, & in iis vitæ affectus saturante, instructum esse voluit, ut duplici vitæ fundo, sibi invicem objectorum impressiones communicante, ad instar bifrontis Jani inter Deum & creaturas constitutus tam creaturas, quàm creatorem cognosceret, ac ex utraque parte in summi Boni admirationem & amorem raperetur. Sed, ut & se ipsum tanquam indigentem, & undiquaque
ad

ad beatè vivendum dependentem intueretur, ac quid inter causam primam & res creatas interfuit, sensu experiretur, tentandus erat quadam fame seu indigentiae sensu, ut hinc humili devotione Patri beatifico subesse disceret, ac ejus magnitudinem profundius veneraretur. Subtraxit ergò menti ad tempus Deus ter optimus suae ipsius beatitudinis influxum & sensum, dato simul interdicto, ne vitæ ad Deum fruendum creatæ desideria ad cibum animæ caducum inverteret; sed fidei potius & obedientiae oculis in beatitudinis & amoris fonte fixis de summo bono nil nisi bona speraret & crederet; at moræ exiguae pertæsa, & Diaboli, jam dum eodem modo à Deo averſi, suggestionibus auscultans, deflexit desideriis, abjecta fide & spe, à vitæ beatificæ præcepto, ac per sensus animæ subjectæ ad suavitatem rerum creatarum divertens, sibi jam satis prospectum esse credebat; sed illicò, hoc cibi genere famem immensi desiderii non tam expleri, quàm ulterius incendi sentiens, se nudam & egenam conturbatis oculis aspiciebat, variisque hinc timoris, spei, iræ, nausæ, ac ratiocinantis phantasiæ furiis exagitata, eadem spiritualis veneni labe animam sibi subjectam & annexam corripuit, quæ hinc, ab officio sibi destinato quasi retracta & in confusionem adacta, domicilium proprium & officinam nutritivam variâ turbâ foedavit, ac, succrescente demum per carnalem generationem ignorantiae & erroris, ut & inimicitiae & libidinis colluvie, ab agentibus & objectis extrinsecis ulterius lædi ac

per-

perturbari cæpit, subsequente tandem tali impedimentorum variorum nausæâ, quæ desistere prorsus à functionibus, & corpus fœdatum derelinquere, animam impellit; hinc consequentiâ naturali, mors tam corporis quàm mentis & animæ enata est, quâ prius in sua principia resolvitur, ac ab aliis agentibus vitalibus rursùm rapitur, sorte magis toleranda & sensuum turbis experte, posteriores verò, anima nimirum & mens sensuum ac desideriorum subiecta immediata, &, ceu ex supra dictis patuit, incorruptibilia, in statum perpetuæ famis, anxietatis, metus, ac iracundiæ, conjectæ, apprimè intolerabilis sortis miseriam sentiunt, ac inter Deum & creaturas mediæ hærentes, & utriusque cibi delectamento orbatae, suarum transgressionum meritas pœnas luunt, nil nimirum vindictæ portantes, quàm quod sibi ipsis fabricarunt: nec enim tortoribus extrinsecis, & ficto inferni loco, ut & irati Dei fulmine opus est, ubi tot cruciatuum tormenta, consequentiâ prorsus naturali, ex ipsius vitæ indissolubilis & incorruptibilis fundo ultrò ditissima scaturigine propullulant; licet in misero talium consortio objecta spiritualia extrinseca nunquam deerunt, quibus innata affectuum & sensuum rabies ulteriùs exasperari & concitari queat.

2. Hæc Religione aliquâ imbutis non omnino videbuntur absona, nec sacris testimoniis contraria, sed stultæ sapientiæ antistitibus & Philosophis vagis videbor multa narrasse, nil verò probasse; verum, huc revocatis, quæ de

vitæ ipsius perennitate rationali argumentorum nexu suprâ evicta sunt, & perperis, quæ adhuc quotidiana suggerit experientia, cui nimirum & stultos demùm assurgere oportet, ad minimum concedent, potuisse lapsum, & hunc subsecutas misérias modò recensitò in mundum introduci, nec abs re esse, aliquò futurorum metu suspendi illum, qui caducis inhiat, & per religionis veræ Christianæ subsidia separatam ab animæ connubio sensuali, verbi divini efficacis & penetrantis ope, mentem, nondum cibo & delectamento concreato junxit, ubi ipsa anima inferior, mentis quasi domicilium, nexu reciproco felici ciborum commutatione, post excessum è corpore, æternæ beatitudinis particeps redditur. Vident nempe, eâdem corruptionis methodo quotidie adhuc animam à mente ulteriùs corrumpi & in errorem conjici; vident, affectus & perturbationes sensuum spiritualium superiorum nexu indissolubili vitam animalem affligere, humorum circulum vel concitare nimium, vel sistere, pro iræ, amoris, lætitiæ, spei, timoris, odii, invidiæ, & tristitiæ indole; vident eousque procedere sæpiùs harum spiritualium confusionum procellas, ut anima suarum functionum naturalium prorsus oblita ac ab officio unò impetu quasi abrepta, mortem subitanæam corpori inducat, vel etiam machinatione destinati consilii manus violentas sibi ipsi inferat, & vel ferro, vel veneno, vel præcipitatione & suffocatione, fata suprema ultrò accersat: Hæc videntes, videant simul, nisi

con-

consultò cœcutire gaudeant, spiritus in corpus agendi facultatem extra hominum sanorum controversiam esse, vel, ridiculo conatu, quamlibet extensi particulam sensilem, cogitantem, vivam, & affectuum non extensorum & non commensurabilium subjectum primum & immediatum statuunt. Videant insuper, has turbas, quæ miseros homunciones longè infra sortem bestiarum dejiciunt, non posse non oriri, nisi ex ampliore & intensiore, sed perverso fundo vitæ spiritualis, quæ continuò quærendo, & nunquam satura errando, tali tyrannide vitam animalem premit, &, genuinò destituta pabulò, immani appetitu in ejusdem cibum grassatur, nec præsentibus bonis, quæ eligit, contenta, sed rabiosâ fame nunquam non ulteriora anhelans, nec de futuris, propter extravagantes ratiocinationis terminos, unquam secuta, & hinc amittendorum horrendo metu, & acquirendorum desiderio se semper excrucians: cùm è contrario bestias, in eligendis præsentibus bonis & fugiendis præsentibus incommodis sat sagaces, & ad stuporem aliquandò rationales, tali affectuum tragœdiæ non expositas videamus, & hinc nec tot morborum insultibus obnoxias. Videant denique, præcepta Christianismi, quæ mentem Deo rursus conjungunt, & caduca vilipendere docent, vel vitæ tantum temporalis beatitudinis ergò amplectenda, & exosculanda esse homini sano & genuino Philosopho; ut nimirum à vitæ temporalis carnifice indefesso liberetur, & brutorum ad minimum sorte prospera

perâ gaudere valeat; ac definant tandem stultitiæ notam inurere illis, qui consultæ & spontaneæ insanix vincula exuere, ac animo inconcussio quosvis casuum assultus excipere annituntur, vel hoc unô totô perversorum grege beatiores, etiamsi videantur vitæ animalis infensî destructores, ac blanditiarum sensuum externorum iniqui contemptores: flocci enim sunt externorum malorum tela, ubi mens veri & adæquati desiderii suis boni sensu exultat, & animæ phantasias suavi jugo moderatur, dum non ampliùs tanquam famelicus corrivalis furtivis rictibus offam carnalium illecebrarum illi præripere annititur; sed potiùs suæ sufficientis beatitudinis gustu communicato ad altiora eandem erigere contendit.

3. Investigatâ ita causâ omnium primâ, ob quam in manus Medici incidendum fuit miseris, descendamus nunc ad alias intermedias, visuri, quot modis & quot objectis vita animalis possit turbari, & ita morbis affligi. Præter ergo hostem illum domesticum, perversam nimirum & à genuino cibo averfam mentem, cui anima nexu indissolubili jungitur, & cujus indomita tyrannis morborum sæpè incurabilium mater est, etiam ab aliis objectis spiritualibus immediatè sensus internos afficientibus turbari ac lædi posse animam, rationi pervium est, & veritati historicæ congruum. Sic cùm unâ nocte, feriente Angelo Domini, tot millia Assyriorum prostrata esse legimus, concipiamus saltèm, potuisse ferientem sine ullo objecti externi phantasmate,

tasinate, excitatâ per sensus internos terroris & metus confusione, animam attonitam à functione animali suspendere, ac ita mortem corporis accelerare: ad eundem modum, quo, per sensus externos inducto subitaneo terrore & metu, quàm plurimos exanimis concidisse experientia docuit, & adhuc subindè concidere docet. Et sic nec absurdum nec de nihilo reputemus, cùm in Historia Evangelica spiritus ægritudinis, quo infestabatur muliercula quædam, fit mentio, aut cùm corporaliter à Dæmone, dispensante Deo, obsessorum enarratur miserrima conditio: licet enim nugatoria quorundam protervitas, falsâ & furiosâ penè hypothesi, *Quod spiritui in corpore agendi nulla sit potestas*, in vertiginem acta, hæc sugillare & evanida reddere non dubitaverit, nil tamen magis rationi sanæ convenit, quàm nulla agendi & movendi potestas, nisi prorsus spiritualis, deprehendi potest per totum universum, imò, ceu capite tertio ulteriùs evincemus, ne ipsa quidem extensorum localium existentia, cohærentia, & figura determinata, sine immediato concursu substantiæ ab extenso diversæ, inveniri. Læditur deinde anima, & morborum sensu corripitur, per objecta externa, in sensus animæ ad exteriora reflexos incurrentia; quæ objecta sensu communi ac rationis libramine simul suscepta, & inde aliquandò ipsam mentem in confusionem agentia, denuò duplicem præbent morborum occasionem, irritatâ ac læsâ animâ tam per reflexos ad extra sensus vitæ suæ proprios, quàm per descendentiæ præsidentis

mentis confusa phantasmata. Primarium verò omnium objectorum externorum, & causarum morborum occasionalium, ipsa est machina, animæ viventis & sentientis domicilium: id enim cum jam in utero matris mirâ diligentiae ac sapientiae applicatione ipsamet exstruxerit, variis receptaculis, & vasorum continentium apparatu mirifico ornarit, variis denique succis ad elaborandum vitæ pabulum ditarit, ac ita in omnibus suo bono temporali prospexerit, mirum non est, si quid in tali officina turbæ excitetur, & per agentia adventitia ordo rumpatur, animam doloris, nausæ, tristitiæ, & metus ceu anxietatis sensu exasperari, ac omni conatu, recollectis viribus & sedato affectu, obstacula infesta amoliri; quæ hinc est sui ipsius medicatrix optima, imò ferè sola: cum, eâ cessante ab officio, omnis Medici conatus frustraneus sit, utpotè cujus ars saltèm versatur in eo, ut blandioribus & congruis objectis vitam turbatam demulceat, ac, sedato ita rursus sensus infesti impetu, eandem ad refarciendum damnum illatum & redintegrandum officinæ ordinem, invitet & excitet. Ita enim statuere oportet eos, qui animæ & vitæ sensu orbato corpori per medicamenta rursus erigendo & in ordinem redigendo nullam amplius operam locant; convicti in tantum, corpus quæ tale, nunquam fuisse Medici objectum restituendum, & sic nec subjectum immediatum morborum averruncandorum, qui morbi sine sensu nulli sunt. Sensus verò, ceu ex dictis abundanter inclaruit, immediata affectio est

est subjecti viventis & in se incorruptibilis, & hinc ægrum in se istud solum dici poterit, quod nunquam resolvitur ceu moritur; licet, si quibuldam statutum maneat, inordinatam machinæ corporalis dispositionem morbi nomine insignire per figuram loquendi metonymicam, nulli de phrasium & vocum licentia litem movere intendam; ea enim dispositio est vel occasio & causa procatarctica morbi producendi, vel fructus & effectus perturbati affectus & morbi jam producti, nimirum vel introducta ab agente extrinseco importunè feriente & subrepente, vel causata ab anima ipsa in turbine sensuum inordinatorum ab officio sibi naturali cessante, & sese quasi subtrahendo, confusione motus circularis locum cedente.

4. Velim hæc, sine præjudicio & nausæa sibi soli sapientis genii, perpendantur à Viris, ex quorum re est, non alienis & commodatis oculis naturæ viventis arcana scrutari, ausim enim tum mihi promittere, neminem nasi emunctioris reperiri esse, qui non fateatur, sensationem materiæ extensæ tribuere, esse aliquid ingentis mysterii credere, & verbis asserere conceptus, quos ratio nunquam deprehendet cohærentes & rei intellectæ adæquatos. Desudarunt, ceu notum est, multi tam ex pristinis quàm modernis, huic nodo solvendo gladium fabricare, sed frustra, & neque aliis neque sibi ipsi, si fatendum sit quod sentiunt, alicujus probabilitatis speciem relinquentes. Inter hos propiùs scopum feriens sagacissimus & solertissimus rerum

indagator *Helmontius* senior, animæ, principalior itidem sedi ex sententia præcedentium, licet alio in corporis loco, juxta hypothesein affixæ, subordinavit adhuc vitam quandam mediam, ceu spiritum, soli functioni naturali intentum, quem, traductô ex *Theophrasto Paracelso* barbarô vocabulô, *Archæum* dixit, ac huic demandavit plerasque officii partes, quas aliis, spiritibus ita dictis animalibus & vitalibus vindicare, placuit; sed cùm indefinitum reliquerit, cujusnam prosapiæ sit *Archæus*, an ex vitalium incorruptibilium numero, & in se ipso intelligens, quia sentiens, & cur non potius ipsam animam tali muneri aptam agnoverit; aut, si *Archæus* non sit substantia intelligens & incorruptibilis, in spiritibus animalibus, secundum veteres, idearum sensualium receptaculis, non acquieverit, (cùm præter necessitatem agentia & entia multiplicare nunquam liceat) meritò istud, *Archæi*, novi fabricatoris, munus, obscuritatis velo involutum, à plerisque neglectum est; nobis tamen occasionem dedit, ulteriùs in indolem rerum vitalium inquirendi, & eruendi axiomata certa, quibus sphæræ activitatis eorum perennitas, incorruptibilitas, & materiam extensam movendi ac determinandi facultas in aprium producit, & simul evincitur, quamlibet vitam creatam, in se ipsa licet perennem & incorruptibilem, posse esse morborum, ægritudinis, sensuum adversorum & turbatorum subjectum immediatum, nec animam hominis, ut ab ægritudinis sensu affligi possit, opus habere turborum

barum concitatore intermedio, Archæo, juxta *Helmontium*, idearum dolorificarum & affectuum perturbatorum subjecto susceptivo & suscitativo. Sed suspicor adhuc, respectu familiæ brutorum, Viro sagaci, peregrino Archæi vocabulo ludere, consultum vitum fuisse, ne brutis apertè tribuendo vitæ & animæ incorruptibilis fundum, fortè quibusdam hæreticus vel injurius in ipsam humanam naturam videretur; dum interea barbaro Archæi vocabulo buccinatores hæresium, & criticos irritatos incertos suspendit, audientes quidem, sentire & affectibus concitari posse Archæum, sed nescientes, unde istud animal venerit, nec quorsum per mortem tendat, aut quâ ratione in resolutione materiæ extensæ, sensus & affectus non extensi perire, vel superstites esse, dicendi sint.

5. Sed ad inveniendam sensationis diversitatem, ejusdem animæ in eodem corpore, viam aperiet finis ultimus œconomix animalis, quærenti rationem: *quare animæ injunctum sit, tale volvere corpus, & tanto apparatu ingestum cibum alterare*, ex suprâ tactis jam penitiùs aperiendus. Nempe, cùm ex sapientissimi Conditoris consilio animæ hominis injunctum sit, suos sensus æquè ad extrâ reflectere ad cognoscendas creaturas visibiles, ac ad intrâ, ad communicandum cum incolis mundi spiritualis & incorruptibilis; brutorum verò animæ, saltèm per sensus externos quærere proficua & fugere noxia, præsidente objectis sensualibus sensu com-

muni & rationis, suam ſphæram non excedentis, iudicio; & verò ſenſibus iſtis non tantum rerum ſenſualium cortices & duram ſuperficiem, ſed ſimul effluvia atmophæaræ cujuſvis ſubtiliſſima, virtutum congenitatum vehicula, penetrare, iisſque quaſi conjungi neceſſum fuerit, ad odoris, ſaporis, pulchritudinum, colorum & ſonorum in communi orbis atmophæra excitatorum differentiam hauriendam; veſtienda fuit anima ſentiens ſubtiliſſimâ quadam & lucidâ orbis continuè circulantis atmophærâ propriâ, in quam ſubtilia aliorum objectorum viſibilium effluvia, per concurſum obvium, colligerentur, miſcerentur, atque ita animæ undiquaque præſentis obtutui & tactui ſubjicerentur, ac diutiùs ſenſui dijudicanti obverſarentur. Hujus atmophæaræ, ceu immediati vitæ animalis ſtabuli, ergò, tota machina corporea erigenda fuit, ut nimirum in hâc officinâ per varios decoctionis & exaltationis gradus, ex aſſumptis cibis ſubtiliſſimum & luſinoſum quodvis colligeretur, & ſequeſtratis corticibus, in circulum hujus agitatæ atmophæaræ eveheretur: hinc eſt, quòd anima, ſuæ indigentia & emolumentum gnara, minùs ſentiat & offendatur in locis officinae ignobilioribus, quàm in iis, ubi ultima, & proximè colligendæ tali atmophæaræ apta, fit concoctio, & puri ab impuro ſequeſtratio: Sentit ergò anima in toto corpore; ſed ſentit apprimè & irritatur in nervis tanquàm propaginibus officinae nobiliſſimæ, cerebri & ſpinalis medullæ, in qua officina, ob id ipſum tam firmis oſſium munimentis undique

à provida sibi anima conclusa, proximè colligitur, & per nervorum canales toti corpori, præprimis tamen sensuum organis, distribuitur quinta omnium consumptorum, ceu vocant, essentia, aliis sub nomine spirituum animalium celebrata, à circulo hujus atmosphæræ rapienda, & tandem cum fluidioribus reliquis dissipanda: hinc est quòd plùs, imò pro constitutione temperamentorum quatruplo vel quintuplo plùs ciborum ingestorum insensibiliter evanescat, quàm quod in aucto sua mole corpore, & in collectis recrementis, subducto calculo, invenire est: hinc denique esse puto, quòd, (ceum exemplum his terris in juvene rustico Stolpensidatum) per longum temporis tractum dormitantes, ob minùs concitatum ignis culinaris suæ officinæ animalis circulum, cibo non tantoperè indigeant, cùm anima à sensibus exterioribus vacans per respirationem ex aère sufficientem usquequaque occultum vitæ cibum recolligere, & partibus indigentibus distribuere etiam naturaliter valeat; quanquam supernaturali Conditoris dispensationi ubique locum relinquam. Quæ quidem resolvendi & in invisibilem atmosphæram dissipandi facultas in quibusdam viventibus tanta est, ut ignis culinaris rapidissima in combustibilia resolvenda agendi virtus vix æquiparari mereatur, utpotè plùs recrementorum visibilibus relinquentis, quàm ignis vitalis, humidò adhuc vinculò quasi captus. Adhuc fruitur aurà senex Octogennariò major, civis Amstelodamensis, vir probatæ fidei & boni aman-

tissimus, qui per tringinta ferè annos benè semper esuriens, & pastus benè cibis solidis, prosperâ usus est valetudine, in corpore macilento quidem, sed admodùm agili, nunquam, nisi ordinariè 20. diebus, aliquando etiam 30. elapsis, aliquid fæcum alvinarum deponens. Fabulas fortè narrari dicerent plures, nisi facti veritas testibus vivis quàm plurimis desideranti innotescere queat pariter, ac ipsius decoctoris tam strenui confessione fide dignâ. Hæc verò debite considerata rursùs dant intelligere, quàm instabilis motûs lex ex configuratione superficiali materiæ extensæ resultet, quæ à viventibus quotidie in mille figuras discerpitur, & mille modis determinatur: ex solidis nimirum fiunt fluida, ex fluidis solida, ex invisibilibus visibilia, ex gravibus levia, ex levibus gravia, pro indole & dispensatione vitæ incorruptibilis, materiam inertem modò compingentis & colligentis, modò extenuantis & dissipantis, adeo ut nil tam instabile moliri queat homo sapiens, quàm particulis stabilem vindicare velle figuram, &, ex determinatâ figurâ primâ, prima confingere corporis elementa, & motus leges. Ut taceam, quòd nec ullius figuræ determinatæ ratio concipi possit, (ceu ex supra datò, resolutionis, mechanicè cohærentis corporis, exemplò innotuit, & infra ampliùs innotescet,) sine præsuppositò immediatò & immateriali hujus figuræ auctore & opifice.

6. Positò ita fundamentò generali; certò tamen & rationi sanæ perviò, morborum ex sen-

satione vitæ dependentium, planâ viâ descendemus ad specialiores sensationis malè affectæ modos, quos in certas classes distribuendi, & indubitatis, non conjecturalibus causis proximis occasionalibus jungendi rationem suppeditabit officinæ animalis anatomie, non superficialia & circa vasa hærens, sed, tentatis contentorum interioribus, abditum animæ œconomæ munus ope ignis soli exponens. Anima nempe, ut ultimo fine à Deo sibi destinato potiatur, assumpta alimenta arte mirifica dissolvit, alterat, separat, & exaltat, ope instrumentorum variorum & vasorum sapientissimè dispositorum, ut & ope cujusdam flagrantis & vivâ flammâ triumphantis ignis, liquores in circulum agentis, & sibi subordinata solventia humida quasi animantis. Cibus ita ore assumptus, & masticando salivâ fermentante imbutus, ventriculum subit, isthic ulterius, concurrente fermentativô succô acidô, in cremorem convertendus, suffundente calorem culinari flammâ, ex corde in sanguinis rivulos dilatatâ, & totum corpus calefaciente. Ex ventriculo descendens per pylorum in intestinum duodenum, novâ animæ artificis curâ, perfunditur duobus liquoribus sibi contrariis, & hinc, factâ effervescentiâ, separationem puri ab impuro, liquidi à spisso per præcipationem molientibus: bile nimirum, alcalinæ prorsus & acidum obtundentis naturæ, & succô pancreaticô subacidô, qui bini liquores per ductus suos peculiare, satis conspicuos, ex officinis, ubi colliguntur & præparantur, ad duodenum derivati, co-

euntibus tandem canalibus, ut plurimum per commune orificium suâ valvula munitum, effunduntur. Sequestratis ita novô hoc motu recrementis terrestribus, humido tamen adhuc innatantibus, novô vasorum apparatu œconomia purius & liquidius perfiltrum tenuium venarum lactearum colat, colatum in ductum thoracicum rursus colligit, massæ sanguineæ porro commiscendum, & incumbente flammâ culinari rubro colore tingendum, ulterius perficiendum, circulandum, & factâ jam novâ filtratione, priori, ratione finis, prorsus contrariâ, per compactas & arctas renum glandulas à sero & aquositate nimia repurgandum, ut remanens in debitâ consistentiâ rubicundum sanguinis magma concentratiores & efficaciores succos officinæ nobilissimæ subministrare valeat. Hinc subtilissimum, & à terrestribus pariter ac serosis partibus defæcatissimum, per angustissima & innumera arteriolarum ostiola, in officinam cerebri & cerebelli, & ex his derivatæ spinalis medullæ, exprimitur, isthic in substantiam luminosam convertendum, & per multivarios nervorum canales omnibus partibus distribuendum, præprimis tamen illis organis, ubi anima exquisitissimæ sensationi indulgens copiosiore & concentratiores atmosphærâ lucidâ opus habet, ad subtilissimas rerum objectarum dotes, simili atmosphærâ circulantibus, tanquam simili magnete captivandas: hinc est, quod quædam animalia, quibus ob temperamenti & digestionis vires istud luminosum abundantius colligitur, noctu lucentes

oculos ostendant, veluti feles, leones, lupi, lynces & alia plura, etiam ex volatilibus, sibi ipsis sufficientem, ad cognoscenda objecta propinqua, lucis atmosphæram suppeditantia, cujus conditionis inter homines quoque aliquandò reperire est; & mihi aliquoties accidisse memini, quod *Scaliger* de se & aliis memorat, ut, effusâ per oculos luminis atmosphærâ, sub nocte densissimâ scripta propiùs admota legere integrum fuerit: quin omnibus asserti veritas, affrictu vel plagâ oculos agitantibus, illicò innotescet, diffiliunt nempe tum scintillæ visibiles, luminosorum spirituum animalium indices. Demùm, ne nimium hoc nobilissimum ultimæ concoctionis productum dissiparetur, & extra corporis convexum in auras funderetur, præcavit sibi œconomia, non tantùm solidissimâ inductâ cute & huic subtextâ membranâ carnosâ, quarum fibris nervorum texturis non absimilibus, effluvium nimium sistitur, & inde ipsa hæc tegumenta sensus exquisitoris stabula deprehenduntur; sed & glandularum, succô acidulô tumentium, & hinc ad illaqueandum istud luminosum aptarum, per concavum corporis dispositâ custodiâ, à quibus collectum & lymphæ admixtum in communem lymphaticorum vasorum truncum, ductum thoracicum, & ex hoc in massam sanguinis rursus, reciprocâ circulatione, derivatur. Unum enim pancreas si exceperis, primam nimirum acidi colligendi officinam, & hinc huic functioni primariò destinatum, omnes reliquas glandulas, tam conglobatas, quàm conglomeratas, glan-

glandularum nomine præcisè gaudentes (de capsulis enim renalibus, renibus, testiculis & mammariis sermonem non esse, facilè deprehendent non iniqui critici) ausim asserere, primariò huic capturæ volatilis luminosi esse destinatas, ipsametiam glandulam pinealem, & pituitariam: dispositæ enim deprehenduntur semper, vel ubi magnò nervorum concursu sensoria vigent, & luminosum istud valdè dissipatur, ceu in capite multivaria glandularum ostendit congeries, vel ubi ob motus & ardentis culinæ flammæ vehementiam exhalatio viget, ut in thoracis concavo thymus, & in abdominis, respirationis & distributionis actu variè viscera sua volventis, speluncâ, mesenterii & omenti uberrima glandularum seges.

7. Hæc culinæ animalis, rudior & festinante penicillò, quò ad actus concoctionis primarios, facta delineatio ulteriore demonstratione assertorum non indigere videbitur lectoribus, non tam suis præconceptis, quàm veritati auscultantibus. In gratiam tamen eorum, qui non nisi tactilia admittunt, demonstrabo substratas hypotheses experimentis sensibus obviis, & hinc fidem modernorum philosophorum apprimè merentibus, ut postmodum ex certis fundamentis certior evadat morborum causas demonstrandi methodus, jam à nobis aperienda, & à quovis feliciter calcanda, cui salus decumbentium curæ est. Ignem flammantem, concoctionis præcipuum instrumentum, evincit non tam actualis per totum corpus diffusus calor, quàm subita-

nea ab ingestis spiritibus inflammabilibus hujus caloris intensio, imò ab assumptò nimio spiritu vini (quòd multoties vidisse contigit in Germaniâ, nec puto hic locorum prorsus insolitum fore) stygiæ flammæ ex faucibus eruptio, multâ adstantium curâ, infusò nimirum lacte, & sepulturâ talis inconditi bibonis subter fimetum collotenus factâ, restinguenda. Qui dicent, potuisse motu fermentativo spiritum vini in stomacho vel faucibus accendi, demonstrent tale quid exemplò analogò, hætenus nobis, utut non ex decoctorum numero ultimis, incognitò. Novi enim spiritum vini licet rectificatissimum, vase apertò prunis candentibus, non flammantibus, impositum, non conceptâ flammâ, in auras abiturum, flammâ verò vel è longinquo admotâ, illicò simul conflagraturum: non latet equidem, olea distillata calidiora, affusa concentrato spiritui nitri & vitrioli, flammâ conceptâ evolare; sed quis tantæ virtutis fermentum & acidum igneum in humidâ prorsus & fluidâ contentorum substantiâ deprehendi posse credat? nec latet, scenum vel stramen non adeò aridum collectum, per fermentationis resolutionem in cineres & flammæ abire; sed in corpore, vel humidò, quale animalis est, vel prorsus siccò, igni suscitando per fermentationem non est locus; cùm spiritus inflammabilis in hoc nunquam vinctulis liberetur, & in illo, nempe humidò, beneficio phlegmatis contra accensuros radios solares protegatur. Dicendum ergò restat, perpetuam in cordis concavo, & truncis arteriarum in-

infigrioribus vigere & ali flammam, novô semper pabulô ex sanguine acceptô ejus superficiem lambentem, & subjecta quævis, communicatô calore temperatô, tam à concretione nimia, quàm à suffocatione redundantis lymphæ, vindicantem, quæ aucta nimium ab ingesto spiritu vini inflammabili tandem per orificia venarum propulsa, vel in stomacho & œsophago, vel in thorace & pulmone ascendentes halitus spirituosos corripuit, & flammivorum in flammivomum, horrendô spectaculô, commutavit. Sed & aliam rationem firmandæ thesi suppeditat Chymix rare soboles, Phosphorus, ex quibusvis animalium partibus fluidis, debitè prius putrefactis, maximâ ignis torturâ prolectus: Is vasi vitreo, quantumvis obturato, inclusus & calore levi suscitatus, apertâ ardet flamma; inò adhæc aquæ submersus flammam fundere iisque aquæ superficiem lambere non desinit, indole sanè diversâ à quorumvis ignium & inflammabilium generibus, & ad oculum evincente, posse intra humidos sanguinis rivos eandem flammam perpetuò vigere, & ob respirationis beneficium multò faciliùs conservari. Sed & horrenda ejus in alterando & resolvendo virtus considerata digna est, ad declarandam digestionis nutritivæ vim satis stupendam: Solidissima enim corpora metallorum, aliàs omnem vim ignis culinæ eludentia, hâc flammâ in vase clauso tacta simul devorantur & eleantur, separatoque per aëris deliquium rursus phosphoro, in mucorem abeunt sulphureum, nunquam, tentatis
omnia

omnibus artis docimasticæ subsidiis, in metallum ductile reducendum; sed vel evolaturum, vel formâ vitri rubicundi, ipsis etiam metallis nobilioribus commixtum, semper intentionem artificis frustraturum. Nec hanc resolvendi vim imminutam ostendit, si corpori vivo animalis affricetur intensius; nisi enim illicò, antequam epidermidem penetrarit, à circumfuso aëre, quem avidissimè colligit, in liquorem resolvatur & ita sui ipsius pabulò restinguatur, funestò satis successu in subjecta quævis ob vim concentratam grassatur, etiam ossâ adurens, adeò augetur & nutritur humoribus nostris, semine ejusdem ignis turgidis. Demùm, quòd aquâ affusâ nunquam solvatur, & tamen, more salium, auræ expositus citissimè in liquorem abeat, nec, inde abstractò rursus liquore, vim urentem & flammivomam amittat, indicio est, circumfusam atmosphæram commune suppeditare promptuarium, ex quo quodvis agentium id colligit quod arridet, & debiti pabuli vicem supplere valet. His, puto, primum suppositum, de igne flammanti, luculenter evictum est. Bilis verò alcalinam prorsus naturam Chymia ad oculum demonstrat; licet enim ex omnibus reliquis animantium partibus, ope simplicis destillationis (quod non animadversum hætenùs à Chymixæ solertissimis, impensè miror) acidum acerrimum haberi queat; sola tamen bilis sub examen revocata nil promit, nisi cum phlegmate spiritum, seu sal volatile alcalinum, oleum inflammabile, sulphur quoddam in flores elevatum croceum amarum, & sal lixiviosum fixum,

magnâ, respectu reliquarum partium, quantitate conspicuum, ac nullibi pauciori terræ adustæ commixtum; ut meritò dixeris bilem omnium humorum, exceptô spirituali luminosô ultimæ concoctionis, depuratissimum & nobilissimum. Pancreas autem & omnes reliquæ glandulæ, ignis scrutiniô subjectæ, abundantissimum præ omnibus partibus producant acidum, paucissimum olei & salis volatilis, sal alcalinum verò nullum, sed potius falsum & acidô propriô imbutum: ac ausim asserere, ex omnium acidorum generibus acidum animalium virtute incisivâ & penetrativâ ut & coagulativâ prævalere, cui sententiæ, plurimis experimentis non vulgari-
bus mecum confirmatæ, fidem faciet salivæ in mercurium vivum, omnium colliquantium & alcalinorum potentissimum, stupenda potestas: hunc enim si salivâ, per diutinam digestionem à tenaci mucore fundum petente liberatâ, conterendo commisceas, & trituram novâ hujus salivæ aspergine indefessô studio per aliquot dies protrahas, videbis à colore nigro per album transire ad rubicundum, & tùm omnem torturam ignis aperti infractum sustinere; resultante tali virtute medicâ & diaphoreticâ, quæ locatam operam abundè compensabit. His perpensis, æquus lector non diffitebitur, nec inconsultâ nec invitâ experienciâ, præcedentis paragraphi systema officinæ animali à nobis adaptatum esse, ex quo nunc fixô Ariadnæ filô procedentes, morborum variorum labyrinthum non irretiti perscrutabimur, ac, favente Deo, pro virili anni-

temur , ut nostra vestigia legentes , vitatis anfractibus , rectâ viâ scopum sibi præfixum attingant , ac , adhibitâ studio ulteriore experientiâ , indies ulteriora in hoc inexhausto naturæ arcanorum oceanô detegere valeant.

8. Patet nimirum tam ex compositione & resolutione artificiali chymicâ rerum corporearum , quàm ex sagaci animæ sibi præcaventis dispositione duorum humorum , quorum alter in dissolvendo , alter in coagulando & constringendo , suas vires exserit , corporis naturalis turbas & malas dispositiones , ob quas anima suo operi intenta variô affectu affligitur , adæquatè reduci posse in duo capita generaliora , quorum alterum exhibebit occasiones morbidorum affectuum animæ , ex *nimiâ humorum resolutione* & *orgasimô captas* , alterum , ex *nimiâ coagulatione* & *impeditô circulô suppeditatas*. Ars enim chymica naturæ imitatrix instrumentis suis , nimirum igne & liquoribus diversi generis , tam contrahentibus quàm dissipantibus , instructa , ad oculum corporum naturalium structuram & resolutionem , in quantum ea dependet à collectæ ab agente naturali materiæ aptitudine , faciliè demonstrat ; imò in plantarum & animalium resolutione , unicô ignis sicci mediô , principia componentia passiva in aprium producit , quæ si quis ipsius ignis producta esse contendat , ignorantix potius protervæ prætextum quærit , quàm ex rei veritate loquitur ; sunt enim quædam subjecta igne separata & ex synthesisi natu-

rali distracta, quæ rursus unita idem, secundum omnia, subjectum constituunt, quod ante ignis torturam fuerant, evidente documentò, per ignem nil produci posse, quod non re verà corpori separando prius infuit, licet unumquodque componentium, terreis & aquosis vinculis exutum, sub figura peculiari & in sese collectum, in conspectum prodeat, cum antea per omnem mixti extensionem sparsa sibi invicem adhæserint. Ut taceam, quòd quodvis resolvendorum singularia, & sibi soli, ratione quantitatis & qualitatis, propria depromat principia, uni licet igni & eidem gradui subjectum, quæ solers naturæ & artis filius jam gustu ac odore determinare valet, antequam ignem senserint. Hujus ergò artis ope omnes partes corporis animalis (non contenti aspectu superficiali, & inde deductis conjecturis) intimiùs rimati, deprehendimus in omnibus, (bile, & glandularum succo exceptis) constans, licet inæquale, commercium quatuor purarum, & duarum recrementitiarum partium, quas dicunt: *phlegma insipidum, & adustum terrestre; sal volatile, oleum, acidum, & alcalinum sal fixum*, nonnunquam etiam ob firmum acidi nexum, *merè salsum & medium*. Bilem acido prorsus destitutam, & glandulas cum suo succo oleum nullum vel paucum, vix etiam aliquid salis volatilis, multum verò acidi & salis armoniaci neutrius generis, præbere invenimus. At cum, menstruis alcalinis omnia discerpi & fluidiora evadere artificibus ubiuis in confesso sit; ex acidis verò cum alcali-

nis mixtis coagulationem prælentaneam suboriri, constet, dicere de jure licebit, duos hos succos, bilem & succum pancreaticum, unâ cum flamma culinari sanguini incumbente, esse præcipua animæ viventis instrumenta chymica, quibus assumpta alimenta alterat, exaltat, in circulo debito continet, ac ita indigentiaæ suæ prospicit: esse etiam instrumenta, præ vasibus continentibus facillimè alterationi & commistioni agentium inimicorum obnoxia, ut vel excessu vel defectu æquilibrii limites transcendant, & hinc maximarum turbarum suscitabula & omnium ferè morborum causæ fiant irritatrices; cùm è contrario, è vasorum continentium structura morbus vel sanitas parum periclitetur, quæ structura non potest turbari, nisi ab externo violento, vel à vitiatis primò contentis liquidis, vasa sua, vel vi corrosiva & dissolutiva vel constriictiva & oppletiva, laxantibus aut coarctantibus. Ut proinde Anatomia recepta, quæ neglectis dissecandis partibus fluidis, nexum vasorum miratur, & de novo subinde invento, aliquandò nullius momenti, magnos strepitus in vulgus eruditorum spargit, parùm vel nihil lucis Medicinæ attulisse videatur; licet eandem Chirurghi manus, ferro & igne armatas, viâ planâ aliquando ducere posse non negaverim, nec etiam indignam reputaverim, quæ à viro rerum naturalium & divinarum studioso, vel solius admirationis & jucunditatis ergò excolatur, dummodo ex istis leviculis, vel aliquot mensium spatio cuiusvis solerti ad unguem enarratu possibilibus, &

solorum plerumque oculorum & memoriæ crepundiis, non magnorum Medicorum nomen affectemus, & omnes artis studiosos tantâ contentione in visendis & revisendis cadaveribus detineamus (importunè & iniquè aliquando viva animalia curiositatis gratiâ excruciendo) ut fermè credi possit, Medicos nonnullos, non publico Professoris Anatomici munere ad id adstrictos, finem suæ artis ultimum constituissè, multa in promptu habere cadavera, quibus perscrutandis & explicandis delectari queant. Mihi sanè, relicto fœtore & squallore defuncti cadaveris, vel unicâ adspèctione satis cogniti, consultiùs & utiliùs judico, manus polluere carbonibus, & partium fluidarum exquisitam instituere analysin, ut fluida fluidis debità commiscendo, fluxuræ per fluida sanitati succurrere integrum sit: licet enim omnes fibrillas animalis adhuc vivi ex anatomiae præceptis distinguere queam, (quod tamen impossibile, cùm mirificè vita in exstruendo sibi domicilio distributione & ordinatione vasorum variet) incumbet nihilominus, per os transmittere medicinam, liquoribus permiscendam, & in animæ viventis arbitrio relinquendam, quorsùm derivanda veniat, præcavente saltem Medici industriâ, ne quid immittat, quòd perspecta morbi ratio dissuadet, & majorum turbarum suscitabulum fortè esse queat; si non semper liceat malum extirpare penitùs.

9. Quinimò, si, quod res est, effari licet, penitiùs exulta nostris diebus partium continentium anatomia, medicantium chorum quibusdam præ-

præjudiciis implicuit, in decumbentium plurimorum perniciem tendentibus: cùm enim, ex detecto ab *Harvæo*, & ulteriùs per *Blancartum* & alios enucleato sanguinis circulo, pateret, quantis angustiiis viarum liquores corporis animalis revolvantur, communi ferè suffragio itum est in sententiam, omnes morbos obstructionibus originem debere, ac, cùm viderent, acidorum indolem esse, colligere & constringere liquida heterogenea, unanimi ferè ore acida ex praxi & diætâ proscripserunt, suffulti adhuc quorundam Chymicorum superficialiâ experientiâ, assèrentium, in resolutione partium animalium chymicâ nil acidi in conspectum prodire, à cujus præjudicii labe ipse *Sylvius*, industrius anatomix utriusque scrutator & de republicâ medicâ aliàs optimè meritis, non penitùs immunis fuit. Orgasmm ergò sanguinis in febribus ardentibus, imò malignis, pestiferâ plerumquæ venæ sectione sistere, obstructiones per sudorifera & volatilia tollere, & horum intempestivum impetum, in resolvendo humores & augendo malum, oppositis opiatîs refrænare consultum judicarunt, non nisi successu funesto, ni fortè naturæ reluctantis bonitas aliquandò & morbi & medicinæ malum superarit. Ita semper immani saltu ab uno extremorum ad aliud avolantes, volatilibus, & his contrariis opiatîs, tam morbo quàm ipsis suis medicaminibus occurrere oportuit, obstruendo & penitùs stupefaciendo per opium, & aperiendo & concitando nimiùm circulum humorum per alcalina

volatilia ; cùm moderato acidi blandioris usu unô veluti ictu omnia obstacula præscindere integrum fuisset. Ipsi tamen de hypotheseos certitudine parùm certi, tempore pestis ad acida rursus confugerunt , tot annorum experientiâ comprobata. Permittant ergò nobis *morborum resolutivorum* jam enarrare phalangem, non obstructionibus & acido, sed concitatori, per ignem culinarem & suffutum bilis solventis oleum, circulo, & inde subsequenti disgregationi partium componentium, originem debentium, ac suppeditare talibus medicamina, quæ radices pullulantis mali tangunt, & ita indigentiae perturbatae vitæ succurrunt. *Phrenesin* & *maniam* solitariam, seu idiopathicam, concitatori, per nimium ardentis flammæ culinæ impetum, circulo sanguinis originem debere, bile adhuc cum succo pancreatico æquilibrio certante & hinc fortioris digestionis adminicula præbente, certum esse puto: unde fit, quòd tales integris viribus, imò aliquando sanorum majoribus, confusorum sensuum tragoediam ludant, ac nil nisi memoriæ & sensationis ordinatæ defectum ostendant. Accenditur autem nimium instrumentalis vitæ ignis, vel philtris & ipsius animæ incondito amoris desiderio, vel cibus facile inflammabilibus & calidioribus, vel etiam abusu medicamentorum volatiliū, (quod salis volatilis oleosi intemperato haustu aliquoties evenisse constat, etiam *Sylvio* adhuc superstite) & propagata ita flamma fervido circulo sanguinis commiscetur, perque arteriolarum ostia in cerebri officinam propul-

pulsa, humidum luminosum non urens, idearum sensibilibus stabulum, urente motu corripit, ipsamque officinam hujus quintæ essentiae nobilissimæ, nimio affuso sanguine, non satis adhuc repurgato, fœdat: hinc talibus vitâ defunctis rubet sectione apertum cerebri parenchyma, & vitâ fruentibus, anima huic hosti & invasori domicilii nobilissimi depellendo occupata negligit dijudicare ideas à sensibus externis, & concitatore luminis sensualis circulo, rapidè & confusè acceptas, undè delirium, ac judicium & memoriæ, quatenus sensibus exterioribus inservit, corruptio. Ejusdem conditionis & originis, quoad causas instrumentales, videtur esse concepta à morfu canis rabidi rabies, cujus venenum eodem modo per auctam vitæ flammam subintrare cerebrum credibile est; licet rationem veneni ex textura partium demonstrare supervacaneum judicem, nec, cum *Sylvio*, facile per alcali acre volatile definiverim. Interea ignis flammantis excessum tam phænomena in decumbentibus obvia, quàm ipse indicatorum medicamentorum in cura successus, satis evincunt: curatum enim non una vice utrumque malum novimus continuato acidorum usu, verbi gratia spiritus salis, vel spiritus vitrioli, quorum potentia, in restringendo igne & sistendo humorum circulo, omnibus in confesso est; & si quæ salia metallica ad manus sint, faciliore omnia procedent tramite: vim enim anodynam & somniferam metallis, præprimis fixioribus, indidit propriæ vitæ genius, in colligendis &

coarctandis sub suam sphaeram activitatis humoribus apprimè conspicuus; quam vim colligendi in concitatas exhalationes corporis animalis exercens, suavi blandimento animam conturbatam demulcet, & ad somnum inclinat, securum omninò & recreativum; non, ceu ex opio expectandus est, stupefactivum & nervis inimicum. Februm malignarum cohors, *Pestis*, *Petechia*, *febris ardens & putrida*, *variola*, *morbilli*, & id genus alia per contagium serpentina, manifestè dissolvendo suam exercent malitiam; licet enim prodigiosa, præprimis in peste, aliquandò symptomata, & insultantis mali mirifica agendi diversitas, exquisitam rationem veneni occultent, & ipsemet facilè in *Judeorum Cabalistarum* sententiam condescendam, quorum opiniones *Robertus Fludd* in sua *Philosophia Mosaica* collegit & suas fecit; imò & firmæ persuasioni *Turcarum*, de spiritali veneni grassantis auctore, non admodum refrager, primum tamen horum agentium malignorum instrumentum, quo officinam animale infestant, esse flammam culinarem suffusâ abundante bile auctam & concitatam, omnia indicia evidenter evincunt: calor nimirum intensus, delirium, prostratus appetitus, anxietates subitanæ, & sanguinis, importunè hic semper per venæ sectionem extravasati, nimia liquiditas etiam in frigore suam indolem retinens; avulso ergò è manibus infensi hostis instrumento nocivo, de abigendo penitus malo non desperandum est. Dissolutiva malignitas & inde patet, quòd putrefactivis ex-

halationibus ipse aer inficiatur, & ita malo morbi genio instrumenta lethifera multiplicentur. Deinùm explorata per experientiam medicamenta unanimi ore eandem sententiam confirmant: acidis enim & anodynis, bilis & ignis culinaris domitoribus semper accincti Medici felices adhibuerunt manus: ac novi, plures feбри maligna & petechiali decumbentes, integris malis citriis comestis, saccharo aliquatenus saporі succurrente, illicò restitutos fuillē; interim sudorifera mineralia non negligenda sunt, colligunt enim sparfos per circuli igniti vehementiam humores, ac ita materiam sudoris præbent, aliàs per sudorifera volatilia nunquam succēssuri, sudor enim in excellenti gradu malignitatis deficit, non ex oppletis poris, sed ex deficiente lymphā, calore urgente adeò rarefacta, ut in superficie cuticulæ colligi nequeat. Hinc sopitis per acida igne & bile, & per metallorum genium specificum revocatis in suum centrum exhalationum concitatarum effluviis, anima ultrò malo depellendo, utpotè suorum instrumentorum rursus compos, incumbit, & per sudorem bonæ criseos præbet indicia. Si quis verò verā & radicali auri solutione, verā itemque coralliorum tincturā, medicaminibus saporis & odoris suavitate cum omnibus saccharatis & aromaticis facillē certantibus, instructus accesserit, experietur, quid artis chymicæ debeatur arcanis, & quā facilē omnium morborum acutorum & malignorum conventus, uni vel duobus medicaminibus locum cedat. *Diarrhœam & dysenteriam acutam*

sub eundem censum revocamus ; licet hîc bilis & ignis in sanguine orgasmus prævix] obstructioni ductus biliarii debeat originem, communiter ex intemperato ciborum facilè fermentabilem, & in chylum acidum abeuntium, lesu excitatæ, quales sunt fructus horæi, saccharata, mellita &c. Retroacta ergò bilis in venæ portæ circulum regurgitat, & inde in totam sanguinis massam derivata ignem accendit, & alcalinâ suâ incidendi facultate omnia justo fluidiora reddit. Succus intereà pancreaticus, abundantiori ciborum acido auctus, loco boni chyli magma pituitosum & lentum albicans producit, nullâ per bilem facta amplius sæcum præcipitatione & liquidi purioris separatione; arrosâ ergò & stimulatâ per exedens istud acidum intestinorum interiore mucosa superficie, sparsa per eandem orificia venarum arteriosarum aperiuntur, &, largo imbre expulsi sanguinis, dejectioni albicanti ruborem inducunt, pro acidi & bilis mensura variantem : hinc tam subita hunc morbum comitans virium prostratio; ardet nimirum ignis, & nutritio cessât, obstructis venis lacteis & succo nutritioni inepto, impedita. Curam ante expectatam gangrænâ intestinorum, facilè absolvit purgans & incidens lene, ad semovendam priùs collectam primarum viarum saburram destinatum. Tale ex mille est *sal Theophrasti enixum*, sub nomine *salis mirabilis Glauberi*, vel *Anglicani* etiam, ubivis notum; cùm enim neque acidis neque alcalibus, utpotè naturæ prorsus mediæ, bellum indicat, &, quæ est salium indoles, omni-

nibus humoribus facilè misceatur , sine ullâ flatuum & torminum turbâ purgat, referat, & nullius subsecuturæ obstructionis & adstrictionis alvi metum relinquit. Deoppilato sic rursus ductu biliario, mala producta ultrò cedunt; & adhibita postmodum, si vel nil aliud ad manus sit, guttatim bilis animalium vel piscium mirum in modum recursum bilis accelerat, acidum enim in duodeno & mesenterio prævalens vicariâ hujus ope obtunditur, ac per consequens ductuum angustiorum obstructiones tolluntur. Orgasmodum autem sanguinis ex regurgitante bile ortum hîc potius anodynis mineralibus, quàm acidis, infringere, conducit, sublatâ obstructione facilè domitum. Tincturâ demùm coralliorum tam orgasmodus dictus tollitur, quàm viscera exesa facillimè consolidantur, etiam jam dum gangrænâ corripiti incipientia. Hac destitutus, martiatis liquidis blandioribus, non nimium ex solvente adstringentibus, facilè rem conficiet. Multiplicatis verò bolorum adstringentium & pulverum præcipitantium ut & laudanorum mixturis, parùm solatii hauriunt ægri, si non plùs aggravantur; nam in tenaci magmate cum acido pugnancia terrea flatuum & turbarum ingentium sunt potius semina quàm levamina, & tandem ita obstruunt, ut cacando animam exhalasse fuisset consultiùs. Tandem in morborum resolutionum ordine comparebit nobis ipse *Scorbutus*, & hujus patris pessimæ filiæ *Elephantiasis*, *Psoa*, *Lepra*, quorum ortum veteres meliore jure adscripserunt bili cuidam atræ & adustæ (licet ejus sedem

dem malè in liene quæſiverint.) quàm recentiores acido obſtruenti & mordicanti; quorum nonnulli eò progreſſi ſunt, ut omnem morbum ex acido ſcorbuticum eſſe, inſullâ ſentienti libidine, aſſeverarint. Reverà enim bilis ſui ſalis fixi lixivioſi pondere nimium aucta, & hinc ad circulandum inertior reddita, unà cum graſſante nimis culinari flammâ, mater eſt mali ſcorbutici, ſuccenturiante ſalſorum & mali ſucci ciborum diætâ, quam ſpirituum ardentium uſu & aromatatum condimento corrigere inconfultò placuit. Inde eſt, quod nautis, leguminum ſale lixivioſo abundantium, & carniū ſalſarum fumoque induratarum cupediis aſſuetis, & his duræ concoctionis cibis, ſpirituum ardentium & piperatorum igne, medelam quærentibus, ſcorbutus ſit familiariffimus. Bilis enim ita aucta ſalis ſui fixi mole, ſanguinem, crudiore & falſo chylo æquè infectum, ſtimulat & incidit; uſus verò inflammabilium ignem depaſcentem auget, quo quicquid volatilis & luminofî ſucci adhuc maffæ ſanguineæ ineſt, diſpergitur, ac ita ſenſuum hebetudo membrorumque gravitas, deficiente ultimæ concoctionis pabulo, ſuboritur, ſale interim lixivioſo, vi ſua cauſtica & inciſiva, lymphæ, quæ pauca reſtat, ſeſe commiſcente, ac ita cutem deformante. Et ſic circulus ſanguinis in ſcorbuticis ſit debilior, non defectu flamman-tis ignis, nec defectu incidentis bilis lixivioſæ & aduſtæ, ſed defectu abſorpti penitùs acidi, & ejecti per ignem ſalis volatilis, (quod blandi cujuſdam acidi vinculis ſemper in ſtatu naturali ſtrin-

fringitur) & tandem lymphæ salibus fixis refer-
 tæ ineptitudine & paucitate. Quam morbi dis-
 solutivi rationem indicatam ulteriùs confirmant
 perpetui ferè sudores & exhalationes foetidæ
 imò infectivæ, depressus itidem & arefactus, pro-
 durantis mali mensurâ, corporis habitus, pilorum
 denique effluvium, sale lixivioso radicitus evul-
 sorum, ac tandèmedendi ratio experienciâ com-
 probata: Quamprimùm enim nautæ scorbutici
 continentem attingunt, ac isthîc olerum, pomor-
 um, malorum citriorum & aurantiorum succo
 subacido igni exedenti, & recentium carnum
 jusculis lymphæ & salis volatilis defectui mede-
 lam quærere possunt, brevi cessât aggravantis
 mali sensus. Sic acidulis in Germania, junctâ
 boni succi ciborum diætâ, facillimè scorbutum
 solvi in comperto est; sic & herbarum antiscor-
 buticarum, becabungæ, sisymbrii aquatici, co-
 chleariæ, cerefolii, acetosæ &c. recenti succo ex-
 presso carnum recentium jusculis mixto, felicis-
 simè multos restitutos memini intra mensis spa-
 tium; nec spes fefellit id medicamentum in cu-
 randis Pforâ & Elephantiasi deformatis, ubi ta-
 men carnem recentem viperarum ad gelatinam
 decoctam junxisse visum fuit, unâ cum sulphuris
 mineralis floribus, acido suo præpotenti, per hu-
 mores primarum viarum facilè ab oleosis suis vin-
 culis separabili, mirum in modum salis lixiviosi
 & flammæ ardentis vim infringentis, & hinc o-
 mnibus morbis dissolutivis malignis pariter &
 lentis, tutissimum semper & non infimi loci re-
 medium existentis. Quæ restant hujus generis
 ma-

mala (nec enim omnia & singula sistere instituti ratio permittit) prudens Medicus faciliè suo loco reponet, ut & diversæ originis, sub eodem tamen nomine comparentes, morborum species. Sic *Phlegmone*, & *abscessus*: *pleuresis* verbi gratia, *angina* & *vomica pulmonis*, item *hemorrhagia* variæ, ut & *cordis palpitaciones*, modò ex semine morborum resolutivorum originem trahere possunt, modò ex coagulantium: extravasato nimirum & coarctato sanguine vel ab agitante circulo concitatore, vel premente in parte aliqua stagnationis incommodo, quod acido interno vel frigori externo originem debet. In quorum cura non ad eundem modulum sapienti procedendum, nisi sibi integrum putet, vitâ hominum artis experimenta redimere. Sic & contusionum & vulnerum curandi ratio temperamenti ad morbos dissolutivos vel tartareos proni indoli præcavere debet: In bilioso enim & volatili satis sanguinis circulo, vulnera & contusiones faciliè *Sphacelô* & *gangranâ* corripuntur, ob intensam succorum ardendi & resolvendi potentiam, sensationisque animalis vigorem, quò anima exasperata citius in parte læsa recedit, & necrosi locum dat. In scorbuticis verò & lentæ bilis subjectis, salis lixiviosi & crassi vitiô, consolidatio retardatur, & vulnera nonnunquam in perpetuæ falsuginis fontes degenerant. Sic prioris sortis biliarii ad *exanthemata*, *carbunculos*, *carbuncos* & acutè pungentes cutis deformitates proni sunt; at posterioris, ad *ulcera cacoëthica fluida*, *herpetes*, & lentas impetigines, superficiem magis

gis deprimentes, quàm inflantes. Quæ non observata, præposterarum sæpiùs reddunt Chirurgorum operas, ut eodem medicamine, quo sphacelum, verbi gratia, gangrænam, aut ulcera phagedænica in serpendo aliquandò fisti legerunt vel deprehenderunt, canceri vel fistulæ incrementa cohibere annitantur, cum tamen mala hæc satis atrociora ex diverso & contrario humorum fonte procedant, & sic diversa omninò & contraria instrumenta medica deposcant.

10. *Morborum coagulantium & tartarcorum* ortum & incrementum dat *acidum*, seu *succus Pancreaticus* sui domicili limits excedens, & sensim bilis balsamum infringens, imò tandem prorsus destruens. Cum ipsum pancreas, & proximè adjacentis lienis parenchyma, vitiò redundantis acidum, humore viscido obstruitur, & acidis receptis exhalationibus intumescit, oritur *Cachexia*, *Melancholia hypochondriaca*, & nauseosa animæ anxietas, sensimque deficiente alimento ultimæ concoctionis luminoso, anima, præsentium quasi incuria, defigit cogitationes in objecta tristia, vel præterita, vel ex metu futura, cui malo suppetias ferunt sinistrae fortunæ eventus inopinati, vel rerum domesticarum angustiae, & nonnunquam ad extrema desperationis remedia vitam defatigatam impellunt. Difficilior tùm curatu est morbus, cujus semina singulis momentis à spiritu, ceu mente ipsa, vitæ animali suppetantur, ac nisi Christianismi vel veræ philosophiæ præceptis mens istis laqueis extricetur, & in statum serenum vindicetur, omnis Medici

lu-

luditur opera; aliàs verò referantibus & incisivis salinis, ut & absorbentibus acidum, non neglectis iis, quæ bilem restaurare valent, cura feliciter absolvitur. Omninò tamen hic cavendum à spirituum ardentium usu, qui prædominanti jam acido commixti in acetum acerrimum abeunt, & ignem culinarem non ampliùs augent, quod experiri datur affuso in acetum vini spiritu inflammabili, aceti acrimoniam paucis dièbus impensè adaucturo. In talibus defunctis deprehenditur hepar, bilis colligendæ officina nobilissima, & ipsa cystis fellis colore nativo spoliata, vel albicans, vel ex viridi nonnunquam fusca, qui color & exemptæ bili sanorum, acido affuso submersæ, facilè inducitur. Iisdem indiciis corpus defunctum ornat, & ex eodem corruptionis fonte procedit *hydrops*, in temperamento tamen succulentiore, & collecto sale falso magis turgido noxam exercens. Bilis, & tota massa sanguinea, ab acido & muria sensim destructa, culinarem flammam pabulo spoliant: muria verò stagnans aliàs ab acido magma albicans quodammodo incidit, & haustos, stimulante siti, liquores, in corpus distribuit, qui falsi & acidi liquores, exitum non invenientes per obstructas & induratas renum angustias, tandèm arteriarum ostiola, vasa lymphatica, & angustissimos fibrarum muscutorum canales, per quos ad venas circulantis sanguinis fit derivatio, erodunt, & liquidum istud hydropicum inopportuno loco deponunt, ex cujus loci diversitate diversa hydrops sortita est nomina, modò *ascites*, modò *anasarca*, modò

dò *tympanites* &c. audiens, concomitante ubivis falsum & viscidum hoc lymphæ stagnum flatulentia quadam ex acidi, falsi & viscidum, ut & pauci, quod restat, salis volatilis alcalini reactione subortâ. Malum istud cachecticis acceleratur communiter inconsultâ diætâ, nimirum spirituum ardentium & aromaticum usu, quibus, nonnunquam suasu ipsorum Medicorum, cruditates stomachi corrigere nituntur, ac intereâ acidi succrescentis vires intensissimè augent, bilisque officinam obstructionibus funestis exacerbant. Conqueruntur tunc communiter de dolente calidiore & scirrhus hepate, & ajunt, præeunte Medicorum quorundam cantilenâ, frigidum stomachum curari calidioribus vix posse, quin medicamentis proximè adjacens hepar infectetur, nescientes miseri, quòd calidæ hujus aquæ vitæ haustu liquoribus suis glaciem quasi inducant, & flammæ culinæ extinctionem ubivis accelerent, ut demùm ventriculo æquè ac calidiori hepati concreto gelu pereundum sit. Vidi sanè quàm plurimos, qui frequentato hujus generis potu vitæ, ceu vocant, vel inemendabilis *hydropisis* vel *phtiseos cachectica* malum contraxerunt, nec defuerunt his Medici, qui loco medicaminis venenum præsentissimum ex aromaticis & diureticis calidioribus propinarunt. Malum, præprimis in principiis neglectum, satis atrox est, curabile tamen, & aliquoties leviusculis curatum: paracenthesi verò, nisi simul origo funditus internis tollatur, seducitur aqua alveis, evacuatis brevi

rursus implendis. Unica, ad felicem curam, Medici intentio sit directa ad restaurandam hepatis officinam biliferam, postquam purgante conveniente, & nullius reactionis in humores acidos labe infecto, gravius onus per alvum subduxerit, qua in re *sal* dictum *mirabile* mirabiles revera effectus edit. Bilem verò & hepar restaurant, acidumque simul retundunt omnia amaricantia: horum maximè balsamica si extrahantur salibus alcalibus tam fixis quàm volatilibus, vicariæ quasi bilis componunt systema, ad miraculum hydropicis proficuum, & bilis succumbentis restaurativum: recolliguntur enim prostratæ vires, & anima suorum instrumentorum rursus apparatu instructa, coagulationes ex acido faciliè dissolvit, succedente copiosissima diuresi, & alvi, si opus fuerit, laxatione. Hac methodo plures liberare, benedicente Deo, contigit. Nec sua laude defraudanda hic sunt sulphura metallorum, præprimis veneris & antimonii, alcalinorum menstruorum ope collecta, ut & divinæ planè indolis in reparanda officina hepatis, & recolligenda bile cichoreum & rhabarbarum: istud ultimum sufficiente quantitate decocti uvarum corinthiacarum extractum, & ad consistentiam syrupi inspissatum, vel solum omnibus hepatis & bilis defectibus succurrit, etiam scirrhus ejus tractu temporis resolvens. Experturo assertorum comparebit veritas nos ab omni jactantiæ macula faciliè absolutura. Ex suppressâ bile & redundante acido itidem est *asthma*, tam *humorosum*, visciditate sua thoracem & pulmones obsidens, quàm

convulsivum, in orificio ventriculi superiore ardentibus humoribus acidis, miserrimam suffocationis & anxietatis tragoediam ludens, syncope & lipothymiâ non rarò comitibus, ex consensu nervorum, huc ex nobilissimis partibus derivatorum, oriundis. Vehementia paroxysmorum ut plurimum augetur repleto cibus stomacho, quia tùm innatans acidum ad orificium attollitur; ac, si fortè superveniat ex contorto motu vomitus, solamen præsens est. In utroque genere asthmatis mirum in modum vacillat recepta nonnullis curandi methodus, dum expectorantibus saccharatis, ceu vocant, & syrupis mellitis acidi viribus nova fermentatione succurrunt, ac malum exasperant. Nil utilius, quàm vomitivo securo, multâ suffusâ aquâ calidâ, stomachum exonera- re, ac tùm absorbentibus, & amaris, salibus itidem alcalinis, reliquias suppressere, & novæ collectioni vias præscindere. Si verò in asthmate humoroso expectorantia adhibere è re sit, cavendum omninò à syrupis & saccharatis, infantili palato potius, quàm Medico, & ægro ex humoribus lentis, convenientibus: amara balsamica unâ cum floribus sulphuris & benzoïni, alcalino menstruo extracta, & propinata, paucis guttulis plùs expectorant, quàm integræ morfulorum & syruporum libræ, pulveribus expectorantibus, & succis incidentibus gravidæ: vehiculo enim tali, acidi abundantis stabulo, jam vis juncti medicaminis aperientis obtusa est, ac vehiculum ipsum plùs aciditatis constringentis parti affectæ addit, quàm mistum medicamentum adimit. Id

quod *asthma convulsivum* molitur in orificio ventriculi, *colica* agit in intestinis subjectis, pro ratione & indole constringentis & arrodentis acidi, in materia viscosa flatulenti, remissa, & intensa. Cura absolvitur felicissimè purgantibus salinis, naturæ mediæ, quale est jam aliquoties dictum sal mirabile, succedente tum salium alcalinorum & amaricantium balsamo. Inconsultè agunt, qui, lancinanti dolori opiatibus hic succurrere, non verentur; palliant, & majoribus obstructionibus flatuosis materiam ipso medicamine subministrant. Nec carminativa calidiora semper è re sunt decumbentium; quarum vicem securius supplet fomentum caloris extrinseci, vel enema succis temperandis correspondens. *Februm ex horrore frigoris intermittentium* penitiùs introspecta indoles suadet easdem in *coagulantium morborum* numerum reponere; licet enim paroxysmorum, horrore incipientium, & fervore desinentium, insultus contrarii evincant, acidi & bilis hinc vigere mutuum dominium, quia tamen primus aggressor infensus deprehenditur acidum, tam adventitium, priùs stomachum ex cibis lædens, quàm pancreaticum, aucto nimis alveo in succum nutritium effusum, jus denominandi à potiore nobis non invidetur. Mira est februm harum diversitas, in quarum nomenclatura danda Medici ferè æquè desudarunt vano conatu, quàm in investigandâ statis temporibus recurrentium paroxysmorum causâ genuinâ: Dantur nimirum *quotidiana*, *tertiana*, *quartana*, nonnunquam & *quintana* & longioris moræ hostes: Dividunt

rursus in *nothas* & *genuinas*, in *simplices*, *duplices*, *triplices* &c. ratione anticipantium & postponentium paroxysmorum confictas: decumbentes interim omnes pro spuriis & nothis agnoscent, & ex mira ista dispositionis & enumerationis concinnitate vix aliquid levaminis carpent; nec video, cur tanto studio nomina multiplicanda fuerint, cum ex eodem fonte omnium procedat origo, & magis vel minus, hodiè vel cras, aliaque accidentia vaga essentiam rei non varient. Meliore jure à solertibus inquisitum est in causas tam frigoris & fervoris, quàm statim, in recurrendo, temporis. Contrariæ sensationis, frigoris nimirum & fervoris, causas genuinas faciliè invenerunt ii, qui, pyrotechnia duce & experientiâ comite, didicerunt, quid flammæ obfit, & horroris sensum viventi animali excitet, & quid eam augeat, & ita sensu caloris nimio affligat: hisque firma hæsit sententia, frigus non posse aliter ex confusione liquorum animalium oriri, quàm prædominante acido, caloris verò intensi incommodum ex superveniente dissolutivæ bilis, flammæ vitalis quasi olei, succursu necessario dependere; suffulciente sententiam hanc succi pancreatici & bilis in corpore situ, officio ordinario, & naturæ ceu compositionis intimioris genio, per chymiam explorato. Sed periodorum alternatio adeò defatigavit ingenium scrutantium, ut plurimi Medicorum, videntes conjecturarum debiliū nexum, ab aliis suppetatarum, meliore consilio ignorantiam suam ingenuè fateri maluerint, quàm vento difflandam

substernere hypothefin. Nec, quæ *Helmontius* *senior* de *Archæo* suo, ad certum tempus quasi sopito & lassato, postmodum verò redintegratis viribus, & concitatis affectibus pugnam cum noxa rursus incunte, ad accessum febrilium explanationem suggerit, extra dubium sunt; licet enim frigoris & caloris sensatio affectio sit vitæ incorruptibilis & spiritualis, quam, si Archæum an animam dixeris, perinde foret; nemo tamen somnum quasi animæ, & recurrentes postmodum affectuum & sensationum raptus facile admiserit, in continua mali urgentis præsentia, & materiæ peccantis, ceu vocant, non unâ repetitis accessibus & intermissionibus. Sic nec eruditi & expertissimi *Sylvii* conjectura de obstructis ad certum tempus valvulis, in *ductu Virsungino* seu pancreatico, conspicuis, obscuritatis velum adimit, cum intra pancreatis concavum obstructiones non possint esse sine totius officinæ inflatione, & ipsius succi pancreatici lentore viscido, inepto hætenus ad subitanam in duodenum effusionem, & cum chylo in massam sanguineam distributionem, unde flamma culinaria supprimitur, &, facta reactione in alcali volatile, horror excitatur. Malo tamen genio ex consilio agentem acceptam ferre nimium præceptum foret: ergo, conjecturis additam videre conjecturam, non gravabuntur ii, qui rerum causis investigatis se felices putant, & patienter audient, quæ rationi & experientiæ consentanea arbitramur. Putamus, malum febrium cum horrore intermittentium primam originem trahere ex ventriculi pylolo-

loro, vel orificio inferiore, fracedine & erodentibus humoribus correpto & corrupto, ac hinc dolorum sensu tumido & indurato: hoc tumore & duritie ulteriùs corripì, putamus, intestinum duodenum, qua parte carnosius ventriculo committitur, & in se ductum tam *Virsunginum*, quàm *porum* biliarium in unum orificium coeuntes, aliquandò etiam duobus orificiis & valvulis distinctos, recipit. Tumore hoc duodeni orificium istud in tunicis suis inflari & coarctari, & valvulam objectam rigidiùs fissuras claudere, in aprico est; idque maximè in ductu biliario, qui intra membranas validas angusta concavitate obliquè serpit, antequam ductui pancreatico jungatur, & intra duodeni concavum suas dotes effundat; cùm ductus *Virsunginus* rectâ lineâ, & non impedita concavitate sui canalìs, in duodenum exeat. Stricto ergò sic utriusque ductus orificio, & premente arctiùs fissuram valvulâ ex tumore rigidâ, sistitur eò usque liquor contentus, donec, repletis nimium vasis, quasi vi cataractas objectas rumpat, & impetuosò gurgite in duodenum se effundat; primas absoivente vices succo pancreatico, ampliore & liberiore canalì ad orificium commune derivato, qui frigoris & horroris auctor est genuinus, & subsequente, post certum temporis, quod temperamentum & digestio animalis definit, tractum, bile, novâ & contrariâ vi prioris mixturæ excessum excessivè temperante & æstum concitante. Factâ sic evacuatione utriusque liquoris, orificium rursus contrahi, ut fuit, nemo non videt, donec nova

repletio novam moliatur exinanitionem, & ita periodorum diversas, ex temperamento, & ex vasorum repletionem statas leges constituat. Hanc meam de indole febrium intermittentium sententiam confirmat experientia, ex initiis, progressu, & cura ipsius mali hausta. Dolor quidem & tumor stomachi, suis gradibus distinctus, & ex sensus inferioris orificii fervore resultans sitis mendosa, decumbentibus in confesso est: & paroxysmorum postpositio, ut & quotidianæ in tertianam, & hujus in quartanam mutatio, augescens mali indicium meritò creditur, quia designat tam rigidi tumoris incrementum, quàm digestionis, ex qua colliguntur humores dicti fermentativi, bilis & succus pancreaticus, decrementum, & ignis culinaris flammam remissionem. Hinc, quòd quidam arbitrentur, bonâ naturæ crisi per aliquod tempus posse grassari febrem, nec illicò sistendam esse, ridiculum est; cùm febris non tam inveniat noxam in humoribus, quàm inferat, ex excedente confusione dictorum liquorum, vi quasi retardatorum, & ex claustris suis erumpentium: quò diutiùs ergò duraverit febris, eò magis turbabitur crasis totius officinæ animalis, & corrupto demùm ceu suppressio alterutro humorum fermentativorum, ut alteri in emaciato per continuam luctam corpore dominium obtingat, cachexia, phtisis, hydrops, vel febris hectica, adventantis mortis funestiores nuntii febre ipsa, erunt protractæ in curando moræ redhostimenta. Sed felix demùm curandi methodus datam hypothe-

fin

fin evidentiùs stabiliet. Post subductam enim
 ex stomacho, si conditio ægri permiserit, per
 vomitum, vel digestivorum salium ope incisam,
 & per inferiora repurgatam saburram, nil præ-
 sentiùs fugandis febribus operam navat, quàm
 stomachicorum, balsamicorum amarorum, e-
 mollientium, & sulphurum mineralium, sem-
 per anodynorum, præprimis martis & antimo-
 nii, concentus. Imò soli flores hæmatitis, qui
 totus, quantus est, minera martis est, sale ar-
 moniaco elevati, & convenienter exhibiti, sat
 strenui febrium domitores reperientur, ob vim,
 qua pollent, incisivam & simul anodynam, a-
 ptam duritiem pylori solvere, & blando fotu in
 ordinem redigere, quo facto, tota febris causa
 sublata est, præprimis si principiis illicò obsti-
 terit Medicus, nec consultum duxerit, quintum
 vel sextum expectare paroxysmum. Non pos-
 sum, quin hic in commodum proximi, & in
 demonstrationem assertæ hypotheseos communi-
 cem medicamentum, quo omnes omninò febres
 intermittentes, unica saltem administrata dosi,
 solutas esse sæpissimè comperi, & quidem ope-
 ratione satis mirabili; somno enim corripiebantur
 decumbentes, & protracta per horas nonnun-
 quam quindecim dulci quiete, florescente & vi-
 vido facièi colore conspicua, frustrantes paro-
 xysmum sani resurgebant, de non recursuro
 hoste securi. Eâdem stupendâ vi somniferâ in
 ægrotis, cùm sanis nullum omninò somnum in-
 ducat, sopivit convulsionum miserandarum tra-
 gœdiam, qua æger libero aëre quasi suspende-
 batur,

batur, mentis & sensuum, etiam extra paroxysmum, impos, & creditus à cacodæmone agi: inducto enim somno triginta horarum incolumem stetit ægrum, loquela & intellectu simul redintegratis, & omnibus Medicis, qui operam locaverant, unà cum præsentibus aliis quasi attonitis, ac tùm de veritate lapidis philosophici & medicinæ universalis ferè persuasis, licet vilissimum & abjectum Pharmacopœis fuerit medicamentum; patientibus tamen manibus elaboratum: cujus saporì grato & aromatico si corresponderet odoris gravè penetrantis conditio, esset equidem unum ex omnibus, quo maxima morborum coagulantium pars uno quasi ictu, citò, tutò & jucundè amputari posset. Est istud oleum destillatum, & separatum à suo sale, ex animalis partibus quibuscunque, ex cornuta sine ullius rei additione eò usque rectificatum, donec nil adustarum fæcum nigrarum ampliùs in fundo relinquat, quod vel quindecim ad minimum repetitionibus obtinetur. Istud, inquam, oleum 30. vel 40. guttarum pondere ante paroxysmum jejuno stomacho exhibitum, somno dulci & de nulla narcosi suspecto, febres sepelit; nulla alia de causa, quàm quòd anodyna vi dolentem ventriculum soletur, ac penetrante incisione tumorem pylori emolliat, sicque coarctatis bilis & succi pancreatici ductibus viam liberam aperiat, naturali lege rursùs coëundi, ac munera destinata subeundi. Ut vel hoc uno remedio opinio mea de ortu periodorum febrilium probabilis factis evadat, ac inextricabilis difficultatis nodus videat-

videatur jam satis solutus, qui Ethnicos adegit, febris originem extra naturam rerum corporali-um quærere, ac febrem ipsam, tanquam Vejovis cujusdam ministram vindicem, religioso cultu placare. *Lithiasis, arthritidis vaga, & fixa sub podagra* nomine ubivis lugubres planctus excitans, ejusdem sunt originis, & extrâ dubium ex coagulantium & tartareorum morborum numero; oriuntur autem ab acido tenui & volatili, quod, salvis adhuc & vigentibus concoctionis & digestionis organis primariis, massam sanguinis subintrat, ac isthic, ob circuli concitatoris vim & ignis culinaris flabellum, vix locum reperiens, in aliis demùm partibus coagulationis nequitiam exercet, pro ratione stabuli dolorem vehementem, remissiorem, vel nullum inducens, & varios morbos sistens. Si per emulgentes in vasa urinaria derivetur, arripit tunicam eorum interiorem mucosam, ac partes avulsas in sabuli & calculi duritiem coarctat. Si fortè intrâ musculorum & membranæ carnosæ contiguitates locum sibi figat, ex humore glutinoso novas & insolitas conglobat glandulas & nodos, omnis ferè doloris expertes, ac in mirum quandoque pondus excrecentes, sub *gangliorum, meliceridum, steatomatum & polyporum* nomine conspicuos, nobis hic sub generali lithiaseos appellatione meritò indicandos; sin autem in officinam cerebri propellatur, atque inde nervorum canales subintrans ex molli horum pulpa lapillos tenues fabricet, maximâ indignatione & dolore corripitur anima, in officina nimirum nobilissima officio suo

suo turbata: qui lapilli tenuiores, quò ad vehi-
 culo humido adhuc innatant & volvuntur, ar-
 thritidis vagæ dolores exhibent, coarctati verò &
 impediti circa articulorum ligamenta dolori po-
 dagrico & inflammationibus horrendis fomitem
 subministrant, tandèmque nervorum compagem
 rumpunt, ac in nodorum cretaceorum cumu-
 lum coacervantur. Origo hæc indicata malo-
 rum, satis hætenùs occultorum, & indomitum,
 patebit evidentius, si causæ occasionales horum
 morborum externæ expendantur: accrescunt ni-
 mirum mala enumerata cibis & potibus calidio-
 ribus, qui omnes scatent, explorante chymiâ,
 acido volatili, ac simul oleositate sua inflama-
 bili officinæ animalis ignem augment. Exacer-
 bantur affectu iræ, quia, concitato per hunc af-
 fectum sanguinis & ignis culinaris circulo, aci-
 dum innatans abundantius propellitur, & in lo-
 cum affectum exoneratur. Obest frigus exter-
 num intensius, quia hîc humores visceri magis
 inspissantur, ac sic coagulanti acido abundantior
 & aptior subternitur materia. Nocet impensè
 venus, quia, emulso semine succo nervorum
 scatente, affluxus tenuioris & luminosi ultimæ
 concoctionis pabuli ad genitalia acceleratur, ac,
 subductâ ita optimâ & liquidissimâ substantiâ,
 tenacis mucoris sæculentia fixiores agit radices,
 acidoque coagulanti levissimo negotio tartarum
 adauget. Ut taceam, quò diffusâ ita & pro-
 fusâ spirituum animalium & atmosphæræ lucidæ
 pretiosâ suppellectile, glandularum & vasorum
 lymphaticorum succus acidus, ex captura hujus
 atmo-

atmosphæaræ singulis momentis temperandus, necessario in acetum acrius abeat, & in omnibus humoribus per consequens acidi coagulantis vires redintegret. Puto, hæc satis sibi cohærere, & morborum horum originem & progressum mediocri ingenio ad oculum exponere. Nec enim, quæ *Helmontius*, ex confusis spiritus vini & urinæ liquoribus, in crystallum concrecentibus, ad explicandam calculi genesin depromit, undique rei substratæ applicari possunt, cum, salinum compositum in fluido lotii sero concrecere, impossibile sit, & resolutio calculi chymica terrei lentoris ab acido coagulati ostendat abundantes reliquias, ac adeò Viri hujus eruditissimi nimium consequentias nectendi pruritum, & præceps nonnunquam novitatis studium satis arguat. Cura optimè perficitur medicamentis à cognita morbi causa indicatis: nimirum solventibus alcalinis sulphurum anodynorum metallicorum connubio felicibus; hæc enim lentorem incidunt, acidum temperant, & dolores sedant, sine ullius orgasmi & fervoris sanguinis metu, nec more opiatorum, pessimo consilio adhibitorum, in sedando dolore sensuum & optimæ officinæ organa defœdant. Oleum insuper allegatum ex animali prosapia somniferum mirificè hîc suas explicabit dotes, tam intrinsecùs assumptum, quàm topicè illitum; quamquam hujus vices commodiùs suppleverit sapo quidam chymicus, ex tinctura alcalina veneris & antimonii, & oleo juniperino lege artis compositus, stupendæ efficaciarum tam in sedando dolore, quàm in resoluendo

do tartaro, falsam reddens omninò hypothesin de incurabili nodosâ podagrâ: podagram enim nodosam in patiente morigero solvimus triginta ad minimum annos natam, & in cubitorum juncturis vel ovi mediocris magnitudine conspiciam, sed tractu trimestris temporis, & applicatis tam internis quàm topicis, ut & ordinatâ diætâ, quam è re videbamus esse, & obsecundante in omnibus illo, cujus res apprimè agebatur. Ac ausim asserere, nodosâ patientium consuetudine tantùm podagram nodosam fieri incurabilem: si enim isti Heroës priùs devicerint gulæ, vini & hujus generis avidæ ut & iræ & libidinis consuetudine stabilitas tricas, Medico inexplicabiles, non deërit Medico gladius, quo nodum podagræ solvat, nodosa aliàs animi obstinati, & dejecti sub sensuum servitium, intemperie semper de novo nectendum. Vidi sanè homines benè consultis obtemperantes, qui exquisita diætâ ciborum boni succi, & humectantium, temperatorum, & acidum temperantium, sine ullius medicaminis adjumento, anni spatio nodosam podagram solvere, nodis cretaceis ultrò excidentibus, & triumphato omni paroxysmorum incommodo, Nec diffido, eadem methodo, adhibitis præprimis congruis medicamentis, calculum Vesicæ, quem, ceu solvi nescium, gladio chirurgico illicò petunt, tractu temporis contritum & solutum iri; cùm, quod præter naturam crevit ex humorum intemperie, rursùs in officina animali restaurata dissolvi posse, ratio sana evincat, cui patet, & ipso calculo solidiora mul-

multum & duriora, ab animalibus devorata, quotidie resolvi; nasci etiam gangliorum nodos subcutaneos, ad ossium instar duros, & facile sine cultro Chirurghi rursus dissolubiles. Consultum saltem putabunt, experiri hujus asserti veritatem, qui convicti experientia norunt, per manus Chirurghi maximo vitæ periculo quidem eximi posse calculum, sed non adimi regerminaturi calculi semen, quod depletos loculos communiter pristino onere infarcit, & novis violentorum remediorum cruciatibus locum relinquit. In temperamento lento & humidiori idem acidum volatile cerebri officinam occupans producit *apoplexiam, epilepsiam & paralyfin*, ut & *spasnum ex nimia repletione oriundum*, ad differentiam illius spasmi, qui in emaciatissimis & arefactis febri corporibus ex defectu lymphæ & ex nimia inanitione producitur, præcipiti nimium judicio ab Hippocrate lethalis dictus. Impeditur nempe affluxu inertium humorum spirituum animalium in concoctione ultimâ generatio, & succedente acido volatili, id quod restat variis obstructionibus subjicitur; quas obstructiones anima indignata amoliri intendens, convulsivorum motuum adhibet remedium, ac ita paroxysmo epileptico, vel spasmatice, nonnunquam rem intentam conficit, ac sui ipsius medicatrix evadit. Occasionem talium paroxysmorum externam, seu adventitiam, suppeditant non rarò iræ ac timoris attoniti affectus, & animi impetus, vel concitantes, vel constringentes ulterius humorum lentorum fluxum, ut & phasés novi- & plenilunii, quo-

tem-

tempore omnes animalis officinæ humores auge-
 ri & intumescere, experientiâ constat, quod in cau-
 sa fuit, ut dicerentur *lunatici* tali morbo corre-
 pti. Quod si verò obstructionis subitanæ vio-
 lentia motu convulsivo dissolvi ampliùs non pos-
 sit, *apoplexia* in promptu est, vel totalis vel par-
 tialis, quâ anima, destituta atmosphærâ sen-
 suum lucidâ, à sensatione & motu locali, vel
 ubi vis, vel in parte obstructa, recedit, non ces-
 sante interim flammæ culinaris & sanguinis, de-
 bili licet, circulo, & remanente spe tollendi ali-
 quandò impedimenti; si autem unâ nervi ad cor
 & orificium ventriculi propagati obstructionis
 vitio corripiantur, quod, ob caloris & continui
 motus beneficium, non nisi in extremo apople-
 xiæ gradu evenire potest, omninò recedit è sua
 culina indignata & nauseabunda anima, ac, si-
 stens respirationis flabellum, ignem culinarem
 suffocat, corpusque morti & dissolutioni relin-
 quit. Si denique ex abundantia lymphæ, & pe-
 nuriâ ignis culinaris, ut & spirituum animalium
 exili supellectile, tendines musculorum & li-
 gamenta, instrumenta & bases locomotivæ, ni-
 mirum ossa, constringentia & obfirmantia ni-
 miùm laxentur & inepta reddantur, quiescit a-
 nima à locali motu naturali, & sensationi utcun-
 que adhuc vacat, unde *paralysis*. *Contractura* au-
 tem, seu *spasmus ex inanitione fixus*, ex consum-
 tione humidi potiùs deducendus est, & aliùs
 morbi deprehenditur productum & symptoma,
 cujus curandi ratio ex suprà dictis facilè patebit,
 prout priùs constiterit Medico, an calori resol-

venti & depopulanti, an verò constringenti acido Saturnino cachectico malum hoc acceptum ferendum sit. Hanc de naturalium caularum nexu morborum horum atrocissimorum sententiam non eò rapi velim, quasi, nunquam aliquid spiritualis malitiæ & violentiæ diabolicæ immisceri posse, persuasus sim, aut scripturæ, convulsionum diabolicarum tragediam in historia evangelica enarrantis, fidem infringere præsumam, tantum enim absum ab hac insulsa philosophia, ceu satis constitit, ut omnem motum localem corporis unicè vitæ spirituali & incorruptibili adscribendum putem, ac, adscribendum omninò esse, infra mathematicè demonstrare adhuc destinaverim. Cura horum morborum impossibilis non est, nec adeò difficilis, si principiis obviàm eatur. Conducunt, præter ea omnia, quæ præcedentis immediatè paragraphi *arthriticis malis* opposuimus, hîc apprimè vomitus, & purgatio per alvum, ad imminuendum humorum lentorum onus; conducunt insuper aromatica calida & analeptica odorifera, si sexus sequior, uteri simul strangulationibus & motibus epilepticis obnoxius, ferre queat; ac denique maximè curam felicem accelerant extrinsecùs caloris sensu affligentia, & capitis rasi cutem vi caustica arrodentia, qualia & spinali medullæ applicari convenit: anima enim doloris sensu in loco obstructo irritata, & vires omnes in hostem adventitium colligens, per accidens lentos humores dissipat & obstructionem tollit. Non narro fabulas, sed rem multiplici experientiâ

comprobatam, adeò, ut vel una nocte epilepticus, mutus, sensuum inops, & memoriæ impotens, cauterio tali potenciali, capiti & spinali medullæ applicato, sit quasi è mortis faucibus ereptus, & paucis diebus integræ sanitati restitutus, quem parentes & agnati abjecerant, & cui mortem, ceu unicum mali remedium, apprecabantur. Idem senserunt levamen non una vice apoplexiâ tacti. Paralytis autem simplex, ut & membrorum atrophia, vel solo suprâ indicato sapone brevissimo tempore facessere jubentur. Cui experiri volupe sit, mirabitur ingentes horum medicamentorum dotes, & fortè candorem nostræ liberalitatis, in bonum publicum erogantis ea, quæ lucri cupiditas aliàs omni studio occultanda, aut, ut gloriæ captandæ non omninò desit locus, apparatu sermonis ænigmatico, ne Oedipo quidem propalanda judicat. Reliquum morborum coagulantium sistere, prohibent statim dissertationis limites, & dicta facilè cuivis mediocriter scientiâ medicâ tincto ad cognoscendum aliorum morborum genium viam aperient. Locus fortè adhuc dandus fuisset ignominiosis generi humano, ne dicam Christianismo, *morbis venereis*, partim ex tumentibus acido glandulis, quibus violento & pudendo exercitio atmosphæra spirituum animalium lucida subducitur, partim à putrido & resolutivo scorbuto, ex bile & sanguine, æstu tali sale volatili privatis, orto, oriundis, quibus endemicè ubivis grassantibus hætenùs decocto lignorum, & resolutiva salivatione, medela quæsitæ est; sed præstat, re-

linquere putrida, & medicamine suppeditato peccandi consuetudinem non fovere. Id saltèm in transitu indicandum puto, temperamentis acido peccante gravatis non facilè metuendum de peste & aliis resolutivis infectivis, nec facilè eadem infestari pustulis & deformitatibus subcutaneis, nisi fortè glandulæ acido graviore & fixiore onerentur, idque alicubi, ruptis & erosis repagulis, effundant; tùm verò oriuntur ingentium dolorum, & callosarum protuberantiarum carcinomata, canceri, fistulæ &c. quibus ferro & igne succurrere hætenùs consuetudo obtinuit, aut, præpostero molimine, acidis erodentibus mali serpentis circulum admodum promoverè. In faucibus (quod, ob glandularum multitudinem, sæpius accidit) si hæreat malum, curatu difficillimum est, ob continuum affluxum salivæ, humore suo acidiusculo omnem topicorum efficaciam diluentis; aliàs in tempore adhibita cura Medici naturalium periti demonstrat, malè hic, dimissis pharmacis, extrema ab Hippocrate insinuata remedia in auxilium vocari, quæ quidem, ob dilatatas mali radices, plerumque frustranea sunt, regerminante nempe nova propagine, & monstrosâ hydrâ abscissi capitis truncum, restauratis diris faucibus, brevi supplente. Ac pharmaco demùm restitutos novi nonnullos, quibus per quatuor & plures annos ferratæ & corrosivis ignitæ Chirurgorum manus, bis vel ter repetitis incisionibus & inustionibus, ex dolore dolores & ex cancro cancos fecerunt; nec defuit confusæ impudentiæ effugium, factâ conso-

lidatione, carcinoma fuisse pernegantis, licet id, ut tale, adhibitis etiam omnibus tormentis inexpugnatum, ipsimet declararint, ac frustratis omnibus suæ artis remediis satis senserint. Quis enim putaret, Chirurgorum & Doctorum selectissimorum conventum tot annos frustrari posse in curando anthrace, vel nodo quodam glandulari adventitio, doloris experte, & quis etiam methodum adhibitam excusaverit, si non ex eorum sententia carcinoma fuerit ferro & igne detruncandum? Tantum confusionis invexit axioma, quo artis medicæ penuriam occultare, & suæ æstimationi, non rei veritati prospicere fatigerunt præcipites regularum fabricatores: nam definitio prius, *quod carcinoma per pharmacum sit incurabile*, & declarante omnium Medicorum & Chirurgorum ore, patientem hunc vel illum decumbere carcinomate, facta demùm restitutione ægri, pernegabunt omnes, carcinoma fuisse, *quia pharmaco curatum sit*. Regulas ergo deducunt non ex rebus & experientia, sed ipsam rei veritatem & experientiam suis regulis constringere & evanidam reddere audent, quô quid effrænius & impudentius fingi possit, non video. Et hæc quidem, de præcipuorum morborum origine, differentiâ & curandi methodo, ex propositi filo deduxisse, sufficiat.

II. Ex dictis ultrò liquet, quantum expediat, artis chymicæ beneficio devenire in causas tam morborum, quàm in indolem applicandorum medicaminum, eorumque præparationem genuinam, quâ ipsius animæ, variis solutionibus &

depu-

depurationibus, ignis & liquorum solventium adjumento, suum cibum decoquentis indefessum studium sublevatur, & talis medicina exhibetur, cui resolvendæ & à fœcibus separandæ non novus deposcitur labor, & quæ se liquoribus officinæ animalis blando conjugio immiscet, ac defectum instrumentorum labantium commodum refarcit. Sed, anne Chymixæ secretioris conatus in præparando medicamine unico, omnibus enumeratis morbis succursuro, non vanus & nugatorius dicendus sit? non abs re quæreretur; cum tantis buccinis deprædicetur à multis Viris, eruditione & rerum experientia conspicuis, universalis lapidis, ceu vocant, Philosophici virtus medica, tantis itidem absurditatibus & dicteriis à non infimæ fortis Medicis oneretur incomprehensibilis rei hypothesis, adductis utrinque rationibus, quæ faciles, pro studii indole, inveniunt applausores. Ex nostra quidem partitione, qua omnes omninò morbos à resolvente nimium, vel constringente principio (suffulti, ut opinamur, rationibus ex totius naturæ & ex ipsius œconomix animalis apparatu depromptis) deduximus, ad binarium numerum utcunque reduci posse infinitorum ferè medicamentorum farraginem, in aprico est, si utriusque generis optimum & efficacissimum ad summum puritatis & activitatis gradum lege artis exaltatum fuerit; sed quæ diversa hæc & contrariæ in operando indolis medicamenta bina in unum coire possint, salvâ in utramque partem agendi potentiâ, intellectu videtur impossibile, ac, si istud fortè

comprehendi ab artis perito queat, omninò inutile & ridiculum deprehendetur in restituendo ægro, cui nimirum vel dissolvendo vel constringendo molestum sit oportet, quia in utramque partem aculeos dirigere, aptum natum est; cùm unus interea morbus unum requirat medicamen extirpando semini morbifico contrarium, & ægræ animæ amicum. Sed nodo huic duro non deërit omninò gladius solvendo, si æquus rerum æstimator, & naturæ metallicæ non imperitus expendat vim & indolem anodynā, quæ metalla, præprimis omnium fixissimum & solidissimum, aurum, fluctuantes & nimia dissolutione errantes humores colligunt, ac sub suam sphæram coarctant, ut exinde blando obducto somno & suavi requie anima demulceri, ac destinata sibi munera non impedita rursus subire queat: agunt enim id non constringendo vasa, neque coagulando nimium fluida, neque narcotico frigore ignem culinarem, & atmosphæram spirituum animalium lucidam obnubilando, quibus dotibus mortiferis opium suo officio fungitur; sed flammam culinarem, pabulo, grato quidem, sed incorruptibili & non dissipabili, satiendo, ac infenso tum temporis animæ hosti talem offam obijciendo, cui masticandæ & deglutandæ mora impendenda, & quæ ipsa igneum istum furorem suis retibus implicare & captivare apta est; quod ex phosphori, ceu resuscitati ignis animalis, & auri connubio artis peritis facile constare poterit: Stato igitur hujus grassatoris & concitati motoris impetu excessivo, transpiratione

ratio nimia lymphæ & spirituum nobilium ultro
 faceffit, animaque potitur rursus vehiculis & in-
 strumentis, quibus noxam eliminare, & confu-
 sa in ordinem redigere queat, sui ipsius sat peri-
 ta & valida medicatrix. Demus ergò, istud au-
 rum solvi radicaliter in liquore omnium *medi-*
camentorum dissolventium potentissimo, & ad eum
 puritatis gradum deducto, qui cum ultimæ con-
 coctionis animalis cibo luminoso symbolizet;
 istumque liquorem luminosum & subtilissimum
 virtute ipsius auri collectiva, & artis adminiculo
 per diutinam circulationem in fixam substantiam
 salinam, & omnibus liquoribus miscibilem, rur-
 sus constringi (quod posse fieri, nec rationi nec
 artis experientiæ repugnat) præstò erit medica-
 mentum omnibus nodis dissolvendis, & omni-
 bus orgasmis sistendis aptissimum: nam nec dis-
 solutiva & incisiva virtus ita amittitur, nec col-
 ligendi liquores fugitivos & captivandi flammam
 culinarem potestas auri desinit, nec operatio
 contraria sibi impedimento est, cum, quantum
 collectiva vis anodyna suo muneri vacat, tan-
 tum incisiva solventis virtus, nunc multò au-
 ctior & stabilior, quia fixior & exhalationi mi-
 nùs obnoxia, totum liquorum animalium circu-
 lum pererret, ac omnia officinæ instrumenta a-
 nimæ illibata sistat. Ut taceam vim auri genia-
 lem & specificam in refocillando & illuminan-
 do omnium analepticorum, ambræ, zibethi,
 moschi, perlarum & coralliorum concursum
 multis passibus transcendentem, quâ reverà in
 microcosmo vices solis macrocosmi subit, & hinc

optimo jure à sapientiæ antiquæ alumni Solis symbolo donatur. Scio equidem hæc minùs nostris corpuscularibus arrisiura, qui nullas spirituales dotes corporum admittunt, & omnia particularum mathematicarum circulis & angulis vindicant, in explicandis naturæ dotibus; sed scio simul, socordem negligentiam & rerum chymicarum imperitiam tales ipsis suppeditasse hypotheses, illicò in auras abituras, si vel primoribus labris degustassent saltèm metallorum dotes geniales, ope Chymix in apricum deductas. Metalla nimirum, omnis odoris & saporis, sibi dum relinquuntur, expertia, igne liquabilia, malleo ductibilia, ope tandem unius ignis vel in calcem vel in vitrum redacta, & eodem liquore solvente resoluta, verbi gratia aurum, argentum, ferrum, cuprum, plumbum, stannum, depromunt sapes, odores, & operationes medicas contrarias & diversissimas. Dicent, sine dubio, ex figuris particularum componentium diversis hanc oriri diversitatem; sed, si ita sit, unde idem solvens homogeneous, & in se ex certæ configurationis particulis constans, aptum est, diversas & contrarias particulas eodem modo dislocare, & sub transparentis liquoris forma sibi unire? Id sanè si mathematicè demonstraverint, erunt mihi magni Apollines: præprimis, si nova quæstione urgeantur: quare nimirum hic liquor solvens corpus hoc solidissimum, verbi gratia, aurum dissolvat, & argentum cum Mercurio vivo, minoris soliditatis corpora, intacta relinquat, cùm gravitas, homogeneous & puritas

horum corporum ferè eadem sit, & particularum figura & cohærentia non adeò, per consequens, diversa. Hic sanè ex hypothesi regerant, oportet, oriri discrimen ex diversitate particularum solventis aquæ regię, & solvendorum corporum; sed sic, per consequens, unum solvens non poterit solvere nisi corpora texturâ particularum tam menstruo, quàm sibi ipsis correspondentia; ergò, si unum menstruum solvat omnia metalla, evictum est, metalla esse in suis particulis componentibus ejusdem configurationis, aut, si hoc non admittatur, falsa & ridicula est ratio suppeditata in problemate secundo, aquam nempe regiam non solvere argentum & hydrargyrum, ob texturæ utriusque diversitatem. Ut taceam, quòd agendi modus, quo solvens liquidum corpus solidissimum, & in omni ignis culinaris dissolventis tortura indomitum, discerpit, & sibi per minima innatare facit, nostris corpuscularibus ex mathesis hypothefibus sit inconceptibilis, multo minus demonstrabilis: quascunque enim sibi fingant acutas & mucronatas menstrui particulas, & quàm amplos sibi statuant auri solidissimi poros, quibus mucrones intromittantur; hærebit quæstio, quo pondere cunei in findendum aurum adigantur, & si cuneus cuneum aëris beneficio premere dicendus sit, cessabit omninò dissolutio, quæ potius ex calida rarefactione quàm compressione menstrui, ceu patet ad oculum, locum sortitur, partibus abrasis illicò in circulum agitati confusè solventis absorbtis; ergò dicendum erit, prunas

suppositas vi caloris cuneos & mucrones in corpus solidissimum impingere, & ita motu circulari atterere, agendi modo in tantum comprehensibili; sed & id suos patitur manes, cùm, antequam menstruum ignem sentiat, in frigido adhuc in corpus discerpendum agat: unde quæso hîc motus, cuneorum director, & unde motûs in frigore incrementum, eò usque in quibusdam metallis productum, ut calida inde vitra vix manibus tenere queas? Cunei certè à corpore solidissimo findendo non moveri poterunt, sed sisti potiùs in motu, poris corporis implicati, nec motus ab initio remissior concitatoris motûs per matheseos leges auctor esse poterit; cùm motus, ab agente fortiori primo corporibus mobilibus impressus & communicatus, in progressu sui tractu non augeatur, sed pededentim minuatur, & nova intervenientia mobilia semper tangentis prioris impetum reactione sua infringant. Sic, cùm pilas multas in canale quodam certâ distantia dispositas, adactâ primâ ad secundam, impellis, secunda feriet tertiam, tertia quartam, sed motu & impetu semper in progressu debiliore, & tandem prorsùs languescente & desinente. Ut proinde mathematicâ evidentia homini sano pateat, motum tam ignis culinaris, quàm ignium potentialium, liquorum nimirum solventium, appositione corporum solidorum, & infringentium aliàs motum, ex se ipso in progressu auctum & concitatiorem, nullatenùs esse mathematicum, à figurali corporum contactu dependentem, sed vitalem & spiritualem, affectu cujusdam famis & desi-

desiderii concitatum. Ac ego quidem *Magnum* nostrum *Coum*, ignem sensu & intellectu præditum esse, asserentem, ut & *Perfas Solem* & ejus sobolem *ignem*, in defectu cognitionis veri Dei, religioso cultu venerantes, adeò insipidos sapientes non dixerim, ac deprehenduntur nonnulli superciliosi & superficialiarii nostri temporis operum divinorum & naturalium scrutatores, qui, dum omnia se in promptu habere credunt, ipsi talpis deprehenduntur magis cœci, si præstratæ hypotheseos & fidei philosophicæ articuli rationem reddere jubeantur; nam ne quidem principium motus mathematici unquam invenient, ceu postea videbimus, in quo explanando omnis matheoseos apparatus non evanescat: cùm gravitas, durities, aëris rarefactio, compressio, motus igni caloris & animalis viventis, quibus demùm præsuppositis Mathesis & animal mathematicum instrumenta sua determinatis numeris & figuris jungit, affectiones sint Mathematico nunquam introspectæ, nec in æternum ex natura corporis deducendæ. Sed redeamus in orbitam demonstrationum medicarum. Soluta ita in eodem liquore solvente metalla singula (nam, omnia in eodem posse solvi, per experientiam constat) ostendent effectus, ex demonstratis, nullò modò corporum texturæ debitos. *Plumbum*, quod *Saturnum* non sine ratione dixerunt veteres, impensè refrigerabit ac languidos reddet omnes venerei appetitus stimulos, vel ore haustum, vel genitalibus applicatum; adeò, ut illæsa sanitate, vel integer annus elabatur sine ullius tentiginis sensu, vel brevius

vius etiam & longius tempus, pro quantitate applicati medicaminis. *Stannum*, quod ob ingenii indolem *Jovem* nuncuparunt, temperando calori excessivo, & humectando corpori operam eximiam navat, eaque de causa *anthecticum* præstantissimum deprehenditur, non tamen adeò, ac saturnus, soboli procreandæ inimicum est. *Cuprum*, quod *Veneri* sacrum esse voluerunt, asumptum fortè vomitum movebit, ob constrictivam facultatem in corrugando ventriculo explicatam, sed intereà calefaciendo, vel potius spiritus animales & subtilissimum quodvis colligendo, pudendæ titillationis incitamentum erit maximum. *Ferrum*, quod *Marti* dicarunt, ejusdem cum cupro ferè est efficaciæ, nisi quòd fortiori adstrictione plùs roboris inducat, ac ita colligendo humores exhalantes optimos, circulum in vasibus liquidiorum reddat, & sic simul tenacissimis vasium tenuium obstructionibus felicissimè medeatur. *Hydrargyrum*, quod fugaci ac versipelli *Mercurio* assimilarunt, nisi magno negotio ad fixitatem, & sic ad indolem ipsius auri perductum sit, ingentium turbarum dissolutivum est seminarium, ac, nisi modicè adhibeatur, totius animalis compagem dissolvere aptum natum est. Vidi sanè cadaver ex apoplexia deliri, quem aliàs non infimæ eruditionis & notæ Medicus per salivationem crebriùs repetitam ad sensus fixiores reducere intendebat, adeò fluidum & dissolutum ex medicamine, ut, ossa sine magno negotio manibus conterere, integrum fuisset, totius massæ sanguinæ & muscutorum colore rubro

bro sub pallidæ lymphæ stagno occultato. Unde & heroibus nostris, salivatione aliquoties despumatis, tandem ossa ipsa spongiosis tuberculis & tophis medullam quasi exspuere deprehenduntur, non tam morbi, quàm medicaminis adhibiti fructibus. *Argentum*, quod *Luna* subjecerunt, lunares omninò ostendit vires in colligenda & augenda lymphæ tenuiore, & in temperando calore depopulante, prodest ergò impensè *Phreneticis* & *Maniacis*, & nonnullis, quibus ex nimio calore & nervorum siccitate convulsiones spasmodicæ, epilepsiam communem æmulantes, & facietenus repræsentantes, oriuntur: ac sic per accidens itidem non contemnendam navat operam in subducendo hydropis onere, quia, collecta copiosiore lymphæ tenui, acidofalsum hydropicorum stagnum excipit, & fluidius reddit, quò facilius ab anima expelli possit. *Aurum* denique, *Sol Philosophorum* pariter ac reliquorum omnium (nam in lumine & splendore ejus ubique exultatur) omnes metallorum perfectiones sub suam sphæram contraxisse, vel potius, ceu sol inter planetas, reliquis communicasse videtur, quicquid boni possident. Hujus claustra firma qui rumpere, & salutari lavacro dotes congenitas excipere, compos erit, reverà *Jason*, ceu *Medicus* monstrorum domitor evadet; sed comite *Hercule* expeditio *Colchica* suscipienda veniet, nec laborum impatiens *aurei velleris* spolia, & juventutem *Æsoni* restituentia *Medea* medicamenta unquam deportaverit. Plura adhuc, & ferè innumera, circa metalla & mineralia in conspectum

Etum veniunt, quæ ex textura particularum, & motu mathematico explicari nequeunt. *Saturni* & *Martis* tantaprehenditur inimicitia, ut, licet in eodem solvente seorsim soluti sint, confusi maximas turbas excitent, & nonnunquam flammam fundant; neque in igne aperto confundi poterunt, etiam intensissimo, quin Mars peculiarem sibi capiat locum. Sic & Jupiter in igne intensiore non patitur Saturni connubium, sed collectus in cineres è profundis liquefacti plumbi emergit, & superficiem innatat. Sunt, ceu dictum est, liquores solventes varii generis, qui itidem insignem ostendunt sympathiam, & antipathiam in metalla solvenda. Acidum sulphuris mineralis, vel ex sulphure inflammabili vel ex vitriolis & aluminibus collectum, amico amplexu solvit Lunam, Mercurium, Martem, Venerem, Jovem; sed plumbum averfatur & aurum intactum relinquit. Spiritus nitri, seu aqua fortis solvit omnia, præter aurum. Spiritus falis communis Martem, Venerem, Jovem & Saturnum solvit: aurum, Lunam & Mercurium respuit; aurum tamen, si pauco spiritus nitri affuso, vel quarta sui parte falis armoniaci duplicetur, viribus auctus devorat. Ex mixtura horum liquorum rursus varia emergit in solvendo diversitas, ut & ex combinatione salium quorundam. Sal armoniacum, & sublimatus Mercurius, aquâ dissoluta simul, & abstractâ aquâ, in sal fusibile redacta, exhibent solvens in frigore fixum, quod omnia sine discrimine metalla solvit: in isto sanè solvente particulæ acidi jam soluto

MORBUS ET MEDICINA. III

corpori Mercurii, & salis volatilis urinofi grato cibo implicatæ sunt, & nihilominus plùs efficiunt, quàm acida acerrima liberrima spicula vibrantia. Sic & acida concentrata & à phlegmate liberata vegetabilinm, nullius ferè, respectu mineralium acidorum, acrimoniæ, & quibus sine incommodo fauces & dentes lavare poteris, verbi gratia, spiritus mellis, sacchari, roris, acetum ligni quercini, vel sancti, indiscriminatim omnia metalla lento gradu solvunt, si in solidioribus prævia calcinatione viam paraveris, cujus indolis & efficacix nullum homogeneous ex mineralium cohorte facilè inveneris. In solventibus alcalinæ naturæ eadem luditur diversitatis fabula, ut acuto opus sit opifice, qui ex mechanismi legibus particulas supposuerit, & agendi modum ex textura illorum & figura explicaverit: nam duo liquores, qui se mutuò destruunt, ceu potiùs amico vinculo intricant, ut neuter amplius talis sit qualis fuerit, ac, combinati, nullas etiam amplius in solvendum corpus metallicum vires, utpotè suo utrinque cibo saturati, exferant; seorsim uterque idem metallum dissolvant: Sic lixivium ex cineribus clavellatis solvit calcem Saturni, solvit eandem calcem spiritus natri acerrimus. Ex confuso utroque liquore & abstracto prodit rursùs nitrum purissimum, quod si, aqua dissolutum, affundas calci Saturni, intantum eam relinquet. Suppone tibi jam spicula utriusque liquoris quæ velis, particulis & poris plumbi correspondentia in solvendo, ac porrò explica, quomodò hæ particulæ sibi unitæ figuram

ram amiserint solvendo plumbo aptam ; videbis illicò, te in luto hærere : nam diversæ omninò & contrariæ figuræ statuas, oportet, particulas, quæ se ita amplectuntur, ut utriusque partis figura pristina oblitteretur, & diversis his ac contrariis figuris nihilominus in easdem plumbi particulas eandem vim solvendi attribuas. Alcalina volatilia animalium solvunt & extrahunt aurum, ferrum, cuprum, plumbum aliquatenus præparata, argentum & Mercurium nunquam attingunt. Olea itidem destillata & probè rectificata, tam animalium, quàm vegetabilium, in aurum, Jovem, cuprum & Saturnum agunt solvenda, neglectis reliquis.

12. Hæc mirifica & inexhausta mistionum diversitas circa metalla & mineralia, & liquores eorum solvantes igneos, producit in conspectum medicamina, quibus enarrandis & evolvendis multum operæ & chartæ deposceretur ; licet curiosis rerum naturalium indagatoribus non omninò ingratum fore confidam, si, quæ circa talia notavi satis stupenda & insolita experimenta communicavero ; sed cùm jam, brevitati studere, certis de causis propositum sit, in diem commodiorem specialiora enarranda suspendam, saltem ea, quæ de medicina universali delibare & suggerere visum fuit, insigni quodam sapientiæ antiquæ testimonio hîc adhuc confirmans & illustrans, quod eò gratiùs à veritatis studiosis arripietur, quò solidius & apertiùs non saltem rei tactæ veritas in eo asseritur, sed & simul modus præparationis tanta sententiarum gravitate & dexteritate

te aperitur, ut omnia sequentium seculorum effata, respectu hujus, meritò dixeris Sphingis ænigmata, non tam erudientia quàm illaqueantia lectores incautos, & tantæ scientiæ nimium cupidos. Senem nostrum audietis, magnum Hippocratem, mirando planè modo tanti momenti rem verbis, ut solet, quàm brevissimis, sufficientibus tamen & prægnantibus, enarrantem *1. libro de Diæta*, &, lectis his, facilè nobis consentietis, in præfatione secundæ partis nostri *Hodegetæ ad amissum Urinæ & Thummim* asserentibus, *plus adhuc in Veteribus solidæ rerum naturalium cognitionis amissum & sepultum jacere, quàm nostri seculi gloriosi nimis buccinatores reduxerunt, imò vel unicum nostri Senis Aphorismum plus sapientiæ & solidæ eruditionis continere, quàm universus omnium Mechanistarum apparatus unquam deteget, ineptus, falsus & superficialis.* Χρυσίον, inquit, ἐργάζοντες κόπτουσι, πλύνουσι, τήνουσι πρὸς μαλακῶν, ἰσχυρῶν δὲ ὁ συνίσταται. Ἀπειργασάμενοι πρὸς πάντα χρῶνται. *Qui aurum ad opus adhibent, contundunt, lavant, liquefaciunt igne suavi seu blando, nam igne fortiore non coit, vel conjungitur. Quod opus si ad finem perduxerint, ad omnia usurpant.* Mystica sunt verba, quæ si intellexeris sensu trito, stultitiæ omninò & crassæ inscitiae notam inures illi, cujus sapientiam & rerum experientiam stupeat & unanimi ore prædicat omnis hætenùs eruditorum chorus: nec enim aurum in mortario contundi valet, nec lavari opus habet, nec igne leni, sed fortissimo potius eliquatur & funditur, nec, ita fufum, alicujus in medicina usus

esse potest. Interim vereor, ne subsequentiū ævorum cœcitas, à rerum experientia ad inanes verborum apparatus deflectens, sensu vulgari non una vice talia arcana extulerit: *Galenus* enim, *Hippocrati* comparatus, non tam Medicus quàm receptiuncularum compilator, & in qualitatibus primis hærens disputator, sine dubio absurdam illam & experientiæ adversam ex *Hippocrate* perperam intellecto hausit sententiam, quâ *cap. 5. in Lycum* aperta suæ inscitiae prodit argumenta, inquiens: *Ignis non differt ab igne nisi majore vi, ac minore: infirmissimus est, qui ex paleis conficitur, quare ad conflandum aurum accommodatus est, eò quòd aurum absumatur & diffluat, si validiorem flammam sentiat.* Egredia sanè & digna, quæ cum suo scriptore pælearum ignem infirmum eò usque sentiant, donec ex igne doctior & instructior prodeat Philosophus, & aurum non tam liquabile, fugax & volatile, quàm sunt veritates pleræque Galenicæ, experimento deprehenderit. Nec propius Senis intentionem assecuti sunt ex hodiernis Chymicæ cultoribus illi, qui per ignem blandum & fortem gradus ignis exterioris & culinaris, in opere observandos, indigitatos volunt: nam quod solvetur & liquabitur igne remissiore, multò magis liquabitur per intensiorem, quò circulus & activitas menstrui solventis necessariò intenditur: nisi per τὸ ἐσπίσται, fugacitatem compositi indicare, & dispersioni ejus præcavere voluisse putandus sit *Hippocrates*: qualia in conflando auro solido sibi metuebat *Galenus* eventura, & hinc, vanâ curâ, ignem pælearum, tanquam tutissi-

tissimum, aurifabris commendabat. Sed dabimus genuinum ænigmatis hujus Hippocratici sensum, quem novimus rei substratæ esse consentaneum, & quem aliquô judicio & experientia chymica pollentes tali auctore dignum dicent, & allegatis verbis adeo concinnum, ut aliter explicaturus nunquam non extra oleas vagari deprehendendus sit. *Qui in auro laborant*, & mediante hoc nobilissimo metallo ad summum medicinæ apicem assurgere contendunt, primò *contundunt illud*, seu redigunt in calcem & pulverem subtilissimum, non in mortario, diducitur enim in bracteas, non comminuitur, sed per liquores corrosivos & calcinantes; è quibus rursus lege artis colligitur, & hinc, secundo, istud *lavant* artifices, vindicantes nempe, ope aquæ & ignis, ab acrimonia & falsugine aurum istud contusum, ne quid noxii & peregrini compositum physicum subintret. Aurum istud lotum, tertio, *solvunt seu liquant igne suavi & blando*, id est indissolubili vinculo conjungunt cum solvente potius luminoso quàm igneo, ceu cum tali igne potentiali, cujus partes luminosæ oleosæ & alcalinæ partes acidas & corrosivas longè superent, & hinc dulci & suavi sapore linguam afficiant. Notam verò fuisse Hippocrati hanc philosophiæ antiquæ hypothesein, & ignium potentialium naturam, ex eodem ejus libro videre est, ubi ait: *Ευνίσταται τὰ ζῶα, τὰτε ἄλλα πάντα, ἢ ὁ ἄνθρωπος ἀπὸ δυοῖν, Αἰσθητικῶν μὲν ἢ δυνάμειν, συμφύτων δὲ ἢ χηρῶν, πυρὸς, λέγω, ἢ ὕδατος. Constant animalia, & reliqua omnia, ut & ipse homo, ex duobus, po-*

tentia quidem diversis, sed usu concurrentibus, igne, puto, & aquâ. Designat nempe principia rerum corporearum, quæ quomodo ex igne & aqua constent, à nobis alibi fusiùs explicatum est, & infrà quoque attingetur. Solvi ergò vult aurum radicaliter in liquore igneo suavi & blando, nam cum corrosivo, *ceu igne fortiori*, pergit, *non coit*, non unitur, non consistit, & coagulatur, *ceu figitur*, omnes enim has circumstantias in voce significantissima *συρίσται*, uno complexu indigitare voluit; & experientia effatum istud abundè confirmat, quâ nunquam liquor corrosivus & acidus cum metallis ita coit, quin metallum rursùs in pulverem præcipitari & separari valeat, nunquam etiam ita coagulatur & figitur, quin in examine devoratum corpus rursùs deferat, & in auras abeat. Sed, ut porrò indicet, non vulgaris laboris & patientiæ rem esse, tale opus ad finem optatum perducere, non sine gravissima ratione verbum *ἀπεργάζεσθαι* adhibet; festinandum ergò lentè, & expectanda medicinæ debita perfectio, antequam *ad omnia eandem adhibere* contendas. Ad omnia tamen adhiberi posse Hippocrates noster credidit, & sine dubio experientiâ edoctus talia asseruit. Restringas, si velis, τὸ πρὸς πάντα tantum ad usum medicum, & dicas, descripsisse Senem Elixir non poly-sed pantochrestum, vel latius etiam evageris, & credas, simul transmutationis metallicæ fructum, ad res gerendas apprimè commodum, ab eodem insinuari; mechanicè tamen alterutrum, vel utrumque fieri posse, non percipies, sed potiùs ex mechanismi legi-

legibus assertum hoc, ceu stultum & impossibile ridebis; dignus tamen qui rursus ridearis ab iis, quorum manus oculatae sunt, & qui iniquo non possunt non ferre animo nostri seculi sortem miserandam, quâ in plusquam cimmeriis tenebris de luce & splendore veritatum naturalium gloriamur, & crepundiarum ludicros apparatus, cum bimulis, pluris facimus, quàm ea, quæ nunquam non possunt esse proficua.

13. Si ad eundem modum specificorum vegetabilium innumeram ferè diversitatem & operandi modum oculis subjicere pateretur instituti circulus, oppidò victas dare cogerentur manus, quotquot particularum & figurarum figmentis naturam hætenus defœdarunt magis quàm illustrarunt. Sed cùm, eos experientia particulari stringere, & in veritatis amissæ semitam reducere, ferè vani sit conatus, quamdiu ipsa Philosophiæ receptæ fundamenta prima non denudata in conspectum prodeunt, ab omnibus sanæ mentis tùm respuenda & sibilis excipienda, decrevimus subsequente peculiari capite pulverulentæ pugnae inire campum, dispecturi, quibusnam funiculis ex arena nexis totum systema corpuscularis philosophiæ cohæreat. Non id nobis vitio vertent viri hujus ævi eruditi & probi, qui fascinati Coryphæorum ingenii acumine nomina sua dedere talibus placitis profitendis ac docendis, ac, nimiùm securi veritatis philosophicæ, de novis subinde inventis, ex suis hypothesibus explicatis, orbi eruditorum gratulati sunt, & adhuc gratulantur: videbunt enim hi, candido nos duci veritatis inquirendæ

& propalandæ studio, nec fugillare ea, quæ non abscondita esse prius evicerimus, nec suppeditare alia, quæ non sana ratio sibi relicta rebus consentanea esse posse, deprehendat, ac cum religionis christianæ simul principiis facile combinare queat. Una enim, sibi per omnia constans, & ab uno fonte promanans est rerum concipiendarum veritas, sicut omnia suum esse habent ab uno creatore propagatum: ac, sicut impossibile est, idem simul esse & non esse, ita impossibile est, idem esse verum theologicè, quod sit falsum philosophicè, vel idem falsum philosophicè, quod verum theologicè. Impostores ergo & versipelles agunt, timoris & spei gratia, qui dicunt, se credere revelata, quæ principiis suis philosophicis vident, ut falsa & impossibilia ex se, ceu contradictoria, constitui; talis insulsa fides in hominem sanum non cadit. Aut ergo Philosophia tanquam delira & spuria abjicienda, aut religio, & fides historica scripturæ evertenda, aut ducto penitioris veritatis filo, utriusque harmonia tentanda & invenienda est; nisi velimus fucis & larvis induti hominum simpliciorum spectra esse, & omnem veritatem etiam e societate politica eliminare, quo quid alienius sit à vero philosopho, & homine ingenuo, vel saltè bono cive, non video. Gratiam ergo habebunt nobis boni omnes, si, præeuntibus nobis, viam invenerint, non adeo sentibus obsitam, ac genuinos veri cultores tandem ad centrum deducentem, ex quo omnia aliquatenus aspicere, & quodlibet suo loco definire, integrum est.

CAPUT III.

De pratenſi Mechanismi Natura nullitate.

I. **C**um Mathematicis jam nobis res erit, qui ab antiquo ſuis erroribus phyſicas veritates ludibrio expoſuerunt, & ſimul Dei ter optimi & ter maximi veſtigia, veræque religionis ſemina ex animis mortalium eradicare allaborarunt; quidam directo malitiæ ſtudio, quidam inconſultè ſubſtratis conceptuum deliramentis, quorum principium nec finem ipſimet unquam introſpexerunt, nec, præ puerili in rebus tactilibus ludendi pruritu, introſpicere apti fuerunt. Tales ex Veteribus ſunt præcipui *Democritus*, *Leucippus*, *Epicurus*, & *Lucretius*; ex noſtræ ætatis verò memoria *Hobbes*, *Renatus des Cartes*, *Gaſſendus*, *Galilaus*, & alii, quorum ludicra inventa, ſub ſpecie ſubtilitatis cujuſdam & eruditionis non vulgaris propinata, jam ferè totum literatorum orbem inefcarunt, & eò deduxerunt, ut quaſi triumphum, de reſtaurata naturali ſcientia, canentes, *Ariſtoteli formarum ſubſtantialium* & *qualitatum occultarum Profeſſori* ſocordix & ignorantix aſylum exprobrent, ſuique ingenii perſpicacis acumen miris laudibus & congratulationibus admirentur. Ac equidem non inſicias eo, acuti fuiſſe ingenii plurimos hujus machinæ fabricatores in diſponendis rerum corticibus, & evolvendis Geometriæ, quæ non res, ſed corporum ſuperficies certis figuris & numeris adapta-

tas, pro objecto habet, problematibus; sed tamen incautos & negligentes omninò fuisse in scrutanda rerum essentia intimiore. Tactilibus ergò & numeris disponendis cùm se totos dederint, ac omnes reliquos sensus, cum *Archimede Syracusano* inter calculandum & patriæ ab hostibus captæ & suæ vitæ oblito, quasi exuerint, mirum non est, tam acuti ingenii Viros stupendis ingenii eclipsibus obnoxios fuisse, iisque accidisse, quod videmus visu orbatis communiter accidere: pollent hi miseri præ videntibus tactûs sensu exquisitissimo, & in disponendis & numerandis rerum corticibus admodum sagaces sunt, adeò, ut quidam præstantissimi evaserint mechanici: cujus rei exemplum locus, in quo hæc scribo, *Warmonda*, pagus propè *Lugdunum Batavorum*, suppeditat luculentum, alens opificem horologetham artificiosissimum, à puero octo annorum prorsùs cœcum; hic quidem cœcus fabricat horologia, sed nescius unde instrumenta, quibus utitur & quæ connectit, originem trahant. Tales fingamus nobis horologii universalis speculativos fabricatores, & eorum ingenii mathematici acumen admirationi nobis esse poterit cum horrenda cœcitate conjunctum. Ita alium novi in Germania, hominem planè ineptum, ob conversationis & morum stupiditatem omnium ludibrio expositum, qui nihilominus ingenio mathematico omnes superat, inque conficiendis horologiis, & extricandis rationum numericarum nodis ad stuporem expeditus, in casibus obscuris, oraculi loco consulitur: ut proinde facillimum fuerit, tales

acutos

acutos Mathematicos, quàm primùm extra cortices & objectorum geometricorum cancellos sapere gestiunt, ac, consequentiis à suæ artis phænomenis deductis, in objecta realia grassantur, in deliramenta ac errores incidere horrendos, & adeò homini sano palpabiles, ut videantur, non seriò rem agere voluisse, sed consultò nugis & figmentis simplicioribus imponere.

2. Id verò omnibus enumeratis magni nominis Philosophis accidisse, palàm faciemus, ac ita denudabimus eorum hypotheses miserandas & mendicantes, ut omnibus dubium hæserit, quodnam ex duobus his magis admirandum: an, quòd tanti nominis & eruditionis homines tam pueriliter ineptire potuerint? an verò, quòd tanto numero sequaces invenerint ubivis discipulos, homines nec delirantes, nec ineruditos? In priore equidem animum admirantis sistere poterit concepta petulantia ludicra, quâ tantos Viros mundi sciendi cupidi appetitum novo & insolito dogmate ludendo exercere, ac sui ingenii acumen venditare, constituisse, credamus; sed in posteriore ratio admirationis firmiùs hærebit, cùm videamus jam seriò substratas hypotheses ludicras credi, & propagari ab innumeris ferè, eruditione & rerum experienciâ non infimis, & adeò invaluisse earum axioma, ut quoque inter opifices & rusticos inveniri dentur, qui, sive è suggestu, sive ex exstantibus vernacula lingua libris, cupediis his & sacris philosophicis initiati, particularum Cartesianarum farraginem semper in promptu habent, ac harum ope cœlum & terram mi-

scere, rerumque occultas dotes explicare optime norunt; felici republica tot philosophantium numero, nisi verendum sit, sub hac particularum pulvere religionem tandem, fidem Romanam & civilem, una cum utili & solida rerum naturalium cognitione sepeliendam fore, quæ jam dum, acuto nostro sæculo, situ obducta sunt, & paucopulvere facile conspectui nostro subduci poterunt. Traduxerunt nempe artis suæ mechanicæ inventa non satis introspecta ad totius mundi systema, indeque in conclusionem nimis præcipitem ruerunt: posse esse, ut totum universum, sine interventu essentiæ spiritualis, ad minimum sibi cohæreat in propagato motu, etiamsi detur, fuisse ab initio Creatorem & motorem primum, qui fabricarit machinam, & primum impulsus ad motum excitandum impresserit. Hôc primum, ceu possibili, præsuppositô, ulteriùs processit audacia inconsulta, & tentavit, an non totum universum ex præjacentibus confusis particulis & atomis confluisse, & in certas motus leges, ex natura & figura particularum resultantes, coivisse comprehendere queat; in qua equidem sentiendi effræni libidine mechanismi leges & ortum omninò transiliit, cum nunquam machinam, nisi ab agente fortiore & intelligente, ordinatam in terra viderit, & hinc dementi prorsus conatu rei extensæ non intelligenti adscripserit ordinem, & legum motus mensuram, quam, vel cujus similem saltem, omnes in æternum Mathematici nunquam sistere poterunt. In utroque verò egerunt ut omninò cæci, & vix ta-

ctus

Etus sensu adhuc instructi, cum nullam machinam hominis ingenio inventam ostendere valeant, in cujus combinatione & nexu non tot concurrant agentia spiritualia & non per Mathesin commensurabilia, quot visibilia instrumenta suis numeris & figuris sibi invicem adaptata, quibus agentibus apprimè motus & effectus totius operis adscribendus est, instrumentis numericis & figurilibus non ad movendum, sed saltem ad determinandum & commensurandum motum, destinatis, inque hoc unico utramque officii paginam absolventibus. Ut enim taceam ipsum artificem, ceu Mathematicum, primum operis inventorem & directorem, (quem extensum saltem & insipiens automa dixisse, forte ipsi ægrè ferrent, & qui proinde extra dubium spirituali potestate rem disposuit & direxit) ipsa moventia secundaria à Mathematico sibi subordinata, non agunt & moventur per figuras mathematicas; sed indole quam Mathesis ignorat, & quam nunquam ex configuratione particularum inveniet. Omnia machinarum genera in motu suo conservantur vel *pondere*, vel *duritie*, vel *flatu ventorum*, & *impulso aëre*, vel *motu ignis aërem vibrantis*, vel *motu & tractu animalis cujusdam sensibilis*, & ex supra evictis, *facultatis locomotiva spiritualis*. Instrumenta ipsa connexa, quæ motum machinæ determinant, non inservirent nisi dura essent, & se invicem, renitente conatu, vincirent; quod si ergo Mathesis, quæ Mathesis, non invenerit corporum *gravitatem & soliditatem*, *duritiem & motum* tam venti & agitati aëris, quàm ignis & ani-

animalium sensibilem, ridiculo conatu motum ex configuratione corporum mathematica hæc nunc deducet: nullam verò harum affectionum per Mathesin esse demonstrabilem, mathematicè facile demonstrabimus. *Gravitas*, quâ corpus, à globo separatum, rursus globi sui centrum quaerit, & non nisi motu violento, impressio ab agente fortiore, versùs atmosphæræ fluidæ circumferentiam propellitur, quid sit, si quaeratur, responsum corpuscularium erit in promptu, gravitatem immediatè oriri ex soliditate corporis, & ex onere aëris prementis, à reliquorum globorum atmosphæra seu vorticibus, pressi, proque majore vel minore soliditate & pororum angustia, ingredienti aëri locum concedente, pondus augeri & diminui. Quis non crederet hoc dato responso abundè esse satisfactum? Sed oculi longiùs penetrant, quàm tangentis manus. Evicimus jam suprà, vortices prementium atmosphærarum esse figmentum notorium, nisi statuamus, totum universum esse crustâ solidâ conclusum, qua extremorum globorum vortices coarctarentur, quod absurdum ut evitaret *Renatus des Cartes*, veritus est substantiam corpoream & extensam finitam dicere, aut mundo certos essentiae terminos assignare, ne finem globorum & vorticum dissipatorum suis lectoribus aperire cogeretur. Cùm ergò in figura universi indefinita non appareat ratio cohærentiæ mathematicæ globorum, concedant nobis Mathematici, tantisper pro somniis & figmentis habere hypotheses substratas, quas ipsimet ne quidem mente possunt con-

concipere: nam quocunque se vertant, extensum suum mathematicum in infinitum extendant oportet, ne hypothesis mendax suo fucoprivetur: si enim crustam solidam admittant, eodem modo in infinitas crustas erit ascendendum, quarum alia aliam mathematicè compingat: Vel tandem subsistendum in substantia infinita non extensa, quæ extensam crustam ultimam conservet. Ac admissâ demum & præsuppositâ crustâ, omnes globos cum suis vorticibus ambiente; quis motu mathematico graviores & solidiores particulas in tot & innumera ferè centra se colligere potuisse, comprehendet, ad efformandos tot globos suis vorticibus se invicem propellentes? cum sub una crusta omnia graviora unum centrum necessario motu mathematico petiisse, ex datis hypothefibus statuendum sit: hærent ergò acuti Viri in enodanda gravitate, quam quidem tactu sentient, sed mente mathematica introspicere nunquam poterunt, nisi simul se ipsos & totam sui extensi machinam in infinitate, & extra figuram omnem velint amittere. Dicant proinde potiùs cum *Aristotele*, corpus grave centrum petere globi sui per qualitatem occultam, & formam substantialem, quàm, per pressionem aëris; aut patienter audiant, si velint, quâ ratione nos corporis solidi gravitatem oculis mentis & intellectui, rerum essentias, non nudas cortices, scrutanti, subjiciamus. Vita illa & substantia incorruptibilis quæ compingit totum globum, & cum suis incolis libero aëre suspensum versat, corpora sibi avulsa eadem facultate vitali & spiri-

ritua-

rituali rursus ad se rapit, quâ totum sui convexum constringit ab initio, & corpus solidius ad matrem communem retractum gravius est poroso, & citius fertur versus centrum, non ob prementem aërem impetuosè incumbentem sed ob loci contractionem figuram, & pororum angustiam, atmosphæræ fluidæ, sursum & ad circumferentiam propulsæ & ascendentis, non prementis, minus objectam. Ac ita etiam à vita globi universali continentur, & versus centrum feruntur corpora animalium, quæ licet à viventibus & animabus particularibus ex atmosphæra fluida universalis vitæ compacta & extracta sint, circuloque activitatis singulari volvantur, subsunt tamen agenti universali fortiori, quod motu suo omnes incolas secum rapit, & hinc onere gravitatis animalium corpora terræ affigit, cum aliàs quodlibet animantium suum domicilium sursum ferre in atmosphæræ circumferentiam ex se valeret, & actu etiam sese ex motu universali extricare aliquandò annitatur, subsiliendo & exultando, pro concepti affectus spiritualis indole & electione libera. Corpora hinc animalium mortua viventibus multo graviora deprehenduntur, non itam ob respirationis cessantis inflationem summotam, quam ob animæ spiritualis deficientem locomotivam liberam, qua corpus versus circumferentiam potius quam centrum fertur; inde & dormientes & ægri vigilantibus & sanis multo graviores deprehenduntur, in quibus tamen non cessat respiratio.

3. *Soliditas*, qua corpora tenaciter sibi coherent

rent & tangenti resistunt, eadem levitate à nostris Mathematicis neglecta est, vel tacta cœcis oculis; ejus enim rationem suis numeris & figuris nunquam invenient, ceu jam suprâ capite primo obiter evictum est; cùm quicquid statuerint in infinitas abeat absurditates, & tandem eorum pedem in *qualitatibus occultis Aristotelis* figat. Sunt nimirum corpora solida quàm plurima, quæ ignis dissipantis & ad circumferentiam propellentis vim omninò eludunt, & hinc à premente aëre sine dubio non compacta erunt: horum particulas mathematicè cohærere quidem dicent corpusculares Philosophi; sed dicis gratia, nisi ipsemet cœcus cœco credideris; particulæ siquidem figura implicatoria præditæ, qua sibi invicem innectuntur, sunt sine dubio in se corpora solida, aliàs enim nullo modo vincire sibi adjacentia dici possent. Resultat ergò eadem quæstio, quâ ratione solidi particularum hami & rami compacti sint, ad præstandum suum officium? per novos sine dubio hamos & ramos, & hi per alios in infinitum; omnis enim figura mathematica corpus supponit compositum, & divisibile. Figuris hinc amissis deveniendum erit in respondendo ad atomos, in quibus omnis cohærentiæ ratio prorsus evanescit, cùm jam connexionis instrumenta definant, & particulæ ex particulis innumera propagine adeò multiplicatæ sint, ut Philosophus huic pulveri subducere oculos meritò consultum duxerit, & fateri, dari qualitates occultas & formas substantiales Mathematico intactas, & præcipitibus nimium iudicibus vapulasse *Stagyritano*

Peripathum, quòd, more Philosopho indigno, occulta ignorantiae latibula quæſiverit, ubi reſponſi claritate quæſtionis nervum ſolvere impotem ſe videret. Sic & *durities* Mathematicis ſuppeditabit nodum duriffimum, omnium eorum inſtrumentorum apparatus infringentem, & figuras particularum durarum illicò in fluida phantaſmata reducentem; cùm, ſi ne cohærentiæ generalis quidem ratio figuris ſubſtet, multo minùs duræ cohærentiæ fabrica in propatulo fuerit. Neque enim compreffio & coarctatio particularum duritiem miniſtrabit, cùm dentur corpora compacta ſatis & graviffima, quæ non ſunt adeò dura, ut hydrargyrum, plumbum, aurum, &c. & è contrario leviora & poroſiora, quæ dura admodum, ut ferrum & lapides. Neque ex inæquali diſpoſitione particularum & facta hinc poroſitate durum corpus emerget, cùm adamas, duriffimus omnium, ſolidus ſit & homogeneitate extenſi ſui ſatis perſpicuè gaudeat, in omni ignis ficci tortura ſalvus ſemper, nec liquabilis, nec in pulverem calcinabilis. Diſcuſſis ergò ita pulverulentis hypotheſibus, & nimiùm credulis Mathematicis ad penitiora & intimiora extenſi ſui phænomena quaſi manu ductis, puto illis, velint nolint, fatendum fore, quòd extenſum quà tale, & omnes affectiones extenſi ipſosmet ſubterfugiant, & quòd hinc horrendâ & inconfultâ audaciâ figuris motum tribuerint; cùm nec ullam figuram ſine præſuppoſito movente & figurante ſpirituali non figurato, ipſimet concipere valeant, & in arte ſua mechanica ipſo facto experian-

periantur, nullam determinatam emergere figuram, nullamque hujus figuræ efficaciam, nisi agens extrinsecum fortius agenti corporis intrinseco, soliditatis & cohærentiæ auctori, minùs forti & ad æqualiter agendum ab opifice summo destinato, limites extensi sui circumscribat, & variis angulis motum ejus naturalem impediat, figurâ exteriore nunquam principium motusexistente, sed motum jam prævium in corpore solido vel fluido numericè determinante & suspendente. Apparet hinc porrò, quo distorto ingenio, & quâ puerilis inscitiae levitate rabulæ quidam nostri temporis acti fuerunt, qui, spiritibus in corpus agendi potestatem adimentes, & ex insulsæ Philosophiæ placitis *mundum fascinaturnovo* fascino implicantes, religionem, scripturam, & omnem fidem historicam effectuum spiritualium in corporibus exsertorum, conspurcare superstitionis anilis maculâ, non destiterunt: cùm ne ipsum corpus figuratum quâ tale, sine præsupposito spiritu compingente ad momentum quidem subsistere & extensum esse valeat, multo minùs certæ & determinatæ substare figuræ, & omnium minimè, moveri. Quod ultimum, ceu primum insanientis Mechanismi fundamentum evertens, altiùs repetere necessum erit; nam motus efficaciam miris modis extollit *Hobbes*, & ejus nexum subtilibus quidem sed futilibus præstigiis evolvit *Renatus des Cartes*, quibus proinde, & eorum sequacibus, cum sua machina loco motis, fixa & immobilis veritas omnes bonæ mentis facile movebit, inertibus pariter ac impiis fig-

mentis valedicere & saniora amplecti.

4. Motûs per universum tres deprehendi dantur differentiæ: aut enim extensum emergit per motum, & certis suæ configurationis terminis circumscribitur, ceu colligitur, qui motus dicitur *generatio*, & *creatio*: aut spatium suæ extensionis transfert & commutat, qui motus audit *localis*: aut ex determinata figura rursûs per partes resolvitur, qui motus dicitur *corruptio*, seu mors. Nullam verò harum differentiarum ab extenso, quâ tali, posse proficisci, jam dum satis evidenter evicimus, & brevi recapitulatione omnium obtutui rursûs subjiciemus. Statuamus enim nobis, primum principium *motus generativi* materiam esse, matheseos objectum, cum nugatore *Hobbessio*; illa materia tum supponenda erit, vel nullius omninò figuræ mathematicæ in atomis, vel certæ configurationis in pulverulentis *Cartesii* elementis primis, corpusculis naturæ minimis, diversimodè figuratis: quicquid verò horum elegeris, absurdus eris in demonstrando motûs principio, & omnem lapidem in cassum movebis. Ex atomis enim, primò, per motum localem, & confluxum atomorum, certam extensi figuram emergere, dicendum erit; atomos autem non posse localiter moveri & confluere, in aprico est, cum non circumscribantur loco, utpote omnis dimensionis & figuræ expertes; figurâ, porrò, determinatum extensum quantumvis minimum, jam compactum & compositum esse necessariò suppones, nisi contra ipsam Mathesin delirare decreveris; unde ergò motus ille, quo prima ele-

menta

menta figuram determinatam sortita sunt? Sunt, dices, ab æterno particulæ figuratæ: sed sic tot causæ primæ, quot Cartesii particulæ; nam æternitas seu duratio, nullius rei causa productiva est, sed rem existentem comitatur; per consequens id, quod angustissimæ est dimensionis mathematicæ in extenso suæ molis, erit infinitæ extensionis numericæ in duratione, ens necessario existens, circumscriptum angustissimo loco, infinitum tempore. *Hobbesium* hinc meritò, ut apertè insanientem, derelinquens *Renatus des Cartes* substituit demum Deum, & causam primam spiritualem, quæ figuratorum elementorum farraginem confusam creaverit; sed non destitit, *Hobbesii* machinam ex præsuppositis his de novo fabricare, & per motus leges mathematicas corporum generationes intermedias & continuatas demonstrare, ut & exinde motus localis, resolutionis, & corruptionis phænomena deducere; in quo equidem instituto eandem absurditatem innumerarum telam pertexuit, & suos discipulos incomprehensibilium hypothesium rebus adeò implicuit, ut propositiones contradictorias singulis momentis protrudant, & simul veras esse statuunt. Didicerunt enim, hoc duce, spiritus ex se & sua natura ineptos esse, suas actiones in extenso & per extensum determinare, & motum in corpore ciere, debili freti hypothesi, quòd cogitando omnis rei spiritualis absolvatur essentia; cùm ipsa cogitatio sit accessorium indifferens & actus liber essentiæ spiritualis, pro lubitu desiderii exercitus & suspensus,

quod nostri cogitatores in se ipsis experiri poterunt. Deum hinc, ridiculo conceptu, Creatorem extensi statuunt, non disponendo reali virtutis contactu figuras corporum, sed jubendo è longinquo, ut existant. Ita porrò per spiritus creatos oberrantes, & videntes, ad nutum voluntatis liberum & ex affectu spirituali ipsos posse corpus suum proprium de loco in locum proferre, non audent dicere, quòd anima in glandula pineali, nescio quo vinculo Cartesianæ Philosophiæ, hærens, corpus reali contactu moveat, sed quòd jussu voluntatis imperet spiritibus animalibus, ad ejus nutum illicò paratis. Hinc nec, Deum omnipræsentem suæ creaturæ realiter esse, credere possunt, nec, animam præsentem glandulæ pineali vel toti suo corpori; Deum proinde, eadem hypotheseos difficultate contradictoriâ, etiam in quandam fortè glandulam pinealem totius universi coarctant, ex qua jubendo imperium providentiæ exerceat & motum conservet. Ubique autem contra propriæ animæ sensa impingunt, & rationes depromunt philosophicas ingenio humano imperceptibiles, & omnibus qualitatibus occultis occultiores, harumque coacervatarum cumulo adhuc sepultas. Jubendo nimirum nunquam se produxisse aliquid, nec produci posse, per rationem & experientiam edocentur, nisi adsint causæ intermediæ intelligentes jussum, & ad nutum jubentis paratæ, vires suas depromere; si hinc jussu Dei, è longinquo positi, movetur extensum, non tantum præsupponendum est rationi sanæ, extensum in principiis

realibus fuiffè, antequam fieret, & moveretur, fed & intellectu & fenfu præditum effè, quò jubentis nutui obtemperet. Sic nec anima juffa dabit fpiritibus animalibus extenfis, quin extenfi effè definant, & fenfu & intellectu donentur proprio; dum ergò fpiritus fuos & fubftantias cogitantes quàm longiffimè è rerum extenfarum confortio collocare allaborant Cartefiani, delabuntur in metamorphofin contradictoriam, & ipfum extenfum extensione fua fpoliant, ac in fubftantiam cogitantem reducunt, quò aptum fit, moraliter obtemperare fpiritibus, ac in fefe recipere actiones merè fpirituales: diftinguunt nempe, dividunt, & confundunt, eodem temporis momento; & dum, fe omnia diftinctè fuis hypothefibus explicare poffe, falfo jactitant, in immenfum confufionis, & credulitatis irrationalis barathrum fe ipfos præcipites dedere, tot adorantes, & cœcis oculis credentes fuæ philofophiæ articulos fidei, quot finxerunt particulas. Nam, nec ex fe ipsis moveri volunt particulas, fi principium primum motûs fpectes, nec, fpiritus motores immediatos extenfi effè per naturam fuam poffe, admittunt. Stat ergò immobilis machina conficta per ipforum fabricatorum hypothefes, aut machina effè definet, fi ex juffu fubftantiarum cogitantium movetur. Et quis non, tot inconditis cogitationibus & juffibus rem obnoxiam tandem ex ordine dilabi & frangi, metueret. Saniùs omninò penfitavit motûs, & imperii jubentis leges *Canutus* ille *Anglorum* ex victoribus *Danis* Rex, quem cum adulatorum aulicorum grex ftultus

eò inducere vellet, ut sibi *Domini Oceani* titulum arrogaret, convocatis consilii auctoribus, ad fretum accessit, magna voce imperans, ut retrocederet, & pediti tutam viam panderet; quod renuente pelago, ait: videte, ad quas ineptias me inducitis, ut nempe imperem subdito, quem nec manibus propriis ligare valemus, nec qui dictis nostris ultrò obedire vult: probè sciens, vanum esse imperantis jussum, cujus activitatis potestas vel non fræna injicere valet subdito prætenso, vel à renuente agente morali eluditur. Sed demus tandem, Deum esse primum concitatore[m] motûs machinæ corporeæ (quod equidem per admissâ Cartesii erit impossibile & imperceptibile) nullo tamen modo propagatio motus perennis per instrumenta matheseos erit possibilis, nisi primum movens, machinæ realiter præsens, in motu perseveret; cùm, ceu suprà demonstratum dedimus, ipsa ars mechanica nullam adhuc stiterit machinam, cujus movens primum figuris mathematicis impellat, & impellatur, & quo cessante à motu, non simul automatis agitatio cesset: quicquid ergò ex coaptatis instrumentis mathematicis deduxerint ad explananda naturæ phænomena, eodem jure instrumentis tribuent, quo jure malleo fabri & limæ quis vendicaverit horologii effectus, neglecto artifice & movente primo. Je-juna hinc omninò, & ex omni parte fragilis est rerum naturalium explicatio per mathesis dimensionem: ipsa enim dimensio esse non potest per momentum, nisi per substantiæ non dimensionis

concursum immediatum, & vix umbram tangit
 essentia rerum, qui in disponendis corticibus vi-
 sibilibus tangendo, non videndo, ludit & lu-
 ditur. Et cum ex data resolutione coherentiæ
 mathematicæ, quæ fingitur, ad oculum constet,
 ipsa extensio in indivisibiles abire atomos, quidni
 statuamus cum Sacro Philosopho *Paulo*, exten-
 sum demum ex non extenso, & visibile ex invisibi-
 li, non ex nihilo, per creationem produsse, &
ex Deo, per Deum & ad Deum esse, conservari,
 & vergere omnia; non quidem semper per con-
 tactum actionis immediatæ, sed per dispositos
 sapienter motores intermedios, qui suum ubique
 extensum singulare compingunt, & moderan-
 tur, & ad summi Motoris nutum semper parati
 sunt, aut, si prava inclinatione spiritali defle-
 ctere contendant, imperio ejus summo & ubivis
 præsentem virtute in actibus externis diriguntur &
 impediuntur; ita ut omnia, tam mala quam bo-
 na, ejus imperio subiecta maneant; cum de gene-
 res creaturæ spirituales quidem gaudeant con crea-
 ta libertate eligendi & volendi mala, sed nun-
 quam potestate illimitata, conatus malos in effe-
 ctum deducendi. Ex quo fonte jam quam bre-
 vissimis omnis motus in rebus creatis deducemus
 systema, cujus coherentiæ intueri, intellectui
 sano non adeo difficile erit, & cujus nexus un-
 diquaque veritates tam naturales quam theolo-
 gicas illibatas sistet; imò credenda plurima &
 mysteriorum fide occultata, rationis oculis per-
 ceptibilia subjiciet.

5. Deus ter optimus maximus, & in se, & ex

se undiquaque beatus, ceu sibi sufficiens, talis concipi non posset, nisi statuamus intra ejus essentiam principium quoddam passivum, & actionum spiritualium & vitalium infinitarum receptivum, in quo terminetur, & sibi ipsi sensibilis fiat primi agentis & moventis activitas. Deum ergo qui dixerunt *actum purum*, nescivere, quid dixerint, & *Atheis Spinosistis* frigidam suffuderunt, qui hinc objecta & modificationes extrinsecas Deo, agenti quasi bruto & semper inquieto, dixere ex natura necessarias, cum actus purus in se ipsum reflecti nequaquam possit, & hinc ab eo tempore quo actus est, objecta extra se supponat. Istud principium divinitatis passivum, corpus quasi Deitatis, & cujus respectu Deus in scripturis ignis appellatur, & lucem inhabitare inaccessibleam dicitur, à Sapienribus antiquissimis appellatum fuit *aterna & incorruptibilis natura*, & seminarium invisibile, ex quo in tempore per Deum, liberrimè & sapientissimè agentem & creatorem, rerum creaturarum individua, & corpora visibilia, ceu figurata, emerlere. Produco in testes *εὐνοΐστῃς* hujus asserti Persarum *Zoroasten*, Ægyptiorum *Mercurium Trismegistum*, Judæorum *Cabalistas antiquissimos*, Græcorum *Platonem*, Christianorum, ex primitivis, *Origenem*, *Clementem Romanum* & *Tertullianum*, quem nec ipse *Augustinus* in Catalogo hæresium ob hanc opinionem condemnare, vel hæreseos macula conspurcare ausus est, aliàs sat strenuus hæresium faber; ex sequioribus, Anglorum miraculum sui temporis, *Robertum de fluctibus*, vel *Fludd* dictum, Germanorum

Theophrastum Paracelsum, omnes homines solidissima eruditione, & sincera in Deum pietate suis diebus omnibus ferè facilè palmam præripientes, & horum demum omnium complementum & coronam, *sutorem nostrum, Philosophum Teutonicum, Jacobum Böhm*, quem singulari elogio condecorare & admirari, non destiterunt homines nostri ævi eruditissimi, *Henricus Morus & Morhoffius*. Is, licet scripta sua, divinitatis vestigiis referta, barbaris & parùm ipsimet intellectis Chymicorum vocabulis, &, quod laicis indoctis familiare est, tædiosis ambagibus, tautologiis, & repetitionibus aliquatenus deturpaverit coram oculis eruditi hujus sæculi; solus tamen congeffit, & digessit ea omnia, quæ in antiquis veritatis vestigiis mutilata & sparsa jacent. Summum ergo bonum, Deus, summæ sapientiæ & amoris vestigia propalare gaudens, per ætæum creativum exiit ex se ipso: concipiens in se ipso, omnipotentis imaginationis collectione, spiritus alios (cujus actus creativi indoles ex producta ceu continuata creatione, in generatione animantium, adhuc elucescit aliquatenus) eosque corpore quodam incorruptibili & igneo, ex æterno principio passivo Deitatis, vestiens; atque ita sistens primum omnium rerum creatarum systema, *mundum Angelicum*, substantias exhibentem varias individuas, proprio activitatis circulo & libertate præditas, ex *Deo* quidem desumptas, sed *per Deum*, ut suæ essentiæ multiplicatam cerneret imaginem, in Deos quasi minores eVectos, & singulari singulos imperio limitato

donatos, obedientia verò, amore & submissione ad Deum, quem scriptura exsertis *Patrem spirituum* dicit, meritò reflexos. Hujus creationis primævæ nil meminit Moses in historia creati hominis, præsupponit tamen eam ubivis scriptura sacra & ipse Christus, hujusque discipuli, Satanæ mendacis lapsus ante hominis creationem apertè supponentes. Nec obscura hæc hypothesis Judæis tum temporis esse potuit, cum jam *Cabalistarum* principes seriem creationis per varios mundorum spiritualium globos devolutam, antequam visibilia & crassa prodirent, sat, & fortè nimium, specificè enarrassent. Qua ratione verò & occasione labi & à Deo, beatitudinis fonte, deflecti potuerit lucifer, sat perspicuè suprà §. 1. cap. 2. sed concisè attigimus, & fusiùs intelligendum dedimus in *fato nostro fatuo* belgicè conscripto. Et qua ratione simul ex hoc lapsu spirituali, & hinc productis in lucifero anxietatis, timoris, iræ & desperationis affectibus, subjectus ei globus igneus cum suis reliquis incolis corripì, infici & in ordine concreto turbari potuerit, obscura umbra hodiernum indicant affectus spirituales in corrupto homine, illicò suo veneno in subjecti corporis humores, vel dissolvendo nimium vel coarctando & obstipando grassantes. Dedimus tamen hujus corruptionis corporeæ rationes specialiores, in secunda parte nostri *Hodegeta ad amissum Urim & Thummim*, germanicè extantis, ex ordine conspicuas: nimirum demonstravimus, corpus creatum igneum duobus subistere principis componentibus,

acido adurente, & lumine suaviter exhilarante, quæ duo, quamdiu æquali libramento connectuntur & à vita moventur, flammam producunt apertam & agitaram, excedente vero alterutro justæ mensuræ limites, ignis supprimitur, & vel desinit lucere, vel desinit urere: dedimus in hujus asserti explanationem experimenta artis chymicæ, ac simul evicimus, posse artis nostræ beneficio liquorem igneum sine luce corrosivum, & quævis viventia calore suo lædentem, sine ullius crassi vinculi terrei additamento, totum, quantus est, converti in pulverem terreum obscurum, nullo sapore & calore ampliùs præditum, posse itidem principium luminosum ignis, sub alcalinorum nomine in conspectum prodiens, resolvi in aquam, seu phlegma insipidum. Hinc, à minoris virtutis agentibus ad majoris activitatis substantias ascendentes, deprehendemus, nil contradictionis & absurditatis involvere, si statuamus, lapsum à Dei beatitudine spiritualiter luciferum, per concitatos inordinatos affectus spiritualis malitiæ, consequentiâ naturali, subjectum sibi globum igneum, per creationem jam dum compactiorem ac fuit in natura universali, turbasse, & disrupto principiorum componentium vinculo & æquilibrio, quodlibet in statum maledictionis degenerem præcipitasse: principio caloris & fervoris acido abeunte in terram obscuram & insipidam, luminoso verò in aquam seu phlegma iners. Habemus inde verisimiliter *Chaos Philosophorum gentilium antiquum*; habemus & *Mosis tenebrosum vacuum & inane*, ex aqua & terra

con-

confusè mixtum, quod, ceu textus hebræi explicatio patitur, ex intercedente corruptione prius creatorum quorundam emerfit, & ex quo jam altera Deo ter optimo molienda veniebat creatio rerum compactarum magis & visibilibus; cujus seriem Moses verbis ut plurimum mysticis sibi enarrandam suscipit, ut hominibus, cum quibus conversabatur, non Angelis, suæ originis elementa, & Patrem generantem patefaceret. Cujus vestigia, ceu saltem conjicio (nescimus enim, an non à Sapientibus Ægypti, & traditis Trismegisti, ipse Moses sua quædam hauserit) reliqui ferè omnes inter gentiles Philosophi premunt, tenebras & confusionem ante lucis ortum Creatori præsternentes; quo nihil absurdius concipi & cogitari de Deo sapiente, beato & omnipotente posset, si prima omnium enarranda sit rerum Creatio: à lumine enim non prodeunt tenebræ, & sapiens artifex, unàque omnipotens, non prius confundit, quæ illicò ordinata & benè digesta sistere potest. Detrusit ergò Deus luciferum cum suis subditis spiritibus, eâdem lapsûs labe infectis, è globo sui dominii corrupto, ejusque activitatem spiritualem, jam variis affectuum furiis agitatam, ad suscitandos perpetui desiderii & famis cruciatus, ab omni principio passivo, in quo determinaretur, suspendit, & in se ipsam retorfit, unde infernus & mors spiritualiter grassans ultrò enata est: idque duplici de causa, ut nimirum reliquis Angelorum choris exemplum justitiæ & neglectæ obedientiæ statueret, & simul creaturam passivam præter sui meritum

fœ.

foedatam nova facta restauratione sublevaret, & ex maledictione liberaret. Resolutis hinc, per immixtas incorruptæ naturæ igneæ virtutes, funestæ maledictionis & corruptionis diabolicæ repagulis & claustris, lux demum ex tenebris effulgit, & divinus opifex, orbem hunc aliis incolis nobilitandum constituens, non omninò extinxit producta principia ex lapsu ignis & lucis degenera, sed aquam & terram sub dominium inductæ rursus & excitatæ, ignis & lucis, vivacis substantiæ, quasi coarctavit, & conclusit, ut ita spiritibus de novo creandis superbiæ concipiendæ non adeò magnam relinqueret occasionem in domicilio non omnimodè formoso, & ipsos, ad sui imaginem conditos, eò faciliùs infusæ essentiae beatitudine degustandâ detineret. Miscuit hinc admirabili temperamento boni & mali naturalis & corporei semina, ut neutris carere viventibus in hoc globo liceat, nec enim ignis sine terra & aqua, nec aqua & terra sine igne quidquam ad combinanda corpora opaca valebunt: hinc nec ignis implicatus, & maledictioni obnitens, movetur in his corporibus apertâ flammâ, vel splendore & lumine triumphat, ceu fuit & adhuc est in Angelorum beatorum ordine, quos hinc à flammis & fulgore scriptura ubivis denominat; sed tacito circulo suo officio fungitur, & unâ secum inertia corruptionis producta, aquam, & terram opacam insipidam, tanquam cortices volvit, ab agente vitali & spiritali ipse motus & excitatus. Sed ut simul sublevaret agentium vitalium, in digerendis &

dispo-

disponendis tam gravatis & tenacibus clementis, operam, dedit illis omnibus ministrum, motorem communem, spiritum vivum & intelligentem, magnarum & extensarum virium, *Solem*, eique in habitaculum tribuit perennis & æternæ naturæ incorruptæ portiunculam contractam, seu creatam, igneam & luminosam, per ejus sphæram activitatis diffusam, ex qua per atmosphæram radiorum lucidam exiens, omnes circa se proximè & è longinquo dispositos opacorum corporum globos, quos planetas dicunt, & ex quorum censu noster globus est terraqueus, attingit & penetrat, inque eorum centro conclusum ignem culinarem animæ globi universalis in motu perenni non tantum conservat, sed & atmosphæræ horum globorum effluvia rarefacta, quatenus conclusi in corporibus opacis ignis & lucis sunt exhalationes, motu suo arripit, & vivâ flammâ, licet, ob dispersi & aquis admisti ignis raritatem, tenui & blandâ, accendit; inde productus in superficie reflexorum radiorum calor non consumens, nunquam limites atmosphæræ transcendens; extra quam omnia rursus frigent, quia lux tum sine acido igneo spiritus solaris manet vehiculum, potius refrigerans, quàm calefaciens; hinc & radii ex opaco reflexi in longinquum augent aquam & motum ignis impediunt; quod ex splendore Lunæ cuivis obvium est, & simul falsitatem hypotheseos arguit, quòd motus ex se producat calorem: aquam enim in æternum moveris motu circulari & confuso, ut & terram, falsis omninò & ignis expertem, nullo suboriente calo-

caloris vestigio, nisi ignea simul admoveris. Ope ergò hujus *Solis*, quem non iniquè oculum universi nuncuparunt antiqui, omnia viventia ignem suum culinarem accendunt, & postmodum pabulo debito, ex concluso igne corporum desumpto, intra terminos conservant, qui ignis, motu semper agit contrario motui animarum viventium & intelligentium reliquarum: nam spiritus ignivomus, ex Creatoris jussu, movet dissolvendo & protrudendo soluta ad circumferentiam; anima verò intelligens & sentiens, pro activitatis suæ à Creatore datæ modulo, colligendo proficua & coacervando occupata est: dissolvit ergò ignis compacta, & hinc omnibus viventibus oritur exhalationum atmosphæra, ex qua soluta atmosphæra anima, ope aquæ & ignis non flammantis, acidi nimirum, colligit ea quæ apta sunt ad nutritionem & auctiorem suæ machinæ & domicilii, ut ita mutuo occurso agentium contrariorum exquisitum inveniatur mediocritatis temperamentum, & mutuum adjutorium, dum anima igni colligit perpetuum pabulum, & ignis animæ agenti concretionis maledictæ in objectis corporibus solvit nodos, aquam nimiam per exhalationis rarefactionem dissipando & in aërem convertendo, & terram concretam in pulverem minutissimum calcinando, qui, quantum fieri datur, per varias separationes, & adaptata hunc in finem instrumenta, sequestratur, inserviente insuper humorum instrumentalium vehiculo, quorum indolem supra in conspectum dedimus. Quid verò de globis reliquis planetarum opacis ratione incolarum

sta-

statuendum sit, hîc non definiendum; puto saltem, omnes hos globos per novam creationem ex corruptis luciferi elementis, æquè ac nostrum, esse productos, nec suis destitui incolis spiritualibus, qui an eandem rursus lapsûs secundi subierint aleam, ac *Adam*; an verò perstiterint obediens, quis definiverit? Sic & reliquas stellarum fixarum sphaeras lucidas, solis æmulas, suis beatis & incorruptibilibus incolis plenas esse, credo, nec, si per has multivarias illas mansiones in domo Patris sui à Christo assertas, intellexero, adeò hæreticus deprehendar; cùm Dei beatificam fruitionem & intuitionem nullus locus impediatur, utpote omnibus ubivis præsentis, & omnia verbo virtutis suæ gubernantis & sustentantis. Cur enim, nostrum punctum exiguum, tot & tam diversis incolis refertum, peculiari præ reliquis tam vastis convexis gaudere privilegio dixerò, nullam video rationem, cùm ex tacente revelatione scripta nullum argumentum negativumnecti queat, quæ data est nobis, ut nobis proficua & nocentia eligamus & vitemus, non ut omnia Dei immensi & sapientis opera exinde enumeremus. Sed revertamur in nostrum domicilium novæ confusionis maledictæ labe ulterius infestatum. Homo nimirum, præcipuum hujus globi ornamentum, peculiari adhuc & defæcatoris mansionis loco à creatore donatus, in statu tentandæ obedientiæ, fidei & amoris erga Creatorem non perstitit, sed mentem soli Deo dicatam, & purissimæ ejus naturæ delectamentis satiandam, suadente invidio Satana (quem, licet

è do-

è dominio subiecti passivi dejectum & tenebrarum, ceu malitiæ spiritualis vinculis constri-ctum, asserente scriptura, dixerimus, propterea tamen loci carcere inclusum & detrusum ne putemus, nec ei ademtam moralem & spiritualem malitiæ communicationem) in creaturas inferiores convertit, nec hîc inveniens pabulum desiderio & suæ activitatis fundo adæquatum, se nudum & undiquaque egentem deprehendit, inque turbam affectuum pessimorum incidit, quâ simul subiectam menti animam corripuit, ac, per hanc irritatam, maledictionem novam, & principiorum passivorum dyscrasiam, in subiecta corpora invexit, nunc eò faciliorem, quia conclusa in hoc systemate prioris maledictionis semina progressum, suppeditato fomite, accelerare poterant. Miseratus verò Conditor vicem seducti noluit eum prorsus deturbare loco, & cum lucifero in cruciatus affectuum in se ipsos agitatorum & reflexorum conjicere; sed erexit in spiritu mentis, vocando & invitando ad cibum Deitatis amissum, desiderium & fidei famem, eique in Christo viam aperuit, novæ creaturæ domicilio, ex purissima æternæ naturæ essentia collecto, rursus vestiri, inque hac nova, lucente, & divinæ naturæ domo, contra omnes peccatorum insultus certamen legitimum absolvere, & tandem, post mortem, ipsam animam in contubernium perennis hujus felicitatis secum evehere, quæ Salvator & ejus discipuli verbis emphaticis ubivis insinuant; at animæ concessit in suo corpore fluxa principiorum passivorum oblectamenta. Sed, ne spiritus de

novo se manciparet connubio terreno, expulit eum ex loco terræ beatiori, inductaque ulterius in alimenta & elementa maledictarum coagulationum foecunditate, ex perturbatis agentibus ceu viventibus naturali vinculo emergente, mors tandem, seu recessio animæ ex inhabili & deturpato domicilio supervenit, maximum spiritui & menti, ad quærendum cibum solidum & duraturum, incitamentum, & hinc non tam pœna, quàm remedium lapsûs; quô quasi vi spiritus perennis, & ex se, ut & ex creaturis inferioribus, nunquam beatus, adigitur ad desistendum à caducis, & ad quærenda ea, quæ post mortem manent præsentia. Corpus tum, seu materia passiva, igni & solis radiis resolvenda, & aliis agentibus in suam activitatis sphæram rapienda & determinanda conceditur. Sic unius corporis corruptio est alterius generatio, & volvitur jam ab agentibus spiritualibus iners corruptorum elementorum materia, modò elevanda & depuranda, modò ulterius inficienda, pro indole & affectu agentis, donec in consummatione rerum, affuso ignis diluvio, maledicta coagulatio omninò resolvenda, & absorbenda veniat: quod negotium vel unus sol in propiùs sibi admota globorum opacorum convexa facili labore confecerit, cùm in omnibus inveniat latentis & conclusi ignis semina, eoque suffectura concremando, donec vel omnia intimè dissoluta in circulum ignis fluidum rapiantur & occultentur, vel in fixa & homogenea diaphanitate pulchritudinem primævam ostendant. Ita declarat Christus, omnis maledictio-

nis à Deo datus abolitor, ita ostendit Propheta Apocalypticus naturæ restauratæ faciem, liberam ab aqua & opaco terreo inerti, principiis non sic creatis, sed ex luce & urente igneo in lapsu productis; ita demùm suadet sana ratio & experientia chymica, qua phlegma, & opacum terreum iners, virium congenitarum cujusvis corporis deprehenduntur impedimenta, & nullius efficaciam, nisi quod vehiculi loco esse possint, & actum nimium quandoque sistere in officina fragili & variis confusionibus obnoxia; & qua experientia etiam, ignis & admistorum igneorum vi, ipsa opaca coagulatio resoluta in diaphanum mixtum abit, quin ipsum phlegma iners in concretum transparens reducitur: evidente saltem indicio, non esse absona & impossibilia in se, quæ Religio Christiana de lapsu & restauratione creaturarum suggerit; cùm in utroque nil novæ producatur essentiam, sed ordo saltem connexionis vel turbetur vel restauretur ab agentibus libertate & potestate limitata & illimitata præditis, suo genio libero, vel creatoris jussui obsecundantibus; qua libertate si creatura omnis destituta fuisset, nunquam innotuisset inter creaturas Creatoris summi potentia, sapientia, amor & justitia, atque ita ipse Deus frustratus fuisset Creationis fine ultimo, qui erat, in creaturis amore multiplicato sui ipsius contemplari imaginem, & se simul creaturæ, pro capacitatis modulo, in omnibus cognoscendum & amandum dare, ubi sanè omnis dependentiæ, amoris, bonitatis, & obedientiæ debitæ sensus desinit, si

spiritui viventi non liberum est exercitium, sua desideria huic vel illi objecto affigere, & experiri, quid inter creaturam & Creatorem intersit, & quanto intervallo distet utriusque beatitudo. Sic ex libertate, se huic vel illi objecto applicandi, spiritus ad imaginem Dei conditus invenit; Creatorem *solum summum esse bonum, quod omnibus dat & à nullo accipit*, & hinc descensus desiderii ad bonum caducum & exile, in statu tentationis & penuriæ divini cibi constituto labenti excusabilis non est: vilipendit enim optimum, quod ut tale jam degustaverat, & abiecit fidem & spem in patrem omnium, ex quo non nisi bona promanasse hætenus cognovit; è contrario fiducia & amore amplectitur creaturam, micam quasi divinæ bonitatis, & ex se undiquaque egentem & debilem, nisi continuo succursu foveatur, ipsoque labente multo viliores, in debilis & coarctatæ vitæ circulo, & hinc prorsus indignam, quæ sit illius Deus, quem Dominum integri orbis Creator constituerat, & cui concesserat vitæ quasi infinitæ fundum, mentem augustam, solo Deo & ejus beatitudinis thesauris satiabilem.

6. Ex hoc motûs systemate aperta, puto, panditur via inveniendi rationes phænomenorum naturalium pariter, ac plerorumque fidei articulorum, qui aliàs fudes fuerunt in oculis sapientum hujus sæculi; iterque prostat expeditum inter *Scyllam & Charybdin* navigaturis: nec enim in explicanda serie causarum opus ampliùs erit, jejuni Mechanismi malè cohærentesnectere figuras & particulas, nec, ad principium motûs in-

venien-

veniendum, delabi in *Spinosa* modificationes horrendas unius numero principii vitalis, naturæ, vel Dei nomine illi expressi. Hic nimirum malè feriat Philosophus, maximo conatu & imaginationis distorto acumine maximas nugas agens, & continuato tramite contradictoria contradictoriis nectens, in confusionis stupendæ insaniam prolapsus est, ex detecta principiorum mechanicorum absurditate, & ex collectis disputationum theologicarum spinis, de absoluto Creatoris decreto, & agendi creaturarum facultate spirituali à movente omnium primo immediatè directâ, & captivata, ut & ex asserta impossibili hypothesi: *Creationem potuisse fieri ex nihilo, & res creatas in nihilum rursus posse resolvi*, cui statuminandæ afferebantur rationes ipso nihilo magis vacuæ & incomprehensibiles: has, inquam, nugas & credenda inania alto supercilio dispiciens & despiciens, & suæ gentis Philosophorum antiquis principiis Cabalisticis, malè tamen intellectis, imbutus, processit in scenam, asserens: Dei actiones non esse liberas, agere & egisse ex naturæ suæ legibus, nec unquam tempus intercessisse, quo aliter egerit, ac nunc agit, neque futurum, quo aliter acturus sit. Ac, ut præscinderet intricatas de Dei decretis quæstiones, omnes res creatas dixit modos unius principii activi modificantis, nec esse aliter posse ac sunt; non *per decretum* sapienter & liberè agentis, sed per naturæ universalis fixas & statas leges & essentiam ipsam moventis primi; & sanè, huc prolabi prædestinatorem, facile erat: vix enim sapientem & bonum

eum dixeris, qui ipse fabricat & movet, quæ sibi nausæ & odio sunt; & punit, legibusque constringit, quorum aliter agendi, ac agunt, nulla est potestas. Sed cum demens ebrio videret, totam naturam reclamare huic opinioni, & non ita implicari brutis suæ essentiae legibus, quin leges & sapientia ipsorum hominum eam possint constringere, & ejus agendi impetum moraliter & physicè determinare, sui ipsius prorsus oblitus, duplicem hominis comminiscitur statum, utrinque contradictorium: alterum *naturalem*, in quo feratur naturæ legibus fatalibus; alterum *civilem*, in quo naturæ impetus per introductas & acceptas religiones & electitias leges suspendatur, & aliter determinetur: nec vidit occæcatum ingenium, ipsam ita naturam modificantem, & primum illud movens, quod ex brutis suæ naturæ legibus agere asserebat, in motu suo impediri, & quidem à modis ipsis, naturæ universalis umbris, qui modi sapientia, bonitate, astu & vi ultra modificantis & primi agentis sphæram longè ascendunt; & simul ostendunt, per novam contradictionem, posse esse aliquid in modo, & in creaturis determinatis, quod non sit in modificante primo: nimirum sapientiam, consilium, & se determinandi ex rei indigentia potestatem liberam: homo hinc sapiens, bonus, justus, verax, modus est, fugax & scenica imago Dei, ceu naturæ non sapientis; est, inquam, *modus*, nullius propriæ substantiæ & essentiæ, nec tamen hæc attributa primo moventi competent, cujus est modus:

affe-

affectiones nimirum spirituales, vitales, sensitivæ & nulli mathematico extenso competitibiles erunt sine subiecto reali in rerum natura, iustitia sine ente iusto, sapientia sine substantia sapiente, bonitas sine bono se ipsum ex amore communicante, & ipsa stulta hæc Philosophia sine *Spinoza Philosopho*, qui cum sit, ex hypothesi, non peculiaris substantia activitate propria & vita perenni & individua donata, sed umbra ludentis moventis primi, quod movens primum, ex altera hypothesi, non est sapiens, & speculationibus ratiocinationis subiectum, consecrarium est, in nihilo hærere Philosophiam, vel ipsum Philosophum omnium esse insanientium Coryphæum, si de veritate hujus delirii persuasus fuit; aut omnium malignorum pessimum, si destinato consilio, ad deturpandas hominum mentes, spinosas & ludicras contradictionum tricas *cæcutientibus & vertigine correptis* objecerit, quibus tales prorsus ex statu hominis sani deicerentur: nam oculatos & usquequaque sapientes hæc opinionum contradictoriarum portenta nunquam tangent; nec possibile est, quenquam harum cupediarum gustu demulceri, nisi qui, repulsis sanæ rationis dictaminibus, decrevit, pravis naturæ & vitiosorum habituum insultibus auscultare, & hinc sibi aptas leges ponere, non quas veras esse convictus est, sed quæ electum jam vitæ genus tutum & optimum declarant.

Habes hic, candide lector, quæ in re ardua, nec adeò obvia, ex animi candore & proximo inserviendi studio congerere jam visum fuit.

Nisi iniquus fueris censor, fateberis tecum, nec absurda nec impia esse, quæ fortè plurimis paradoxa & nova videbuntur; ac firmo rationum filo totum systema ita sibi cohærere, ut subversuro multo majus onus aggrediendum præsternatur, quàm quod sana ratio invenit, in displo-
dendis *Mechanismi* & *Spinosismi* indigestis & ludicris plerumque tricis, imò quisquiliis. Fateor, quædam problematicè & verisimiliter ad complendum totius nexum esse inserta, quorum ratio à priore rigido vitilitigatori vix reddi poterit, (quis enim in hac rerum & scientiæ nostræ caligine eousque penetrabit, ut non plus ignorantia tectum, quàm acumine mentis erutum deprehendatur?) esse etiam quædam, quæ destinata nobis brevitatis non permisit, specialius per experimenta explanare; sed vertiginosum & contradictorium sibi me nemo, ceu spero, inveniet, & plurima ita evicta & declarata sentiet, ut, ordine suo inserta obscuriora pauca vix aliter esse posse, ex combinationis ratione facillimè persuasus fuerit. Si fortè quibusdam incongrua juvenilibus annis videatur libertas & styli acrimonia, quâ perversæ sapientiæ antistites, viros eruditos & spectabiles, perstrinximus, eorumque ludicris placitis, quasi triumphum agentes, insultavimus, suo abundet, me permittente, sensu; nec enim operosi erimus in amolienda labe, & culpa personali, qui fragilitatis nostræ conscii nihil humanum à nobis alienum putamus, nec aliorum judiciis severioribus dicam scribemus, si, se rationum momentis duci, credant. Rei ta-
men

men substratæ indignitas, & hypotheses tam impietatis, quàm dementiæ aperta satis inventa, excusabunt aliquatenus animi in bonum publicum propensi affectus pro bono concitatiores, videntis, non tantum religionis veræ fundamenta, sed & societatis civilis honesta vincula, & philosophiæ naturalis, cui Medicina unicè innititur, axiomata indubitata, adeò prostitui & enervari, ut, tandem sub malitiæ & stultitiæ tyrannico imperio, quicquid boni & veri adhuc superest, animam agere, verendum sit. Occurrimus hinc ex conscientiæ & notitiæ concessiæ dictamine tanto malo, non solum evidentibus argumentis rationi sanæ satisfaciendo; sed & sensibili aliquatenus scriptionis genere nostri temporis ingenia bona, his ineptiis implicita, vel ad eas amplectendas prona, pudefaciendo & retrahendo, nec spe destituimur capeßendi alicujus fructus ex locata opera. Quo indutus animo, & qua ductus intentione si contra nos insurrexerit antagonista, eadem libertate nostra pererrare & perstringere, ei integrum erit, nec unquam gravabimur, meliora edocenti, & falsè etiam monenti obtemperare, si rationibus & experientia instructus erudiat, non verò cæco impetu, & fragili antecessorum auctoritate terreat, & imperet. Si verò cuidam irritato, & in sua supellectile, per nos turbata, confuso volupe sit, vindictæ & impotentis animi retorquere fulmina, vel avulsa ex totius serie quædam sugillare, & ceu paradoxa & heterodoxa coram sui similibus deridenda exponere, non tacto integri systema-

tis nexu, neque vindicato ab indicatis contradi-
 ctionibus & absurditatibus suæ philosophiæ com-
 plexu; sciat in antecessum, nos fore piscibus ma-
 gis mutos, & cuivis plenariam concessuros li-
 centiam se ipsum defatigandi, & ulterius denu-
 dandi; nec enim tali armorum strepitu unquam
 veritas aliquid perpeffa est, sed potius clarior e-
 micuit, &, excitatis subinde inquisitoribus tali-
 um paradoxorum novis, suis aucta est asseclis.
*Faxit Deus, cui nos ipsos, & nostra debemus qualia-
 cunque dona bona, ut cedant omnia in sui nominis
 gloriam, & proximi emolumentum!*

F I N I S.



Hypotheses explanatoriæ.

1. **E**xtensio non est attributum essentialiale, sed
accessorium, materiæ, ceu principii passivi.

2. Atomi, ceu corpora inscabilia discreta, non
sunt, nec esse possunt.

3. Divisibilitas materiæ physica ex accidente
est. Et qui, in infinitum eam dividi physicè pos-
se, asserunt, infinitè potius absurdi esse malunt,
quàm sibi ipsis cogitando satisfacere. Nec à divi-
sibilitate metaphysica, ceu mathematica numero-
rum in infinitum, ceu videtur, extensa argumen-
tum validum datur, ad evincendum quæsitum; nisi
fortè, ex multiplicationis mathematicæ & nume-
ricæ infinitæ possibilitate, quam tibi fingis, exten-
sum aggregatum & locale simul infinitum termi-
no te posse assequi, confidas. Abstractionum men-
talium sanè possibilitas non infert rerum possibili-
tatem, si ex causæ primæ beneplacito ea dependeat,
ceu dependere certum est; & numeri cum figuris,
quibus disponendis Mathesis luxuriat, res existen-
tes sequuntur, nunquam constituunt. Nec Deus
ad inania numeri mysteria Pythagoræorum conce-
ptas in creatione Ideas disposuit, vel ea produxit,
quæ nobis videntur possibilia.

4. Locô, ceu essentiæ certis terminis, & acti-
vitatibus sphærâ, circumscribuntur quælibet creata,
tam spiritualia viventia & indivisibilia activa,
quàm extensa & compacta passiva.

5. Ex quo materia facta est physicè divisibilis,
firmas & statas particularum componentium fi-
guras

guras non habet, nec unquam antea habuit; sed ad quamvis suscipiendam figuram semper apta est, & indifferens: & figuræ sequuntur genium principii activi moventis figurantis, & compingentis.

6. Incorrutibilem, ceu indivisibilem per partes componentes, animari ab agente creato materiam, non repugnat, nec omne, quod trina dimensione definitur, ideò physicè in partes divisibile ceu corruptibile est, quandiu activum compingens suo muneri vacat, nec per affectus inordinatos distrahitur.

7. Non creavit Deus ter optimus maximus, nec creare potuit (nisi potius destruxisse & corrupisse dicendus sit;) particulas in corporum elementa & principia componentia destinatas; sed cuilibet agentium & spirituum creatorum addixit integram, & incorruptibilem ex se, æternæ naturæ contractam portionem, definitam sphaerâ activitatis vitæ creatæ. Nec unquam vita principium passivum sibi creditum deseruisset, & morti, ceu resolutioni exposuisset, nisi error & lapsus utrumque confusione inextricabili implicuisset, & divisibilitatem corruptivam materiæ induxisset.

8. Et sic, corruptibile & physicè divisibile rursus induere posse incorruptibilitatem, & fixam homogeneitatem, tam rationi sanæ, quàm asserenti Salvatori & Apostolo consentaneum est: non enim restitutio eorum in integrum impossibilis erit, quorum depravatio & corruptio possibilis fuit. Et contraria, imò contradictoria, in eodem subjecto per vices vera esse posse, disputatorum nemo hætenus inficias ire conatus est.

*Supplementum ad Paragraph. 6. & 7.
Capitis Secundi.*

Ut adimatur contradicturis substrato à nobis fundamento generali, ad inveniendam morborum genesin, occasio se ipsos & alios inani prætextu suspendendi, discutiemus brevi quædam paroramata, nobis oretenùs, &, ni fallor in intentione hariolanda auctoris, etiam scripto publico opposita; ut veritas asserita, & indubitatis experimentis innixa, in commodum medicantium & ægrotorum eò minus involuta compareat, & proniores nanciscatur asseclas. Succum, *primo*, pancreaticum, & glandularum omnium, præ omnibus officinæ animalis humoribus acidum esse, negare se posse putant; *quia degustatus lingua saporem acidum non imprimit.* Sed fallaci omninò indicio, cùm acidum acerrimum sub viscido lentore terreo, vel sub oleosis involucris occultatum insipidum fiat: sic sulphur minerale, vel etiam acidum vitrioli, addito oleo inflammabili, in sulphur minerale rursùs reductum, acidum suum abundantissimum linguæ non communicat, & abstractum fortiter à terreis absorbentibus, amisso sapore id ipsum recondit; sed an ideò, acidum in his non prædominare, aliquis dixerit? Sic occultatum in lentore viscido lymphæ glandularum acidum non linguâ tentandum; sed vel distillatione, vel putrefactione digestiva, quâ vincula viscida fundum petunt, eliciendum, & tùm linguæ demùm experturæ constabit rei veritas;

ritas, & experimenta hæc cuiusvis obvia esse possunt ex saliva, quam glandularum succum esse, omnibus constat; exceptam tamen velim salivam scorbuticorum, in quibus acidum à sale lixivioso & muriatico absorptum deprehendetur, nec per fermentationis putrefactivæ subsidium in conspectum prodibit. Eadem levitate sentiendi putant, *secundo*, bilem & succum pancreaticum alcali & acidi connubium non constituere, *quia non agunt in se invicem cum visibili effervescentia & ebullitione, quæ communis est salibus alcalinis & acidis sibi commixtis*: nam hanc turbam, commodò maximò naturæ, impedit oleositas bilis & mucor tenax succi glandularum; separatis verò per destillationem oleosis & terreis vinculis, ordinaria alcalinorum & acidorum phænomena præstò erunt. Interim bilis integra compages acido commissa, licet non sensibiliter ebulliat, destruitur tamen, & in mucorem abit albicantem, non amplius amarum, sed subdulcem: quò experimento videtur inniti nunquam satis laudatus noster Hippocrates, dum *Libr. de Diata in acutis*, asserit, *ea de causa acetum biliosis magis, quam melancholicis conferre, quia amara dissolvantur & in pituitam vertantur, at succus melancholicus ulterius fermentetur, sublimetur & multiplicetur, per acidum*. Ac nisi consultò errones agere, & præconceptis imbuti cerebelli inania phantasmata rerum gravissimarum experimentis præferre statutum maneat, ipsius chyli color albicans, & sapor dulcis confusionem dictorum liquorum contrariorum apodicticè evincit: & provocamus in arenam secùs sentientes,

ut

ut simile quid, non confusis alcalinis, acidis, & oleosis, præstent nobis, paratis, ex talium diversa mixtura colorem lacteum; & saporem dulcem non uno experimento artis in conspectum producere, imò ex conjunctis tribus liquoribus homogeneis, quorum neuter dulce sapit, talem dulcedinem propinare, quæ omne mel & saccharum multis parasangis post se relinquit, ostendere etiam, quâ ratione, incumbente flamma culinari, chylus albicans abeat & concentrètur in sanguinem rubicundum, & rursus ex sanguine rubicundo, per affusam ex glandulis mammariis lympham subacidam, chylus albicans & lac emergat; ut constet, chymicè in sua officina animam agere, & artis chymicæ beneficio præprimis in syntheseos rerum naturalium cognitionem solidam deveniri. Ab Anatomicis verò nostri temporis admodum oculatis postulamus, ut nobis explicent, quare lien colore ex atro & fusco rubeat? quare tot arteriarum, paucis verò venarum ostiolis irrigetur? quare deniquè stomacho & pancreati firmis vinculis committatur, & in nullas alias regiones collecta liquida suæ officinæ derivare deprehendatur? nil sanè, quod rationi consentaneum erit, regerent, nisi nobiscum asserant, deponi ab anima provida ex sanguinis massa recollectum in lien humorem acidum, unde visceris hujus parenchymati, ex ramo splenico venæ portæ suum nutrimentum haurienti, color hic peculiaris inducitur, & porro eundem humorem acidum exsugiet ex spongiosa substantia lienis à glandulis pancreaticis & stomachicis per tenues lymphaticorum vasorum

canales, inibi ulteriùs perficiendum, & munerì suo destinandum, nimirùm, ut in stomacho cum deglutita saliva fermenti primi vicem rursùs subeat, & in intestino duodeno cum bile commistus nova commotione & præcipitatione separationem spissi à tenui moliatur, & chylum colore albicante, & dulcedine ornet. Et si porrò huc revocentur ea, quæ in hypochondriacis & cachecticis, quibus nimio collectio acidum lien intumescit, notantur, quòd nimirùm appetitu canino plerumque infestentur, nec tamen ex cibis ingestis nutrimentum bonum colligant, nemo, nisi in se ipsum, de meliore conscium, injurius, facile negabit assertorum evidentiam; & speramus, omnes veritatis amantes nobis assensuros in asserenda veritate, & hypothesi, quæ ignorata, vel abjecta, rem medicam non potest non perversam reddere, & decumbentes innumeris malis affligere.

T A N T U M.

